

萬載縣志卷十之一

人物

列傳一

人材不擇地而生然必間世而出未立萬載以前而其地屬於萬載南平王鍾傳最絕特則因亂而見也然有因治而見者龍長史鐔遇明祖神武不世出之主奮起草茅鴻毛遇順於以取卿相不難也中遭蹉跌命輔孱王不至如賈長沙之自傷哭泣敢以慷慨不撓之氣折燕藩靖難之師終於舍身以殉義烈千古百世之後洵足以廉頑立懦爲縣人立身行已知耻之先道矣舊志人物可以循省文藝瀏覽篇章而得之第恐一時朋儕誇耀之見親屬獎

萬載縣志

卷十之一

人物 列傳一

許過當之語載筆者不察遂若學皆通儒官盡循吏亦或不能免於致疑矣非敢妄爲瑕疵也先民一節之長鄉黨自好之士無時無之亦無地無之采之不周察之不當未嘗不可俟諸後人而不能無憾於今日攄懷舊之蓄念發潛德之幽光願愛我者有以助我慨我者有以恕我矣

唐

應智瑱鳳嶺人隋末林士宏蕭銑迭據豫章智瑱於華林山屯兵置柵保障一方武德五年李大亮宣撫江南智瑱歸之因表置靖州命爲刺史功德及民愛之如父母八年州廢改袁州刺史更大亂後與民休息鎮以清靜民安樂之采豫章古今記嘉定志補

舊按十代文獻畧引豫章記智頊高安萬載鳳嶺人以地本屬高安後入萬載故併言之要皆從後稱也唐武德前邑屬建成八年始由陽樂并高安豫章書稱建成人較允

宋震曾昌二年進士爲鄂州唐寧縣令贈衡州刺史檢校司空文章政事俱有可稱其子訥天復二年攝鎮南節度使推官守大理評事

廖洪進城鄉人居窮養親克盡子道大中九年安志作元年誤父母繼沒捧土爲墳結草廬其旁號慟無時髮未嘗櫛有青蛇如龍長不踰尺止其側風雨輒失所在又大蛇馴伏廬中有鴈中箭來下爲脫箭敷藥創合乃去又有白獸相繼至鄉閭異之咸通中縣令

萬載縣志

卷十一

人物 列傳一

朱郁以狀聞廉使京兆韋上其事勅以孝行感應令本道特加旌表祀府鄉賢及本邑忠孝祠嘉定志

舊按唐書孝友總傳亦載洪爲萬載人通志以唐無萬載改爲筠州不知唐置筠州一年遂廢通志亦未爲得也

鍾傳史稱高安人綱目實從後稱萬載少業負販王仙芝猖獗江南大亂眾推傳爲長稱高安鎮撫使仙芝遣柳彥璋畧撫州不能守傳入據之言諸朝詔拜刺史中和二年遂有洪州撫民危全諷聞傳之去竊州以叛僖宗擢傳江西團練使俄拜鎮南節度使檢校太保中書令爵潁川郡王又徙南平傳率兵圍撫州天火其城士民謹驚諸將請急攻之傳曰乘人之險不可乃祝曰全諷不降民

何辜火即止全諷謝罪聽命以女女傳子匡時傳以匡時爲袁州刺史彭玕爲吉州刺史廣明後州縣不鄉貢惟傳歲薦士行鄉飲酒禮率官屬臨觀資以裝齎故士不遠千里走傳府傳少射獵醉遇虎與鬪虎搏其肩傳亦持虎不置會家人至斬虎然後免既貴悔之戒諸子曰士處世尚智謀勿效吾暴虎也乃畫搏虎狀示子孫天祐三年卒匡時自立爲節度觀察留後節唐書本傳

陳節萬載鄉人生而英偉中和二年鍾傳爲鎮南節度使選充白沙都鎮討遏使并特奏署潭州長史兼御史大夫威惠並著大順元年充使人朝昭宗召對便殿賜工部尚書以疾請假西還卒於新賢里耐塋錢田村原子四長從謂鎮南觀察衙前兵馬使充楊

萬載縣志

卷十一

人物 列傳一

三

林鎮副使次從訓鎮南觀察押衙檢校國子祭酒兼御史中丞次從錯次軍節采墓志補

南唐

宋齊邱字子嵩祖震父訥十國春秋作父誠見前傳齊邱少孤好學善屬文兼習機變權詐之術豫章亂隨眾東下時李昇刺洪州通志作金陵是既東下矣安得復依洪州李志誤也延四方士往依焉甚被親禮昇移鎮京口宋瑾之難常叅豫謀議昇入輔政修舉禮法親附賢士寬徭薄賦民用安輯皆其助焉昇欲進用之爲徐溫所惡乃以爲殿直軍判官凡十餘年不遷溫卒擢拜左司員外郎累遷諫議大夫兵部侍郎參議機密甚協時望吳王欲倚爲相會請告

如豫章改葬其父遂入九華山啟求退居吳王連召不至時李璟
爲大將軍遣使諭起之除中書侍郎遷右僕射平章事昇受吳禪
遷司徒知尚書省以疾乞解職授洪州節度使璟襲位復召爲相
俄乞致仕出爲浙西節度使表乞歸九華賜號九華先生封青陽
公未幾復起鎮洪州悉以軍政委僚屬有終焉之計以所居愛親
坊爲錦衣坊大起第宅日與賓僚燕樂數歲遷太傅南唐書封衛國
公賜號國老保大十三年周師圍壽春召還都計事南唐書周侵淮北
起齊邱爲太師領劍南東川節度使進楚國公與謀議齊邱固讓仍爲太傅
明年諸將敗於正陽舉國震恐樞密陳覺與鎮南節度使李徵古
每對璟言齊邱是造國手今患難方殷請委以國事璟不悅又明

萬載縣志

卷十一

人物 列傳一

四

年璟遣謨李德鍾明相次奉表於周請稱藩世宗使德明復命議
割江北諸州以和齊邱言割地無益遂得謝歸青陽卒年七十三
著化書十卷理訓十卷行於世崇祀鄉賢志

舊按陸游馬令南唐書各有齊邱傳出處更詳惟一作豫章人
一作廬陵人似俱未確綱目質實則云萬載人通志引南唐書
及江南通志揚州府志俱云萬載而郡邑志又確載緬村故宅
且崇祀鄉賢其爲邑人無疑

李徵古篤學有詞藻登進士第授起居郎兼尚書吏部郎中保大
十年除袁州刺史勅改所居鄉曰懷舊里曰孕秀離都日賜以內
庫酒入宜春界每經一村落必召耆舊親故藉地飲盡歡而去到

郡靜理壁立不可干以私五季之亂袁州更刺史二十九悉武夫
勲臣徵古至以儒術飾吏治循刺史鄭審舊址立孔廟備祭器絃
歌獨不衰焉嘗以私財百萬代其鄉輸稅召拜樞密副使後以累
賜死祀府名宦邑鄉賢舊志參徐鍇學宮記南唐書

舊按萬載自宋開寶始隸袁州觀傳文若徵古已爲袁人者蓋
載筆者傳會也以歷志相承如此姑仍之

徐鉉字乾瑋一字鼎臣康樂鄉人十歲能文工隸書尤好李斯小
篆交泰中爲左右廂兵馬使檢校國子祭酒兼御史中丞上言貢
舉初設不宜遽罷又劾陳覺馮延魯罪不容誅但齊邱延巳爲之
陳請故陛下赦之擅興者不罪則疆場多生事者矣喪師者獲存

萬載縣志

卷十一

人物 列傳一

五

則行陳無效死者矣請行顯戮以重軍威楚州刺史田敬洙請修
白水塘實邊吏因緣侵奪民田鉉按視籍歸其主事後主爲吏部
尚書入宋授率更令歷左散騎常侍太宗立獨直學士院從徵太
原軍中書詔援筆立成奉敕與湯悅同撰江南錄至亡國之際但
以天命爲言誅後主文尤極悱惻讀者悲之淳化二年貶靜難行
軍司馬著有文集三十卷江表志稽神錄

徐鍇字楚金第進士爲秘書郎齊王景達奏授記室爲殷宗義所
誣貶烏江尉歲餘召還授右拾遺集賢殿直學士重忤權要以秘
書郎分司東都中愛主其才召爲虞部員外郎後主立遷屯田郎
中知制誥集賢殿學士又拜右內史舍人賜金紫直宿光政殿兼

兵吏二部選事與兄鉉俱在近侍號二徐宋李穆使江南見其文章歎曰二陸之流也後見國勢日削憂憤成疾卒所著惟說文繫傳象韻譜方輿記今尙傳參南唐書洪武志

宋

蕭杞字楚材新興里人宣和進士正奏名第六學邃於易精大衍數性剛果歷州縣多治聲終廣州通判市舶提舉祀鄉賢舊志參安志

劉昇陽字迎曦屢試不第筮易得蹇因號蹇齋世居煙築結廬謝山巔倡明道學人稱劉長者嘗與楊萬里謝諤友善皆有題贈參李志

萬載縣志

卷十一

人物 列傳一

六

舊按舊志長者一名崇禮字掃之相傳爲制置使允迪子廬墓謝山受學朱子與楊誠齋友善云云一名昇陽云云考誠齋爲朱子前輩師友之說旣頗齟齬允迪隆興進士後誠齋十餘年其子安得友誠齋蒙長者稱乎且允迪玉山人退居後方建義學教鄉族何故輕去其鄉而遠葬謝山皆巨信今觀虹橋族譜自始遷至昇陽已四世考厥源流一名允迪未仕乃恍然曰邑之允迪非玉山允迪也師朱之允迪子非友楊之允迪子也舊志因同名牽合愈出愈歧耳今斷從後說庶無疑焉讀書堂善載

劉宋當是傳刻之訛長者本宋人也

彭道琛中嘉泰解額將赴京闈失怙恨不獲祿養遂隱居不仕甘

貧守約一切世味泊如也惟彈琴賦詩見志而已舊志

龍以禮祥興二年舉賢良方正任本縣丞改江南建德丞皆有遺愛致仕後君鄉沈靜恥於自耀人尤企慕焉舊志元

張千崖字凌谿號南山獲富里人官臨江教授詳見虞集書院記

敖仲實字若虛號玉溪白良村人舉孝廉延祐間任新昌州同知有政聲重修羣賢祠增祀知縣甯麟鄉賢姚勉各爲之贊州人稱爲賢守遷西番大葉茶提舉三任中書行宣政院事爲人樂施予結納名俊尤喜建橋邑中百里內外多其創立而錦江牟村昌江三橋爲最著崇祀新昌名宦弟銓號玉澗任梅嶺長官兄所建監

萬載縣志

卷十之一

人物 列傳一

七

毋翊贊之子濟字百川任岱山厰鹽司令重修錦江橋按舊志仲實玉溪誤爲二人參新昌志改

黃璧字元瑜歐桂西鄉人識趣高遠沈浸古籍大德間應詔賑饑恩例授江州榷茶大使吳激虞集揭傒斯歐陽元嘉其行義皆訂交焉凡捐貲三修學宮及講堂齋舍舊志

歐陽朝字朝宗白水里人初遊夏果齋門學春秋第至順進士授瑞州路錄事厯官通山龍南二縣尹才猷懋著以文章名世學者畧事果齋禮事之揭傒斯黃潛皆與唱酬入贛州名宦舊志參贛州志

郭擦獲富市人左手及兩足皆反掌以右手擦地行因名母及弟

皆病廢乞於市以養者十八年至正二年冬遇道人手藥五丸授
擦隨服而愈復遇道人以五丸遺母母服二丸亦愈鄰富人有病
如擦者以金求一丸擦授丸却金鄰病頓愈感其德廩母子終身
建有孝義坊祀忠義孝弟祠舊志參安志

黃盅字子中璧弟受學於臨川吳澄學務沈篤必期至道澄器之
以女孫妻焉舊志作以子誤爲題書室曰大本堂第至正進士舊志僅
稱舉鄉薦授龍泉教諭明洪武二年修元史以順帝事無實錄徵盅
等十一人徧行天下凡涉史事者悉送上官祀鄉賢舊志參吳郡行
狀朱彞尊趙伯友傳

盧湜號石溪歐桂東鄉蓮亭人性度曠夷行誼雅飭工詩文所著

萬載縣志

卷十之一

人物 列傳一

有海槎空語廬陵王從叔爲之序歐陽雲汀謂湜樂府諸作不減
唐王建張籍參嘉靖志

明

歐陽汝洪武六年舉儒士任本縣教諭性質穎敏學問廣博元亂
後能以師道自立教有成效舊志

龔鐔字德剛少與梁寅黃子澂相師友年十九選入南宮曹國李
文忠司成宋訥以國士薦之召對稱旨命同貢士張宗濬等隨春
坊官入直講陳田里稼穡及古今孝弟文學諸史數年詔治水於
泰州視軍遼東川雲所經利弊當興革者必以聞帝嘉其能特授
浙江按察使歲游饑俸贖悉捐濟各郡以不避權貴爲忌者所中

左遷長洲知縣兩浙士民遮道泣送歸侍養歲餘適晉府恭王薨世子幼上難具傅都御史袁泰刑部侍郎張思恭以鐔對起爲晉王府左長史王委以督兵重權時西戎寇太原鐔率軍禦之戰於河汾有功北平檄徵晉兵靖難鐔泣陳大義堅不與引兵至城下力攻不克竟趨金陵卽位後飛詔械鐔錦衣獄不屈死時癸未十月九日也年僅四十子叔馳叔颿方數齡其遺草家書及尙書李至剛長史劉本彝主事張楫諸輓贈猶有存者入山西名宦祀鄉賢舊志參山西志安志

謹按長史守兵抗節見皇明通紀崇信錄旌忠事蹟等書迨諡忠愍見宏光實錄鈔洵足與黃練諸公爭烈惜史臣失採諡

萬載縣志

卷十之一

人物 列傳一

九

典亦遺乾隆二十五年邑侯張立中始立專祠其後歷有修葺民國十九年燬於亂惟神座上一椽獨全龍姓族人捐資重修費銀幣三千有奇義井譜載有基址丈尺改稱龍忠愍公祠堂劉貞字文忠號靜齋相傳漢劉向後自咸陽徙居萬載故名其地曰炊藜已遷邑北之龍河祖父世有隱德貞生而英敏魁岸少孤母坐之膝授以孝經隨口成誦比壯博聞強記於所居之西闢靜樂軒士大夫多歌詠其美曾榮爲之序晚年積書教子建桐岡書屋胡祭酒儼爲之記生平孝友慈惠處己待人一以禮人咸稱爲長者子蓋有傳

龍儀字希文號鳳虞永樂進士任陝西永壽知縣廉潔嚴明胥役

爲奸者旬日盡發之邑以爲神入爲刑部郎部多大辟未決不數月爰書悉定黃州寇起當道知其才以同知往賊望風解散署郡篆期年愛民下士置學田官店以贍諸生立碑記之累升山東參政著有龍江別集入陝西名宦祀鄉賢孫毓霖滕縣教諭舊志參陝西志通志

易復亨字子謙勤學問元季寇亂偕兄恭亨襄亨奉母避山谷爲羣盜所獲以計遁去寇平奉母還修舊業於烏溪構壽萱堂母疾侍湯藥惟謹舉孝廉不就撫姪如己子常節贏餘以賑不足邑人德之年六十四卒少休楊溥銘其墓子節進士另有傳舊志

歐陽恕字秉忠生九歲而孤執喪若成人於所居旁構竹泉書屋

萬載縣志

卷十一

人物 列傳一

集里中子弟讀書其中暇則竹杖芒屨徜徉隴畝間課耕鋤爲樂中書舍人蔣廷暉顏其居曰耕讀山房學者因稱耕讀先生年七十卒季子信永樂舉人官廣西賓川同知卓著能聲安福吳節銘其墓

彭昶字時顯舉人任浙江道御史嚴毅自持豪貴震懾當時稱鯁直無避忌者必曰彭御史舊志

翟昌甫家貧樂道喜讀書春夏移書於塔秋冬則樓時人爲之語曰昌甫塔昌甫樓風吹四面搖眾人爲他憂獨他絕無愁後以人才辟任郎官

劉蓋字迪誠性剛直明敏力行孝弟第進士以刑科給事中巡按

湖廣表循良黜貪墨綽有風采論事忤旨謫通州通判尋復爲給事中言愈切直降嚴州府經歷卒祀鄉賢舊志參安志

易節字時中復亨季子器宇凝重蘊蓄宏深以進士授行人歷禮部員外郎宣德間知四川成都府升貴州左布政使所在至誠待人吏民不忍欺羗夷化服當觀政時聞母龍病請假兼程歸躬侍湯藥祝天以身代母渴甚思菘菜時六月無從覓仰天而泣淚霑襟忽青蚘銜菜從空下熱湯進之渴頓止後又思食黃雀卽羣飛入幕聽其弋取其孝感如是卒於官入兩省名宦祀鄉賢舊志參四川貴州志人物攷

楊資字永凝號友善早歲知名由舉人任浙江黃巖教諭益力學

萬載縣志

卷十一

人物 列傳一

十一

日與諸生課藝卒於官子濤恩貢廷試第一例擢州縣以科第自期改全州學正升真定教授孫模歲貢人稱三世濟美著有忠孝廉節四箴訓子孫舊志

易震字省躬歲貢任山東朝城知縣居官清廉有德於民朝民立祠尸祝之好題咏閒居吟從軍行觀魚諸詩尤膾炙人口舊志

黃恭字宗禮沈靜敦樸學問淵邃由舉人任雲南大理府訓導積優升河南衛輝教授歷校湖浙閩三省文闈薄宦四十三年箱篋所藏書籍而已教子勵學檢行不及生計舊志

郭彥正號敏齋力學敦行嘗於白水等鄉置廩儲穀歲歉出貨死無歸者營葬之鄉人悅服或被強暴侵陵曰我將訴敏齋輒少却

仰山祠合邑祈禳地歲久傾圯彥正獨力修葺之嘗曰吾老矣無能爲所望者孫瓊瑾也建綠陰書屋日命講習其中暇則與文人墨客觴咏自娛後兩孫果顯瑾爲名卿子善慶喜吟咏惟孜孜承歡不營祿仕孫瓊瑾另有傳

郭彥明號恕齋事繼母委曲承意所得分產悉以歸弟鄰有不獲贍母而鬻妻者貸以貲全其夫婦卒不受報後舉人才任湖廣黃陂縣丞以子儀貴贈郡丞儀字時望宏治選貢知河南永寧縣在任四載嘗單騎靖寇亂捐俸代民輸納清丈減稅養老卹孤有郭青天之謠尋升金華同知丁艱歸有數人護送至家問之皆陷重辟蒙申雪者舊志參安志

萬載縣志

卷十之一

人物 列傳一

十二

郭瓊字宗器髮甫燥食餼以人才辟授國子監博士親老告養歸大學士楊榮楊士奇府尹黃養正輩各有贈行作年七十九卒性剛介弟瑾膺鄉薦不廢課督及弟成進士布衣蔬食自若始艱嗣納妾知爲良家女卽送還之後正室生八子傳三十餘孫派衍千餘人若孜仁維範維試汝宣維礪宏宇萬里以科貢顯皆其後也詳見墓志前志

郭瑾字邦器十歲遊庠嘗自謂天下事惟宰相能行之諫官能言之吾得志不令此語成虛第進士授刑科給事中正統中升都給事中六年奉命錄南京刑獄多所平反在科持身端謹獨持風裁以論中官忤旨出知潯州未幾復原官八年升刑部右侍郎理獄

平允有數囚得罪當道諸法司欲置之死瑾獨慨然曰殺人媚人吾不爲也竟寬釋忌者思中傷之致仕歸有朝臣贈句曰澤深刑部無冤獄品重黃門有諫章蓋紀實云著有綠陰書屋集年八十三卒詳見墓志祀鄉賢舊志參安志明史一統志列鄉傳並見通志歐陽煥以歲貢入國子監永樂間授浙江上虞知縣政績盛著升廣西按察僉事克振風紀舊志參廣西志

劉執中字處權歲貢任廣西平樂照磨地雜土酋嘯聚不常郡守廉具清操委總巡召酋長多方開示以禮諭遣無復畔者擢知湖廣江夏縣冲和靜鎮豪悍俗變以疾解任宦橐蕭然江夏人如失父母年八十八卒舊志

萬載縣志

卷十之一

人物 列傳一

十三

常質字敏實歲貢任河南開封府經歷民苦方某貪虐臺使者按部質直發其奸竟被劾去郡中爲之謠曰開封若無常百姓盡遭荒蓋指荒爲方云改瓊州經歷舊志參安志

郭溥字曰仁瑾之子以歲貢任徐州訓導升敍州教授持躬範士卓有典型子諤字玉臣選貢任遼東衛經歷釐占籍之弊清募應之奸績效甚著舊志

龍以韶又名舜韶平生多隱德嘗有盜夜入室韶覺之方暑露坐故不就枕先休諸婢僕手燭出盜者語曰若膂力方剛獨不足自食耶能改行吾昇若資盜愧求脫予資遣之盜卒改行課子甚勤子時舉四川知縣另有傳舊志

龍駿字執毅篤學詩文力追先正宣德舉人歷官廣東河源訓導翰林孔目刑部檢校天順間遷山東金鄉知縣廉明仁恕吏不敢欺居家孝友親喪廬墓三年入山東名宦舊志參山東志

李瓊字蘊素舉人居鄉哉成後進惟恐不及歷任廣東高要縣順天府訓導升詹事府校書翰林院侍書遷汀州知府建學賑荒決訟如神吏鮮侵漁值上杭寇發徵討無功瓊躬詣寇穴陳利害悉釋甲歸罪境賴以安卒於官祀汀州名宦本邑鄉賢舊志參汀州志安志並見通志

何英字實夫成化舉人仕至南雄教授學務至靜立敬尤精於易尋繹義理耄耄忘倦舊志

萬載縣志

卷十之一

人物 列傳一

十四

龍時舉字用之成化中貢太學任四川彰明知縣侍郎謝一夔爲序壯其行清慎有治聲龍州土酋嫡庶爭襲以賂故人不決時舉往按賂者又至給之曰得爵而我謝未晚也酋以爲親已不疑因得鈎致其黨一鞠而讞定弱者得直又有大姓犯大辟傾貲求出卒論如律已而移疾歸至潯陽無僦舟費家人典質往逆焉家居裏足公門子姓治經者數十皆指畫口授之客座一聯云雖無金帛分宗族祇有詩書教子孫祀成都名宦舊志參安志

柳萬春字廷秀號謙山十四人泮易節奇之妻以女中乙榜由歲貢任湖廣麻陽教諭以行檢勵諸生講授得麟經奧多所成就三署邑篆有循聲士民戴之舊志參李志

伍祥字士吉號東溪由歲貢任湖廣祁陽訓導殷勤課士士皆德之九年告歸諸紳繪像賦詩以贈有伍家萬載家聲舊之句蓋祥累代仕宦有五世金門待漏圖嚴介溪爲之序舊志參李志湖南志李理字子玉歲貢官廣東揭陽訓導愛士如子請諸有司蠲其徭役秩滿歸諸生泣送贈以榕江餞別圖子舜舉亦貢生任南雄訓導孫士良廩生舊志參李志

辛正爵字天錫號受侯歲貢任潯州衛經歷郡守夏雲盛服其才事多委之適寇亂以退敵自任命心腹以貨郎入寇穴爲內應夜襲之殲其魁餘黨潰散夏以膽壯干城志足保障薦丁艱歸不復出麤飯布袍不改寒素卒年六十八子燦寶忠厚端方知縣陶舉

萬載縣志

卷十一

人物 列傳一

十五

鄉飲孫拱宸邑庠舊志參李志

張藥號松軒約已好施歲饑賑粥見橋路壞者輒修葺族孫某有侵欺債而代贖之族某貧鬻身贖以貲更爲成室鄉人推其德望爭負多質成焉土俗午節競渡每爭鬥至溺死藥先期召里人飲之酒願自今歲始無角勝至時自賃小舟泛中流龍舟分道馳自此無復以競溺者宸濠之變知縣張以藥有膽智委解軍餉給路費不受詔賜粟帛冠帶有紀恩詩云樓雲野鶴戀林塘姓字何緣入帝鄉珠粒銀繒榮野老嵩呼萬歲謝君王百歲時有自題詩邑宦彭澄問以延年術答云青精大藥駐年華絕粒餐霞自一家盡道長生能辟穀不知仙飯有胡麻卒年百有七舊志參府志

舊按府縣舊志藥俱作鑾今據家譜更正

彭顥字遵道生平磊落不羈身致富饒每語人曰天生財必有用無則取於人有則與人烏用作守錢傭爲義舉甚多族鄰多告乏周之稱貸不能償卽焚券喜賓客四方賢士入境必延致盡情正德間知府羅輅檄修郡城顥領其半餘人營營未知所措顥旬月已畢功後以輸粟例給冠帶城北有巖蒼翠幽鬱顥多植花木構亭其上延賓課子日夕遨遊自號翠巖居士以子澄貴贈奉政大夫太史唐順之表其墓郡守李春芳爲之銘澄自有傳舊志張鎰字時重號素庵總角能文入泮後益嗜古學日誦千百言貢入監歸與有司往來便便有捷才所居灾縣令張邦穀給官地一

萬載縣志

卷十之一

人物 列傳一

十六

區爲樹屋贈以詩曰居中有一奇男子手執經書盡日看謁選考上等授淮王審理副以目疾乞休居林下二十餘年每有所作命孫輩代錄子棗字靖馨號潔齋穎敏有父風嘉靖間歲貢官雲南江川令七年愛士恤民孫漑字以達和平教諭澍舉人另有傳舊

志參李志

龍瑗字文玉時舉子貢入大學屢試高等購古今名集法書閉戶誦習卒業歸文翰一新授湖廣黃州通判卒於涼著有東臯五更草

龍玠字桓玉瑗弟貢入監選廣西桂平知縣多惠政徭役之編尤詳察均平大吏頌其式旁郡桂平地雜獐狔綏馴不易玠撫叛獐

數百人不血一刃民皆德之生平好古博核善詩歌著有怡雲懶仙吟尤樂導人爲善所不當意面斥不少貸弟子多成名者舊志
參李志

彭澄字一清號龍溪中嘉靖亞魁任永州推官聽獄平允擢太僕寺丞升工部營繕司員外郎都水司郎中命治南河時河塞水傾汎濫二百里餉運苦之澄議復河故道會歲饑請發帑以募代賑不三月工集遷河東運副擢守延平多惠政值海寇犯順浚陸練卒境賴以安議割漳泉地置大田縣增修郡志顏其堂曰忠愛聯曰青天白日惟三事暮夜黃金有四知三載入覲移疾歸晉階一級卒年七十五生平丰采端凝內行克脩邑稱醇德君子晚年究

萬載縣志

卷十一

人物 列傳一

十七

心詩學擅一家言著有恕庵遺稿守延迂見天游別集寓鐔稿祀延平名宦其思富宦游二集則皆贈言足徵所至宦績與贈公隱德云子天補天禎有傳舊志參李志湖南福建志

鮑良材字國珍幼穎敏年十三補弟子員試輒高等九赴棘闈遂棄去以詩古文自娛與彭澄諸人唱和家僅中產喜急人困有難娶者多方翼成之嘉靖初部檄婺縣城民不堪役良材子身訴當道得緩舉居家孝友知縣徐一唯聞其名造廬訪焉贈詩有愧我遠非關令尹爲君超邁古希夷之句卒年七十一遺稿被焚不傳
舊志

龍士通字允升號對山舉人任福建長汀知縣地饒俗黠以廉靜

鎮之民間有賢哉縣主青菜豆腐退食優游民得安所之謠家僮
三人不耐清苦逸其二嘗題署聯云一力自隨官舍足獨衾無愧
夢魂清高御史葑按閩風力嚴峻特薦之遷彰德同知旋卒祀長
汀名宦本邑鄉賢舊志叅安志並見通志

彭渾號蒙泉由增生入監選光祿寺監事耿介自持兄澄守延平
屢以書招不赴一意課後輩子天祐北監有聲孫紹蕃髫齡入泮
晚年棄舉業浪游山水多修菴寺橋道鄉里稱善士

龍國重字仁卿時舉孫由選貢任湖廣鄱縣訓導升福建浦城教
諭需次吏部時見都民火甲之困疏聞不報人服其敢言

龍國相字明卿歲貢需次都門以文爲活公卿爭羅致之題贈多

萬載縣志

卷十之一

人物 列傳一

十八

假手授南直崇明教諭

龍國賢字愚卿以字行歲貢任南直隸無錫訓導升蘄州學正署
嘉魚知縣淡泊自甘新學宮修預備倉士民歌咏之年八十餘卒
著有茅竅微聲集藏於家

龍國臣字瑞卿以選貢任廣東陽江教諭嚴以律已寬以訓士其
歸也諸生送至會城有泣者嘗戒諸子曰天道福善禍淫大賢犯
而不校可徵所養矣子允中字士履號芝山嘉靖舉人性耿介知
湖廣湘陰縣廉明奉公甫及考而母訃至匍匐歸遂不出嘗畫像
自贊曰甘餓西山寧蹈東海我思古人獲心千載時權相當國蓋
有感云素長於古文有祭汨羅廟文九仙宮碑序人傳誦之建

三峯書院舊志參李志湖南志

張棟號環溪以歲貢授浙江永康訓導升福建南靖教諭值倭寇雲擾當道識其才命攝邑篆有治績交章薦之旋以疾告歸與修邑志築室石頭山杜門課子與友朋唱和爲樂有白頭不自垂髫志猶記當年赴館時之句卒年八十有五長子以仁字樂山篤於孝友萬厯中由貢生歷任信豐上饒訓導遷瀘溪教諭欽州學正所至爲士林推重家居十二載後學多所成就著有鑑性纂粹卒年七十五次洵字以信性敦樸寡言笑亦以歲貢官臨江訓導昔高祖千崖教授風澤未泯及洵泣任士類傾心咸嘆世濟之美遷教諭歸卒年八十一皆屢舉鄉飲孫文綸廩生舊志參李志

萬載縣志

卷十一

人物列傳一

十九

龍人俊字廷卿力學有膽畧嘉靖辛卯冬巨寇黃牯眼率黨入境抵其家適老母病臥俊奮擊手殲二魁賊由是遠避邑賴以安人服其孝勇後以貢官福建南平訓導舊志參李志府志採田寮集

鍾憲鼎號石峯英敏博學三乙榜以歲貢任南直高淳訓導嘉陳生九齡才捐俸助之後陳登賢書任宜春令召其孫美入署課督卒成其名人謂愛才之報美早歲補諸生以孝義稱娶宋氏瞽一目母蹙然憂之跪而言曰娶婦以事親反貽母以憂不孝滋大仇儼愈篤母心順焉母沒廬墓三年後以貢任餘干教諭講學胡敬齋祠聽者五百餘人卒於官著有詩稿舊志參李志

藍珏號近山積學有幹才以歲貢任浙江嘉善訓導捐俸卹貧士

民死無歸者助棺瘞之倭寇竊發院道委守北城寇不敢逼升福建晉江教諭復遇倭亂中丞王咨以兵畧寇平升惠州教授山賊又亂撫軍張杰資其謀破敵薦擢廣州通判卒於任珽性孝友所得俸悉均其弟未仕時有侵學地置水碓者親訴撫軍傅以清復之遺有近山在望册藏於家舊志參李志

龍以仁字子善郡廩生遊安福鄒東廓守益之門有至性生甫一年母彭卽逝稍長結廬墓畔追服斬衰三年彷彿母姨像圖之飲食必追祭事繼母易及鄧咸得其歡父三綱遘疾衣不解帶者數月先後葬祭悉如禮廬墓凡九年感白雞號犬之祥集木漂還之異郡邑上其事祀忠義孝弟祠著有瞻思堂集參安志通志附朱允恭傳

萬載縣志

卷十一

人物 列傳一

二十

後今不存按語允恭亦宜人

葉璽號可亭舉人歷知浙江雲和景寧縣事遷池州同知清白不染所至有竹葉青之號解綬歸日手一經課子孫好古多著述成一家言刻有發祥堂草舊志參李志

朱良佐字守忠進士授淮安府推官清操有爲擢兵科歷戶科都給事中美秀而文時有宋黃門之稱彈劾不避權貴如正中宮肅閣監停翫作通海運諸疏載大政記中升太常寺少卿大理右少卿謝病還家四壁蕭然鄉評推重祀鄉賢舊志參李志並見通志

彭明甫字則誠嘉靖間由監生任南直寧國縣丞約已愛民有古循吏風去之日行橐蕭然敝衣數襲入江南名宦

張賢傑字古逸性孝友甫二歲而孤時與寡母相向泣至不能食比長喜讀會南北重役伯兄以僉解賠糧被繫傑請代者三年家產盡遂棄舉業謀生計兩兄歿且無嗣傑事嫂禮有加生平公正和易處宗黨無間言里有忿爭不平片言立解晚得子璧親自課督愛勞備至遇考試雖二三百里必親挈之行重爾不惜以璧貴贈雲南按察使叅議舊志

辛光佐字盡臣號古泉慷慨有氣節貢入京適族兄某解帑虧銀三百兩監追無措知光佐將至謬指爲胞兄欲揭部光佐呼與語曰同族有難自當纓冠相救何必爾乃貸以償歸而索負者至復盡鬻已產歸之不責報任浙江安吉州訓導持身率士師表儼然

萬載縣志

卷十一

人物 列傳一

更加惠貧士甫一載以疾歸歸逾月而卒卒之明年孫敏道聯魁同日生皆登賢書爲知州咸謂行德之報云子謙吉字抑甫性謹厚以督耕課子爲事晚年子敏道令褒城親書莫盡三尺法常存四知心聯誡之年九十一屢舉鄉飲舊志叅李志

袁本初字玉善與兄本中先後應歲貢初任湖南衡州訓導擢浙江富陽教諭士林悅服孫汝祝萬歷舉人篤學好吟咏建觀音堂於東門外讀書其中未仕卒舊志叅湖南志李志

喻濟時字汝霖世敦孝友祖嘉號南園博洽工詩父律軻構孝友餘慶堂儲書訓子著述甚多至濟時始大家聲隆慶改元恩貢授南直隸歙縣丞攝篆黟邑有清操升四川墊江令以孝友仁厚爲

化澆俗一變士民立碑頌之擢蒙化通判益務德教有孝廉范運
吉者以內行者稱因厚禮之唱和成集士民興起夷裔悅服尸祝
無異塾江子六仲子卿舉人署山東長清教諭季子良歲貢武昌
通判舊志參李志

辛明述字學古號克信素性孝友甘窮約不喜奔競以孝廉終舊
志

彭天補字袞卿號心龍澄長子生時父官太僕夢朱衣拊其背曰
駟駒彭彭金馬斯臧天以補報因名焉由舉人官定州知州遷河
間府同知時海寇不靖羽檄飛馳艤艫之卒一切仰給河間天補
悉心料理事集而民不病凱還論功旌爲人齟齬改調東昌受事

萬載縣志

卷十之一

人物 列傳一

兩月掛冠歸構煉石別業日與友引觴賦詩年六十思母李宜人
不忘預爲壽藏於墓側曰吾旣不能脫身累以常事吾母身後復
背之是吾所不安也未幾以病卒著有綸褒三世跋頌世德甚悉
舊志

彭天禎字禔卿貌清質慧文采蔚然由大學生任廣東高州府經
歷有能聲司梅祿榷稅課溢前額爲同寅所忌移疾歸工書法酷
嗜二王名家墨蹟購藏甚夥舊附天補傳

宋一和字齊樂號節齋由監生任福建漳州照磨署漳平知縣水
操自勵有病死於獄者輒施棺瘞之參將某強佔屯田委之勘斷
還本軍人服其公居家孝友丁內艱哭眇一目歿後邑人呈舉鄉

賢移文漳郡稽查得實舊志

劉冲宣其父碧富曾發嚴田石橋冲宣有父風嘉靖庚子歲饑捐金易粟賑濟一方全活甚眾後乃好浮屠重修光梵寺子金魁金耀萬厯倭寇之亂知縣徐一唯以魁才命帶兵追勦寇平不居功耀亦好義輸穀二百石脩賑得旌獎耀子良臣娶石城王曾孫女助修丁田秀江二橋捐貲助貧不可枚舉有高岡雅韻集皆名人題贈舊志

唐緝賢字滄溪性孝友父七十而瞽賢每食必親奉行則扶掖臥則理衾枕睡熟始去十年如一日爲親卜得吉壤以合族太祖父母未有葬所卽先塋焉曾因累入獄見無告者餉之並爲謀脫不

萬載縣志

卷十一

人物 列傳一

二三

責報歲饑鄉鄰多待舉火不能償卽焚券兩舉鄉飲壽八十有九子應試萬曆癸酉第二名舉人萬載鄉魁自應試始應魁廩生易聖教號六虛甫七歲塾師指庭前竹曰貞節堪爲友令屬對教應聲云虛心是此君十六遊庠讀書謝山深處有咏謝山詩母病侍湯藥衣不解帶旣葬復廬墓出所積修西江橋開佛嶺黃田諸路宋九儀爲之傳舊志

張汝誠字純夫庠生痛失怙恃不求祿仕肆力於詩古文集叔璧彭自新宋九儀輩交重之晚遊京師與吉水劉兌陽姚江魯雅存倡和所至留題爲人仗義屢周窮乏從弟貧力爲婚配歲給膳穀曾修鏡山路置林家磨渡船子仕綱邑庠舊志

宋九儀字夔卿號鳴珂少穎異九歲應童子試三試皆第一十二歲食餼由恩貢授福建建寧知縣尚文學除盜賊課農桑禁巫祝戒溺女教化大行歲凶捐俸積穀民稱宋公倉尤精衡鑒識呂大綬獎拔之聯捷登第由是士知趨向科甲日盛秩滿北上士民爭遺財帛不受乃爲立生祠九儀取木主歸曰吾無德堪此父老無滋吾愧也還任請終養居喪盡哀廬墓三年負郭僅三畝處之泰然嘗和淵明六咏見志著有環堵漫言卒年八十一入福建名宦祀鄉賢舊志叅安志福建志並見通志

張璧字世良號崑岡第萬歷進士起家南兵部職方司主事游歷武庫司郎中值營兵缺餉大譟璧單騎擒首亂事立定遷廣西按

萬載縣志

卷十之一

人物 列傳一

二四

察僉事巡左江却關門例數千金興學校課諸生定交南黎莫二氏構殺之亂轉右江叅議忤直指使改雲南右叅議分守金滄議罷大理採石革麗江榷金值歲饑斗米錢三百臺司議以米代杖貧民無所得米有瘦斃者璧歎曰吾寧違新法以一官易多命下令悉除全活數百人士民德之以積勞謝病歸尋擢本省副使累檄不起生平急病讓夷爲諸生時破產贖伯父賢仕罪遇人疾苦較方施藥有困乏者稱貸必給至事關利害每赴公堂侃侃陳論及貴顯處鄉族更謙厚喜讀莊子好鍾王法帖尤酷愛蘭亭及卒以爲殉著有連城集祀雲南名宦及本邑鄉賢子汝梅定州同知著有砥砮集舊志參廣西雲南志安志並見通志

歐陽材字爾英恕之後祖曙燦好義疎財賑穀施襖年九十給冠帶材以恩貢任寧州學正爲諸生時設帳廣報觀聞應期彭自新皆受業焉嘗書聯自警云存心有三畏起念惟九思在任淡泊自甘有卽事卽景入絕傳後子餘慶邑庠材弟學孝友謙和縣舉善人按院獎之

葉世美字濟之璽之孫以歲貢知福建龍巖縣至誠御物民不忍欺顏其堂曰臨汝著有臨汝堂錄一切地方釐革條議洞如指掌其禱城隍除草毒驅虎害及祭文信國諸文尤真誠剴切又有飛兔草公餘合刻彭自新宋九儀爲之序今皆散佚子亢宗鳩宗孫宜振俱庠生舊志

萬載縣志

卷十之一

人物 列傳一

二五

張以宗舊名澍字思潔七歲父棗喪苦塊泣血母雙氏曰幼有至性後未可量延帥教之未幾濫報儀賓竭貲始免父故令江川族或疑其多藏以他人侵隱案陷之入獄慨然曰才靈尚在何慮無貲盡鬻田宅償母子困守益厲匪文士罔與交性靜而敏雖詆諧謔浪不廢構思皆自信必售者遂以案首入泮食餼登萬曆辛卯賢書公車七上再中乙榜部取赴選不欲行母曰吾老矣盍爲祿仕乎乃就安仁教諭謝贄振乏士論多之母病奔歸竟卒年五十七著易箋藏於家

譚炯號念橋力學好古由歲貢任浙江杭州訓導識黃汝亨於未遇後黃令進賢遣使迎之升湖廣鄖西教諭從撫軍李見羅講學

多士鄉風尋擢建昌教授主講明德書院著訓蒙禮集八行圖說
學者宗之解任日士民贈以春臬釋化學行兼修二冊歸而貧甚
所居不蔽風雨人共稱之

彭白新字滌之號祖銘進士初授行人卽抗疏請元子冠婚大典
一時重其風采尋升刑部郎中出守四川重慶清廉平恕爲寮屬
表率時楊喬初定自新爲善後計措置周詳升本省副使以憂去
服闋補荆西川南道轉雲南右叅政分守金滄雲龍逆酋段進忠
擁兵叛自新計誘擒勦殲渠散脅迤西以平事詳潘一柱彭公平
叛碑遷按察使未幾致仕歸天啟癸亥卒於家刻有滇南政績祀
鄉賢孫奇發遊庠舊志叅四川雲南志安志並見通志

萬載縣志

卷十之一

人物 列傳一

二六

宋良輔字效忠以歲貢任安遠訓導恪守官箴府縣交薦有却饋
揮金儲書郵匱之語

宋良弼字盡忠以恩貢入北監任華亭縣丞政尙慈祥有老佛之
稱調衡陽經歷華亭人爲立去思碑抵衡陽當道重其才委署興
寧甫兩月士民愛戴一如華亭刻有兩地遺愛記作格言示子孫
有忍一言退一步息一怒饒一著之句子繼伊歲貢任經歷繼儒
州吏目繼偕繼堯皆邑庠舊志叅李志

龍應期字三愷與弟應明應會相友愛四世同居共爨院道旌其
廬應期由歲貢官安南教授造士多方卓然師表應明亦以貢任
連州學正應會年七十給冠帶

舊按舊志爲應會立傳應期應明附見今更正

敖化成以孝義聞父鳳錦享壽百九歲化成侍之如一日母何氏病不解帶者三月餘夜夢神人授藥次日卽愈朝士或勸之仕答以詩曰光陰迅駛去如馳白髮年華未可期捧檄曾聞毛義喜遠遊恐動仲由悲班衣難向黃扉舞菽水忍將膝下離反哺願終烏鳥愛敢辭微祿謝皋夔由是孝行著聞方伯來額旌之嘗捐修白良橋黃皮尖路萬厯戊子己丑游饑減價平糶貸不責償族遭回祿出穀以助晚年制棺施無告者知縣畢爲文獎之未仕卒舊志參李志

辛可善字龍衢萬曆乙卯歲貢家故有藏書盡送諸學以裨合邑

萬載縣志

卷十一

人物 列傳一

二十七

初知縣姚繼舜候部咨與遇京邸蒞縣數載未嘗以私干愈器重之咨以利弊邑修丁田橋捐樹以助

劉世科字興登邑庠生篤學力行萬厯己丑歲饑親族有乏者計周之秋成不受償曰以饒濟乏義也己酉僉解南糧爲里中貧民墊解八十餘石晚年家落處之泰然生平有犯不校佃戶狎其寬或抗租且加辱終含容之曰一鳴諸官彼必得罪有私伐其樹者與以金曰持此可市木無剪我桑土之防卒皆感服子泰來斯來游庠舊志

李正芳號心崖孝友善詩文以歲貢就試南都因膳錄誤見抑遂就選官雲南永昌通判攝州郡及督儲理捕事皆著聲兩以軍功

一以積穀蒙賞升陝西寧羌知州致仕歸恩例晉階四品屢舉鄉飲舊志叅李志

楊遇用字汝材邑庠生下筆輒數千言同邑彭澄張璧咸器識焉候廩二次以服制沮謂所親曰以一豢蠹糈且困我告我處也因留產易書自象緯樂律河洛元禪以及醫卜琴奕飛觴延客放浪山水問奇探秘者戶外之屨常滿彭張二公每自宦所招之不就家愈貧而興愈豪最惡言財合郡相知酒肴外無敢致餽歷任賢尹咸過從以詩文請至舉鄉飲則辭著有芸窗一得編行世孫一龍遊庠

辛圖猷原名子光號衷抑萬歷舉人中甲辰乙榜任永新教諭丙

萬載縣志

卷十之一

人物 列傳一

二八

午分校廣東取士五人皆名流丁未又中乙榜升廣東大埔知縣以清潔著逋戶頓輸流離漸復游調程鄉俱有甘棠之頌告養歸獨力建南浦橋垂成復圯或謂石工惰故致此宜罰金責其成圖猷不可卒傾囊成之自題其柱焉所著咏志詩盛傳於時子啟夏啟周孫瓊瑤勤學俱邑庠舊志叅廣東志李志

喻子賢字君實號蘭臺舉人歷知廣東鎮平平遠程鄉縣以廉能調增城數問疾苦民情悉達遇事刃立解蠹役無所容奸至有求去者舊苦徵輸加耗悉革去之俾自注簿黥盜誣良痛懲之自經服毒陷人者置不問風俗爲之一變至於去郡蠹抑中使尤人所難一夜夢母病亟請告數日而訃至士民多泣送者服闋邑令

倫公勸之起不從因作一聯云風雨一犁農事亟煙霞半畝野心
閒其恬趣如此居鄉惡干謁非公不入官府祀鄉賢舊志參廣東志
府志並見通志

鄭邦魁號少谷歲貢任崇仁訓導潔己愛士嘗捐俸爲王止烺完
娶併給以膏火士烺後得恩貢劉某有冤獄廉其情爲白縣令昭
雪之所著有家居六律忘言編讀涵養操持論漫賦等詩子從孔
隱月臺山刻有月臺山意舊志參李志

鄭邦德號二谷恩貢任浙江縉雲教諭署宣平慶元二縣升南直
隸望江知縣冰蘖自守家無長物著有春草堂集澤田遺稿舊志
參李志

萬載縣志

卷十一

人物 列傳一

二九

郭維礪字汝成歲貢任贛州訓導矢志清刻制行端嚴友愛兄弟
撫孤姪如子平居以孝弟勤儉爲訓

丁守正字永表少負文名由恩貢任南安府訓導歷升零都教諭
蘄州學正窮經忘倦造士多方卒年八十二舊志

袁伯明歲貢任臨江訓導轉廣東和平教諭院道以學優才練褒
之前後署興寧長樂知縣各立去思碑升東昌教授端方正直無
所阿徇舊志參李志

鮑彥聖字名臣庠生少負偉志讀書靜安寺夜歸遇羣巫持火驅
疫問知病者極貧袖金贈之病愈謁謝辭弗見有莊屋任寧州人
樊姓故佃也挾貲物疑而偵之知竊自主家論之歸不聽得其主

姓名密遣馳報追物歸主願中分以謝却之事母以孝聞撫諸姪有恩胸無城府族黨咸樂與交家計日窘惟孜孜力學其題壁聯云天理九分終是少人心半點卽爲多子紹湯歲貢任四川墊江知縣

張紹渠號鳳陽邑庠生性剛介知縣畢姚咸重之每咨訪利病多所掌畫值兵興增餉紹渠援嘉靖詔書奔愬當道事雖格邑人義焉水次倉爲樵蘇要道幽僻有厲爲崇多沒溺之患渠捐貲建鎮龍庵遂成坦途又請重修丁田橋倡建畢姚二公生祠在庠五十餘年弟子從游數百人年八十餘卒舊志

郭宏宇字天衢髫齡補廩生已得歲貢痛弟宏宿早逝遂不廷試

萬載縣志

卷十之一

人物 列傳一

三十

閱二年始以母命進京選安福訓導見重於少司寇鄒德泳每會復古堂必相與講學卒於官士紳爭賻之子萬里選貢姪萬鵬歲貢皆執業於鄒有贈句舊志參李志

喻應魁字文宇早失怙恃逢忌日輒悲欲絕髫年遊庠爲文根柢經史有矯然獨詣之思人爭師事每歲饑傾貲賙卹邸舍有以色相挑者正容拒之自號閑公新昌漆嘉祉爲之贊屢困鄉闈遂放浪山水吟咏自適或夜分乃還人或慮之曰虎避正士鬼懷正氣予自信已審何畏也逝時謂其子曰吾家世忠厚當引之彌長勿斲善根善自當爲惡不可爲非爲禍福故然禍福畢竟不爽汝曹志之子懋敬天啟舉人長厚有品舊志參李志

辛應軫字斗垣邑庠生篤學尚義不靳施予子承芳構別業九仙宮傍延師課子孫劬歲貢生以文名順治間奉文開丈墾荒圃以入難六不可呈縣及司詳免之士魁及曾孫四人俱邑庠舊志參田賦志

楊嘉和字達道器識通敏總州游庠以歲貢任常州經歷多所建暨委權稅澹墅清操不染薦擢涿州同知遂歸建步雲志學二館課子孫及羣族子弟修葺芳坑亭榜山小溪諸橋路賑粟捐榷不勝紀子德美廩生舊志

辛聯魁號張吾光佐孫舉人任永豐教諭捐建尊經閣有德教碑擢知徐州城遭水陷撫卹兼至以事忤當道調劔州甫三月流寇

萬載縣志

卷十一

人物 列傳一

竊發倫歷艱險謝病歸舊志

彭之龍字言允髫齡入學以選貢中順天鄉試任陝西南南教諭不局纖嗇不競浮夸卒於京一時同年友痛惜之斂賻歸其喪舊志

郭汝宣字贊明篤志博學工楷書府道考與弟迭爲冠再登鄉試乙榜以歲貢授職生平事寡母孝待庶母以禮嘗受知知縣徐一唯無私謁獨以晏三綱罹非辜代剖訊釋適喪偶三綱願爲婚以報執不可宰聞而媒合焉後宰升任延入幕以母老薦友自代友欲分金酬之不得也母塋所人稱佳城友某謀盜塋其旁弟欲鳴諸官宣曰友既不義當與分咎今穴未穿幸也以貲補所妄費事

遂已常書楹帖曰願留餘巧還造化多積陰功與子孫
宋治字作明廩監生任廣東海豐縣丞歷署永安長樂三縣領其
廉明嘗捐俸掩露骸代貧生林某完逋賦又助王某葬父重葺綏
戢堂孝廉關仰旒爲之記秩滿將入都以資斧竭蹶遂歸長樂民
爲立去思碑舊志

楊綦字魁林萬歷歲貢授南直隸休寧訓導未仕卒心粹行端孝
友著聞士林重之

孫崇祖號翊存歲貢任建昌訓導升羅定州學正委署西寧縣篆
不數月治行甚著遷吉安教授西寧人感之有瀧寧輿頌太史韓
日續序以行舊志參李志

萬載縣志

卷十之一

人物 列傳一

辛御良號柏坡鄉試文已入選易置副榜者再屬修府志郡守李
德甫知其才任以筆削吳焯宋良佐皆師事之舊志

王若昊號文川尚俠好施鄉有反唇鬪牆者必親詣其家爲陳大
義及古今孝友事人爲感動歲旱民饑所居李家園近吳楚通衢
捐廩設粥全活甚眾有賑荒詩云可歎年荒米若珠嗷嗷飛雁負
饑雛化離盡作溝中瘠雲漢空勒黼座思就食移民需善政捐貲
煮粥敢嗟呼幸延生命秋成日繪獻無勞鄭尹圖嘗戒子孫曰踐
土食毛無以報君恩但得早輸公賦無爲逋課頑民足矣子道純
庠生孫祚長廩生有文名祚永歲貢生力敦古道繼伯爲嗣孝事
唯謹後伯年老生二子家產付永管理無殲芥私考選教職未任

卒祚永子象賢廩生

宋九德字士吉工詩文善楷書垂髫食餼以歲貢任萬安訓導端躬行勤課會嘗捐修五雲二十里渡頭坑倒橋灣路施棺埋露骸秩滿升廣西融縣教諭聞母訃捨地泣血遂卒於任遺囑母喪葬祭甚悉不及他事者有五雲三桂齋集舊志參李志

周簞字宗器號雙溪歲貢雅度循循謁選時海鹽進士沈奎與同寓爲繪圖賦詩以贈修撰茅瓚序之後任永興訓導舊志

鄧繼耀字歧坡爲人忠厚推重鄉評尤好吟咏屢舉鄉飲不就孫文魁廩生文輝頗善詩文

劉芳聲字經邦庠生博學尤精書法十五就試知縣陳亟拔之在

萬載縣志

卷十之一

人物 列傳一

三三

學試輒冠曹弟芳譽著有芸窗蔓稿舊志

楊正英號立吾置書千卷日手一編閑家範族有古法建別業曰先春館以課子孫屢舉鄉飲不就自銘曰不貴琢磨完璞玉無貪名譽損形神子道亨庠生動必以正事繼母以孝聞孫汝相著有先春剩藝舊志

辛明瑚號源泉歲貢修身謹行名節自礪性愛松園圃皆滿嘗有句云栽松不獨來清風其實茹之顏如童前山有苓能久服往往白日升仙宮亦一時風雅未仕卒舊志

王若棟號槐庭家徒四壁下帷發憤郡試嘗居首額院於學使者遂舍去益肆力古學或游觀山水縱酒賦詩自適由是名流推重

邑中碑銘序記多出其手遺稿惜遭回祿僅存巖壑寸芳詩集
譚嘉材字篤夫少苦讀屢試冠軍萬厯戊午主司孫有祿批其卷
云七藝俱有高人識力臨時易置副車巡撫張贈額曰滄海遺珠
膺崇禎間歲貢嘉材有至性父煉病危親嘗湯藥衣不解帶者經
年撫幼弟嘉士成立知縣倫應祥以孝友申獎舊志參李志

譚嘉猷字廷獻髫年游泮援例入監已選兵馬司官辭不赴性醇
厚事繼母以孝聞父病痰癰禱大願促齡代分產以饒者讓弟在
成均同舍生聶廸被盜困甚嘉猷衣食與同更為作歸計里中待
舉火者甚眾假貸不償輒蠲之家以是落不悔嘗植蘭數十本謂
子曰蘭吾良友襲其馨與之俱化于經濟資性明敏兩中乙榜貢

萬載縣志

卷十一

人物 列傳一

三四

入京受知繆西谿太史崇禎中知縣韋明傑聘同修志善志

敖奠華字若賜和厚端凝日以經史課子錄勉學詩於壁曰三年
郡國上賢書磨礪豈長困草廬陳義直須追大雅空羣端見重公
車鋒鏃新發英鈎利節目終看社稷疎少壯清時俱不偶春風切
莫負吹噓撥學田竹山爲子孫讀書費又割產贖外甥張曰嘉膏
火後膺選貢從弟奠忠年老無嗣爲再娶生子翔入縣學外祖父
母及妻父母葬皆獨任之捐建煙包西江易公埧黃田江暫亭橋
梁凡五所又修東嶽祠海雲古刹子獨占庠生孫連舉人璿梯庠
彭汪邑庠生七歲能讀春秋輯有春秋細講註述子應輝由例監
任山東平原主簿改南直隸潛山丞委查縣倉庫能清六弊富道

以芝蘭在佩冰蘖爲殮薦之升烏蒙經歷未任歸舊志

常大用字行甫淳心力學郡守鄭惇典奇之拔冠五學投合甚懽不干以私益見重恭昌改元以恩貢赴廷試逾期禮部特疏補試時年七十有四選撫州教授升石首知縣著有易講子史粹語舊志參李志

龍兆禎號退庵儀之孫歲貢生監試第一選廣西雒容知縣雒屬要衝獍獍雜處盜賊不時竊發兆禎修城設哨造軍器以備禦捐俸墾荒積穀備賑輕贖革羨民賴以安葺衙署學校自爲記造士尤勤首取龍偕稷連捷春榜文風以振巡按左永圖藩司涂紹奎以清廉才力薦北上道卒孫紀官庠生舊志

萬載縣志

卷十一

人物 列傳一

三五

彭貞古字嗣惠家徒四壁苦讀不輟以恩貢入監屢試高等性慈愛喜放生書法酷嗜右軍及米海嶽二家人得其真草皆寶藏之邑中祠宇楹聯多出其手與副使張璧先後齊稱

宋繼芳號式龍例監任浙江鄞縣主簿轉延平衛經歷居官清苦如寒士以祖允恭耄齡奉養唯謹遂不復出子希夔庠生

彭簪古號子纓年十三遊庠文暇喜談兵法習弓馬天啟壬戌赴京適兵部選將材因就試授京營把總奉撥煉火器教習先鋒甲子實授守備運礮駐守山海關逾年調守關外以軍功累升參將丁卯擢副總兵爲同官所忌坐饑軍譟變死督師袁憫其冤給勘合送柩還舊志

謹按明史袁崇煥傳川湖戍兵譟餉案有責忝將彭簪古語督師當卽崇煥也

彭希巨字立元先世運漕遭劫傾產以償家遂困且孝友力學二親三弟悉資館穀以贍督學查獎以色養因心清貧嗜學給學租三石優異焉以歲貢終家風嚴謹子姓憚之子時科廩生舊志

汪觀字集珍爲府吏崇禎丁丑楚寇攻袁城造雲梯觀夜縋城下奪之遂退戊寅詔舉將材郡守解經達以觀應授欽依守備管安福營兼攝二妃廟營官三載以養親告歸癸未窩寇破城知縣月中柱請兵會剿委觀運糧作鄉導事平上聞復職以母年九十餘不就

萬載縣志

卷十之一

人物 列傳一

三六

王試勳字銘常父鼎相邑增生構書舍廣報觀左課督最嚴試勳由歲貢任都昌訓導課士有方升河南息縣教諭值張獻忠亂率諸生防守龍門有功經畧楊嗣昌委署新蔡篆愷悌爲政士民德之子偉邑庠生舊志參府志

李棟字若木舉人有孝行篤友誼築屋貯書訓族子弟周貧濟困著有節山遺稿采李志註補

張列文廩生崇禎癸未賊破城獲列文強之入山不屈遇害子經庠生聞父難奮身格賊亦死之時監軍道巢贈聯有盡孝盡忠是父是子語崇祀忠義孝悌祠舊志參省志

譚經濟字建明生而穎異十歲屢試高等歷十三闈兩中乙榜辛

西應薦入京廷試天下第一隨授奉政大夫昔受知繆太史西谿
期以遠大聞受職遣人云具此大才科申官不做而做此官何陋
也遂未任其後辟舉不仕文采風流有前太史樂隱之風採譚譜
新編

萬載縣志

卷十一

人物 列傳一

三七

萬載縣志卷十之二

人物

列傳二

清

辛敏芳字文馥幼穎異能文年十二或以田土細故訟其父明韜
值父游金陵芳代質邑令韋奇之試以文援筆立就因切責訟者
置牘不問旋游泮食餼順治丁亥奇荒多方拯濟見露骸輒瘞焉
知縣高鵬起聞其賢欲見之守道不往因贈匾曰今之子羽生平
藏書甚多皆手自校正欲建萬卷樓會卒舊志參府志

譚嘉棟字隆卿邑增生父德光爲縣吏以純樸稱棟性篤厚學務

萬載縣志

卷十之二

人物 列傳二

主敬讀書必盥手然後展卷母病躬侍湯藥廢寢食者浹旬丁亥
荒施粥賑濟存活者眾舉鄉飲不赴嘗作功過錄五思箴以自警
易簣時猶屬子孫力行之子經國有傳經泰十四游岸督學張京
元評爲曠代逸才採傳任登仕俱邑庠

宋良璜字無爲穎異有豪氣爲文博觀約取左右逢原衡鑒十不
失一邑稱文章尺子得子晚義方最嚴每讀書作文一言稍窒撻
之流血年七旬猶與試學使趙拔一等稱爲老相知又稱一家相
知蓋是年長子繼種冠軍得恩貢次子繼稜優等季子繼穉首取
入泮故云然其律身一以古賢爲歸危坐竟日無跛踣之容方正
嚴毅其天性也卒年八十五繼種有傳



王事字惟勤丁亥奇荒煮粥濟饑重建石亭木橋助三元殿基嘗路拾遺金坐以待還構書舍大和觀篤志教子年八十六卒子言字文人磊落淵博垂髫遊庠奉繼母以孝著教育幼童甚摯後學多所造就康熙十五年學使邵取准入貢適寇氛正熾未獲領咨士林惜之言弟京立邑庠舊志

辛映斗字鼎卿幼孤依母甘氏成立由縣府吏充布政司西通吏以勤敏練達給冠帶瑞袁浮糧積困在民適藩憲莊僉憲安入覲世祖章皇帝諭陳地方利弊斗隨行卽以是請兩憲隨疏以聞部議取勘元明籍而兵燹後徵冊無存乃據志書詳覆院允瑞請而袁獨被駁斗憂甚捐金三百爲勾當費始得援鄰郡科則比校中

萬載縣志

卷十之二

人物 列傳二

二

詳題奉恩旨減銀萬七千有奇三百年民困頓甦斗之力也迄今子孫蕃盛立祠祀焉舊志參汰滅浮糧始末

袁端宇以人號靜齋歲貢生博學好古善詩文與宜春易嗣重梁佳植何山梁巨植本邑周顯輩讀書郡城以力挽文風爲已任士多師之屢試中副車子琳廩生宗璜邑庠舊志

郭萬象號鼎梅性好善嘗修花橋橋遇荒施棺粥濟貧乏有鬻妻子者代之贖順治十三年率子士選士達士逢捐金五百有奇重修聖廟事報院部春秋永頒胙焉知縣梁大年額獎之卒年八十三士選字簡在性誠懇與二弟讀書飲石齊年逾七十手不釋卷以明經終士達廩生士逢附生孫庠生邦泰乾隆乙丑歲饑經理

賑荒全活甚眾京邦佐俱游庠舊志

宋繼種字生氤號育川就傅期月輒誦數萬言父良璜見其聰穎督責逾倫每攜之應試途間命題行文一里一藝歸錄成帙以恩貢肄業成均數爲名公卿所器洎登賢書人或勸之仕曰予性拙不能曲腰折項事上官願成一進士副家君望足矣歷六科僅中明通榜遂不出清操自持義不苟取嘗教諸子曰君子檢身涉世須懷匹夫匹婦一能勝予之心予聞人多矣未見驕肆不倫能人遠者爾曹戒之康熙戊午大饑倡眾領官銀親涉波濤挽粟以濟卒時知縣常親臨其喪謂有古君子風所著四書經史摘証梓行子希奭庠生希陳有傳

萬載縣志

卷十一

人物 列傳二

譚經國字定之精明有幹才由歲貢授樂安訓導甫入境城爲寇陷知府陳洪諫委署崇仁學與知縣陸呈祥共嚴城守寇不敢窺和碩安親王賜以袍加紀錄焉次年署東鄉學寇圍城幾一載兵少糧乏文武皆議出避經國力主守城獲全士民頌功紀石至樂安城復乃涖本任繕城葺學查荒絕建義倉詳編審立儒戶多所建明有媒孽影射者爲力雪保全甚眾督學邵稱其行不愧古學不愧師云子任登仕俱庠生舊志參府志

汪中元字一仙家貧無師偕兄弟十餘人講習善垂書屋有疑質之伯父相度季父叔度遂豁然有得學使侯桐曾以奇古瞻博目其文郭都賢稱爲曠世奇才與何山袁繼梓周顯輩交遊及門甚

眾所得東脩悉供甘旨毫無私積由歲貢考選學職未任卒舊志
辛金貴字玉友父奇策庠生急公濟貧借貸不計利嘗拾劉德九
遺金卽還之建且息亭於楊公嶺設茶飲人修半升米坑石橋舉
鄉飲金貴其長子也篤學勵行以康熙歲貢任德興訓導時土寇
兩次陷城偕知縣凌希聖曲諭招撫寇感其誠皆投戈泣服饒南
九道李芳春嘉其功重之知縣張委詣鄉查荒熟不事苛擾民困
得甦士有貧者時出俸賑給之嘗寓書教諸子曰忠厚所以持身
翰將所以報國長子汝礪邑庠生天性醇樸非公不履公庭卒年
八十六子孫二廩生六人在庠次汝梅另有傳以後俱舊志參府志
敖連字宗玉少孤刻勵自立喜愠不形事伯叔父愛敬兼至鄉鄰

萬載縣志

卷十之二

人物 列傳二

四

有急周之稱貸不責償康熙甲寅寇擄民間婦女連爲贖回完娶
甚眾由舉人官瑞昌教諭月課諸生捐俸給酒食優者旌之士多
感頌子有仁有義有智俱庠生孫化龍武舉

楊勳字克成歲貢少孤事母以孝聞居鄉以德感人咸推長者堪
輿吳獻吉壤故鄰湯某荒山勳憫湯無子使自用之吳懼甚勳曰
此人倘有後吾心快卽受賜矣甲寅寇變擄殺甚眾勳挈家屢蹈
危險卒無恙人謂天佑堂姪二寇害其一又擄其季乃設法贖回
續弟後總鎮趙督兵剿寇勳先輸穀草懇給招撫文於是逃者漸
復勳皆保護安全之選奉新訓導以疾辭卒年八十二與妻歐陽
氏生歿年月皆同亦異事云子三名廩生善字慶遠歲貢任饒州

訓導士慶得師言舉人孝友謙恭教家有法

袁秉星字宿也庠生有文行父早歿事寡母孝忍讓少弟撫孤姪如子爲人排解傾囊不惜鄰里空乏賑助惟恐不至康熙甲寅兵變副將陳素綸聞其名咨以方畧給令牌俾安輯地方團集有法寇不入境好獎誘人才開館延師教親族子弟會課優者給紙筆膏火競勸於學卒年八十七子則旦師亮庠生亮有修竹遺草孫建鼎文庠建中寬曾孫廷鼇另有傳

李國幹字汝翼原樸多隱德甲寅之亂寇擄婦女數十宜其家令主守幹乘寇出悉縱之己亦逃寇焚其廬教弟成名不辭勞悴年九十卒子爲文孫世秀世勳文庠舉人承烜其後也

萬載縣志

卷十之二

人物

列傳二

五

彭璧字秦求穎異多豪舉十三游庠甲寅寇變率族弟贊入練兵捍禦知縣吳深倚之嘗控免族中虛賠上高錢糧許豁本邑尾欠部費及穴傷火耗後以歲貢官南昌訓導勸課有方縉紳多出其門同寅何觀國歿於署爲營辦歸葬年七十七卒尙書熊一瀟爲之傳子超邑庠孫元仁廩生元灝明煥元信俱在庠

郭士佩字公瑜父一汲庠生見人危急與古蹟頽壞者不惜傾囊振修之士佩性謙謹無機械卽盛怒不出惡言父歿友愛幼弟數十年無間以歲貢任清江訓導自奉淡簿訓士以力學敦品子邦升郡庠孫鍾秀有傳曾孫洪武舉舊志叅府志清江名宦傳

宋希賢字象之少孤事繼母孝康熙舉人任清江教諭獎勵廉隅

克振士習巡撫白潢捐修清江長堤命董其役畀以刑杖賢至誠
開諭不事扑責末期告成巡撫旌以金帛子啟泌廩生啟洙邑庠
舊志參府志清江各官傳

高捷字得先父廷祐嘗路拾盧達遺金坐待還之有捕獲盜牛者
欲溺諸水力阻得活舉鄉飲不就年八十五卒三子俱游庠捷孝
友力學立品有先民典型爲文力振衰靡每有所得雖半夜必起
告其門人以歲貢終年六十八臨終手摩姪頂而屬其子曰爾伯
父早逝無後叔止遺此孱弱兒其善撫之子涕泣受命推愛甚至
子愈謙另有傳孫岱嶠文庠以後俱舊志參府志

龍文炳字嘉猷歲貢祖兆璜內行克修以利物濟人爲念善堪輿

萬載縣志

卷十一

人物 列傳二

六

允精岐黃術鄉里沉疴多應手痊舉鄉飲父星舉人課炳最篤炳
博見洽聞嚴正不阿無厲言倨色人自不敢干以私邑中大事依
炳爲可否官安遠訓導以正學爲多士倡有持百金求舉孝行者
切責之平生著作甚富所作修學記安遠人爲刻石

宋希陳字東尹繼種次子少承家學繼從處士熊頤談經閣皂山
盡得其奧肄業豫章書院受知巡撫朱犖知府胡應麟延爲昌黎
山長中壬午鄉試計偕留京名藉甚宋至視學兩浙聘同衡文晉
撫諾粵東道楊並命子弟師事焉歸里從游日衆因材施教作文
務臻里奧嘗戲以寸香角捷香未竟二藝立就彌復超拔可喜終
不第識者深惜之易簣時猶口占二聯生平孝友肫摯舉動遵家

禮事繼母色養兼隆撫弟姪甚有恩著有四書講義作文譜應制律體作法通解北調曲等書惟不負軒制藝梓行新昌漆紹文銘其墓子啟穀孫嘉鴈俱郡庠舊志參府志

彭元升字彥伯舉人小字外少穎敏過目成誦童年隨師賀巨室聯句盈庭歸詢之隻字不遺聞者駭服遂有外夫子之稱爲文下筆如飛曲遂雋永中壬午鄉試折節讀書閉戶猴腦山三年學益富著有燕石集太史潘述祖評而序之

巢廷魁字克占舉人勵志學業善誘人才與辛聯昌彭元升等相鼓勵知府葛繼孔觀風取冠多士延爲子師署內陶思淵與通欵洽朝夕談經史講禮法并出文稿就正陶深服之後陶聯捷入詞

萬載縣志

卷十之二

人物 列傳二

七

林子起業庠生

辛聯昌字殿開舉人性孝友父病篤割左股雜他肉進病遂瘳少弟早世與人言嗚咽不能出聲接物和易然遇不平事侃侃無所瞻顧刻苦讀書經指授者率有聲所得館穀置產分給諸弟喜作文雋逸疎爽曲透物情成一家言知縣施昭庭重之日相談論未嘗以私干

張明德字本初號橋亭舉人考取內閣中書性端嚴不隨俗趨讀書必鑰戶爲文苦思冥搜咬髭鬚指甲殆盡掃絕陳言力追古作者康熙辛丑試禮部有賦以關節者佛然曰吾文自當售且進身詎容苟乎卒不第作詩百餘篇寄其友死於逆旅死後精爽炯炯

幾於神明人稱爲奇士著有齊治通書藏於家以後俱參府志

辛金澄字三登邑廩生幼穎異爲文精悍力矯浮華詩古文根據經史雄渾奧博知縣吳自肅得其試卷大喜旋爲督學邵識拔爲人淡泊寡營矜然諾不爭外飾與同志宋希陳龍文炳及弟金沂文行共勵名其社曰兼修辨論學業洞析奧窔希陳稱其待友誠待戚和蓄僮僕義謂古拙自愛如夏鼎商彝令人不敢褻視易簣時遺令勉內外孝友戒用僧道衣被從儉約卒年五十一子汝獻別有傳以曾孫從益貴贈資政大夫

辛汝獻字古才拔貢少失怙恃子身持喪如禮事太母劉與繼母高咸得歡心具養甘旨必豐已茹菜而已爲文溫醇雅潔日可得

萬載縣志

卷十一

人物 列傳二

八

二十藝學務實不近名同輩有聯名誇聲氣者淡然不屑也邑公事隨力贊襄尤急於宗支再世第某世單丁不能自存爲之婚者再從叔某老無子膳養終其身乾隆乙丑任湖口教諭初謁廟見崇聖祠在禮門外請於巡道李根雲議更修并修殿廡明倫堂如式邑進士某以小故戚屬興訟尺書諭之和好如初生員葉某兄弟爭產母溺愛弟以不孝訐其兄聞以至性戚感泣拜而去先是卜修文廟旣得日者言不利於司鐸者笑而不應竟卒於任年七十一以孫從益貴累贈資政大夫

辛金鑑字又章歲貢勤學問敦本實嘗自作家規朔望集子姪聽講任石城教諭捐俸倡建義學士子以文謁者批閱不倦士甚服

之卒於官爲立三祀義學中

郭岡字鳳梧拔貢生以官學教習期滿選江南泰興知縣在任興學校立社倉丈沙田蛟出壞民田廬捐金賑卹其聽斷聰察而平恕邑紳梅有僕被殺未得主名岡徑驗畢微視捧柩者形色有異立命械之至署一鞠而服不累一人治地近鹽販私與緝私格鬥人頗眾岡聞報會營馳往擒之訊無辜者立釋以十三人上撫軍欲以逆論岡爲請命者七不得已躬叩鈴轅請曰愚民何敢爲逆狂積習迫饑寒又不知土法故出此首職教養無素陷之死地也請先題叅以塞罪狀撫軍改容謝焉竟從輕比委賑實應水災預飭保甲註冊令自標饑民字於門親詣查勘按戶散給無冒領亦

萬載縣志

卷十之二

人物 列傳二

九

無漏澤調華亭革鹽陋規清釐積案華亭濱海二濠東鹽塢西民居皆官地商以東有水患請於上憲西徙岡因其病民反覆申詳者二十餘次事卒止民咸德焉卒於官適倉穀變士民爲呈郡代補并賻以歸子開英另有傳

楊維鑑字希古歲貢幼孤力學喜作詩古文詞尤工八分書授長寧訓導教士有法所著有四書理解學使湯聘爲之序又著田寮文集八卷知縣江元璐甚稱之

辛顥字景淳號道崖自幼醅謹比長恪守程子四箴開朋輩戲言輒面發赤掩耳疾走率諸弟肄業學舍月三四歸省父炳文有氣喘疾顥負行堂廡率爲常父母奇愛之懼其體孱好學常靳其

膏油顛竊私益之夜分達旦不寢當兀坐沉思時懜若無覩或竊其几案間物勿覺也舉於鄉越五年卒有銘其墓者曰行之篤而自以爲癡也學之酷而自以爲肥也嗚呼斯人

王家塾監生家饒好行其德嘗捐貲立茶山義塚又置渡高城買田爲經以計乾隆癸亥荒預儲粟百餘石以賑饑者復出貲倡平糶施綿衣千襲助修文廟及文明塔創高城社倉并捐以穀布政湯旌其廬府志

辛繼攀字達侯歲貢有孝行爲諸生日常過市汲水養親嗜古力學持已端肅尤嚴義利辨人有非行不敢令之知讀書馬腦山房三十餘年閒以詩酒自娛著有性理體要蒼崖草學者稱蒼崖先

萬載縣志

卷十之二

人物 列傳二

十

生子廷芝另有傳

聞成忠庠生父老失明侍養左右從兄恭齡絕嗣爲立後置產又捐貲爲族子娶婦乾隆癸亥庚午間穀價騰踊捐金凡二百餘贍族黨嘗建昌橋石橋及竹渡浮橋踰千金并置贍渡田卒之日聚諸負金者焚其券

辛聯居早孤母王氏中年得瘋疾兩手不仁居無兄弟妻室赤貧賣卜以日多奇中過午不卜或樵或釣歸必爲母盥櫛凡起居飲食及浣濯埽除必身親之服養三十餘年未嘗少懈

辛金岫字首亮八歲伯母劉新寡以爲後稍長受鄰傭早晚問安仍勤事歲時予以肉卽遺母遠僱值雖豐不受母有痼疾得雞少

愈輒以雞進母浣於塘忘攜杵歸取而置衣浣所適孝子自外至或曰爾母溺矣則急投水良久若有人掖之者母急呼救閱時始甦雍正初土寇竊發孝子負母避遇賊於小石橋將繫母孝子稽首出血及得免至今呼爲孝子橋云新編

按辛明經所作傳不及割肱事蓋爾時請旌有所諱避恐傷生也今功令寬矣據實補之

宋啟封字孟侯監生幼繼世父希商爲嗣逾年繼母卒事父先意承志能得歡心年二十餘繼父亦卒哀毀不異所生念不得事繼母延丹青圖之弗肖積思入之一夕夢老嫗摩其頂曰兒吾子也及覺具以告寫肖寫者一若有神助頃刻惟肖親族傳觀嗟嘆嘗

萬載縣志

卷十之一

人物 列傳二

十一

置田已予值後知其人與父有故卽還田讓其值遇賑饑及大興作皆樂成之邑推爲長者府志

龍世嶽字維智性篤摯有幹局康熙間兵亂母及弟被擄北去數歲有傳其母死者遙望痛哭曰生不能養死不能歸其骨何以子爲乃盡鬻產間關至都門徧訪無耗禱於許旌陽祠聲淚俱下一人過而怪之語之故則其弟也引至寓所母主在焉二弟自外入愕然問故始相持而哭諸弟各受室不能脫籍乃獨負骨歸隱衣裝中飲食必虔祝比全家大會戚友塋祭如禮孫鳳祥另有傳

龍學宏字士魁庠生慷慨好義常爲故家子某完娶鄰郡僑居儲某負債欲出妻代償使全且周卹之佃有逋租鬻媳者宏聞之慰

曰若無然吾豁若租佃媳亦完先是學產多被侵蝕宏與郭邦藩
上控清查爲當事所忌欲致之死學使李廉得其狀庇護以免雍
正甲辰丙午學租入簿不足贖鄉試賣已田給之家遂落子孔彥
字俊仲十歲應試稱神童知縣許拔置第一學使姚稱其文精深
博大入隆萬之室在學六十五年屢薦不售以年老恩賜舉人以
後俱參前志

郭邦藩字宗臣歲貢生有幹材邑中利害獨任不疑學田火被侵
蝕邀同事控准清查藩按冊稽勘隱占無所遁雍正九年部檄補
丈報墾復請於知縣汪徧勘荒确以難墾力稟院司得仍舊邑賴
以安任崇仁訓導善誘人材以文謁者多所成就至今傳頌焉參

萬載縣志

卷十之二

人物 列傳二

十二

前志

高愈謙字益贊號遜齋歲貢生任新喻訓導課士有方家素封好
義憐從弟貧與田三十二畝爲贍雍正間與龍言各捐金五百倡
修丁田石橋又立興江兩渡船捐貲置產歲修取給屢舉鄉飲卒
年八十二子嶠附貢生嘗捐金六百移建學宮孫秉鈞捐穀四百
石助賑得議叙曾孫湘文有傳

郭鍾秀字挺文號巍山武解元父邦升庠生喜吟咏書法懷素嘗
助田爲戚節婦建坊其訓家云受人欺者非辱令人畏者非福秀
性溫厚識力超卓邑中大事如乞免升科清理學基攻訐冒籍皆
不辭勞勩倡修康樂福壽二橋遺德在人子洪字九疇號思補中

第五名武舉負性磊落以學基事未竟復與汪朝祖終其事卒成
父志孫大賚有傳大猷甲辰歲饑與陳池鳳勸捐平糶全活者眾
又倡建合族義塾大鼎大呂俱文庠曾孫鳳魁英鳳舒並以武舉
官城守元孫光騰武舉

龍長蕃字嘉言歲貢生幼孤勤學居常嚴恪無慢容遇事多卓識
喜誘掖後進訓導玉山課士勤懇無異家居解組歸知縣朱崧舉
鄉飲子學川字錦瀾家貧好善嘗節學俸廿餘金給澄渡船費晚
年選餘干訓導未任卒

袁建中字致和以舉人應乾隆丁巳會試得乙科選廣昌教諭文
廟前臨江有沼底滯有力者居其上以居貨而納其羨廟規漸隘

萬載縣志

卷十之二

人物 列傳二

十三

江漲或漂民居以去則謀於守土者撤之學使趙按試撫建試博
士置第一批具文謂如富人擁厚貲不作一寒儉語知縣黃思亭
以廉失官倡諸生償所負而歸會歲饑署知縣趙商所以濟則單
騎走烈日中勸士民得米數千斛趙初於城隍廟以粥食饑者羣
相聚噪則澁語開道之翼日分賑四門按丁給米終事不擾甲子
應聘校文夜分未寢典試者歎其勤大吏以上考咨赴禮部以母
春秋高陳請終養壬午行取以知縣用則速催不起矣子廷鰲有
傳新編

袁寬字繼安廩生英敏好學磊落不羣喜藏書流覽甚速爲文暢
所欲言浩氣流轉建桂林書院延名師訓迪與同志議建文塔中

阻因購基以俟邑中公事就商者坐常蒲邑乘崇文堰諸役皆身
與其間病革時猶以堰工未竣爲念年四十五曾孫開慶有傳參
前志

王嗣立號銀山舉人家貧力學有文名知縣嚴在昌聘主龍山講
席多所造就時院中膏火不給慨然出館俸助之諸生勒碑紀其
事參前志

汪朝祖別號敬亭愛讀有用書年逾五十登拔萃科於一切世味
泊如縣中有大利害輒借一言以爲重知縣施昭庭將修學宮得
大木數十株忽水漲飄沒翼年有鄉總甲以盜木被竊報縣拘其
家屬則前謁請曰樹久竊必毀今如故果真盜乎訪之則水落自

萬載縣志

卷十之二

人物 列傳二

十四

沙中出是寃乃太白雍正元年縣境有警人洶洶逃知縣獨留之
與贊畫卒無事嗣大府檄下欲復舊荒糧額則奮然曰此萬載世
患也乃呈於縣而府而院司皆不許知縣汪元采屬爲清理則率
同志二三人冒風雨寒暑遍歷荒山窮谷將一切水擁沙淤不可
墾種者據實呈報乃免其他有墓志銘在不悉書

辛汝勳字翼侯性聰穎肆力詩古文詞兼工行草求詩與字者日
踵門勸口吟手揮落筆飛騰才思敏捷流輩罕及以拔貢選宜黃
教諭端己訓課多士傾服數年告歸著有丹崖集藏於家以後俱參

前志

張崇德字柔嘉拔貢生任南城訓導甫蒞任見聖廟兩廡傾圮捐

貲修葺復築數椽學宮右爲諸生講習所賴陶成者甚多今遺跡尚存

辛琿字璵璠善居積勇於義行卹孤賑饑臺臺不倦任杭州稅大使清署基建公廨兩解京餉題辦北新鈔關事蠹弊皆絕爲沈春源等請減科稅商人爲立惠商碑十載告歸爲善益力四舉鄉飲年八十三卒子衢例授州吏目性伉爽義聲四溢邑議修學博士齟齬不可衢商首士召匠立撤舊寢役遂舉承父志修龍江石橋糜金累萬制軍高嘉之檄縣請議敍固辭不受又修虎塘王家山橋家以好義故田產幾盡終不悔孫炳喬有傳

汪有燦字繼明廩貢生候選訓導有學識嘗出己田爲堂兄立後

萬載縣志

卷十之二

人物 列傳二

十五

邑有興作及賑卹不惜傾囊倡崇文堰築復圯借同志修捐金二百有奇毫年尤切觀光壬午乙酉純皇帝南巡兩次獻詩賦恩賜銀牌綵緞黃衣精光奕奕爲一時人瑞

劉大瞳字東上邑增生樂善好施修丁家橋捐金數百爲倡前後獨建石橋四甃大道路不計大埽腦有古墳鄉某利其無主欲毀爲屋基瞳力止之里人有貧出妻者予以貲得復全又助修文廟年七十卒孫馨蘭曾孫英俱武舉玉璫歲貢

聞儀字百千邑庠生莊重寡言笑以利濟爲心竹渡橋圯行厄於渡思獨力修復而財不逮因偕牟村辛金壽於古橋下游合力捐建計金萬餘視舊制加擴焉

周繼德自祖爰試分產讓肥父志垣與叔父志翰合產無間至繼德克承前志長幼百餘口同居共爨延及六世家規整肅子姪各有本業每食內外設廣席尊卑序坐未十歲者設小席亦分序列相揖讓有一未至俱不先食乾隆五十年題旌建坊祀爰試忠義孝悌祠舉人樹贊其後也

辛金壽字天賜慈祥好義乾隆間偕開儀修竹渡石橋偕姪家松兩修牟村大橋獨建店前潯陽橋癸亥歲歉出穀數百石貸貧者不責償壬申乙酉屢減價平糶歲施棺木棉衣無數紫蓋庵洪塘庵皆割產助香火爲族長捐買屋基擴宗祠倡族糶公米生平捐金粟數千舉鄉飲年八十六卒以子家柱急公贈儒林郎孫以真

萬載縣志

卷十一之二

人物 列傳二

十六

官典史

辛家松字煥榮捐州同職善事寡母好義與金壽同如葳竹潭橋工歲施絮襖倡本支平糶所費不貲牟村橋兩修後道光二年復決松孫秉文等出金二千餘承志繕完子樹橋郡庠樹綸官縣丞孫從雲邑庠前志附金壽傳

李啟華字紹尹郡庠生以方正見重鄉里時周窘乏或借貸不償卽焚券聞鄉人黃某將鬻妻給銀穀贖之遂止又捐腴田百餘畝爲族祠祭資將建青溪橋以通要路會病卒子貢生恭洵卒成之計費千餘金曾孫宗彝舉人

楊維鏞字金奏少負才名勇於義嘗捐田十六畝助龍河膏火焚

近城道路倡修龍河浮橋子之洵有父風歲饑偕同志買穀以濟
倡建文昌閣筦理學事備矢公慎偶因公事貸多金鬻私產以償
合學領之次子叔度以孝聞性和而介讀書自娛非其人不交與
之洵朝夕怡怡構書室延師課子弟凡公事非關學校不與聞考
棚賓興勸輸有刀年八十五卒

郭邦城字宗國邑庠生性端嚴然諾不欺邑有興作如遷建文廟
修文昌閣築崇文堰多倚賴之乙酉歲饑倡捐平糶任宗族倡建
義塾助支祖祀產又捐田爲族人立後教諭趙由義稱爲好德
不倦孫定基附生曾孫有勳武舉

汪發楫字濟川爲名諸生具才識勇於義建文廟遷書院皆身任

萬載縣志

卷十之二

人物 列傳二

十七

其事筦學事多年嚴杜冒籍跨考弊至鬻已產償訟費合學稱之
君涂泉與辛廷芝詩酒往來嘗偕李榮陞遊廬山附糧艘入都到
處題咏著有鸚峯詩草藏於家

郭治清字季淑邑增生出嗣叔父事所後節母孝養備至請建坊
敦品積學羣倚爲重時邑諸廢未舉如文廟書院崇文堰建徙修
築事宜悉邀同志倡督之常公講堂圯復偕貢生辛汝岐捐建學
宮右家非素封而勇於爲義知府陳廷枚額獎焉子先植廩生光
笏有傳

鄧鉉字振永優增生博學有才識尤慷慨好義乾隆十八年捐百
金倡建文廟二十二年助修上諭亭訖崇文堰工遷建吳公講堂

重新城隍廟修花塘橋皆捐金爲倡巡撫吳查丈檄下意在調劑
瘠壤邑中出則歸一人已相安查丈事旣紛擾科則一更且慮溢
額鉉集紳耆呈縣府申詳并捐幹辦費得以照舊徵收性好梅嘗
仿芥子園梅譜寫之筆意工妙自序梅花十景詩傳世子斯淑文
庠

周繼盛字景中庠生醇謹厚重居家孝友內外整肅承筭學事公
慎白矢乾隆初遷建學宮鉅細經理不辭勞勩工竣捐田三百七
十把爲贍學費又捐出百把助龍河書院膏火子南歲貢選新建
訓導未任卒

王都毫字正萬號兩山舉人父三顧增生贅饒田瀕江路叔父三

萬載縣志

卷十之二

人物 列傳二

十八

掄歲貢並修行明經相師友訓子弟嚴毫昆季九人同列巒序時
稱九萬齊飛毫尤傑出爲文廉悍得力柳州半山詩歌描寫性靈
機趣洋溢旁及醫術地理家言勇於義倡建文廟振興宗族孫廷
輝文庠 參前志

王都建字封萬號南星都毫弟歲貢生品端學邃爲知縣嚴在昌
教諭魯鴻所器重擇董學事建文廟移書院減童試卷價興鄉會
贖費請收折兵米皆著成勞年登耄耄兩舉鄉飲子昌期廩生昌
仁有傳昌義歲貢昌信昌命俱文庠

王都會字同萬都毫弟郡增生篤行孝友洞達機宜縣公事恒倚
成知縣張重之造廬語不涉私嘗倡復龍河浮橋並募貲置產爲

修葺計見中丞陳榕門序後辛衢建石橋將其產歸吳公講堂資膏火子介眉歲貢辨義持正同輩欽重孫廷幹廩生

巢起岐字天作號西堂魁偉健啖有勇力縣府文武並試通學使先武遂人泮中鄉榜官淮安衛千總署大河衛守備生平放情詩酒閱臨古帖於易義尤邃袁鴻臚芳松嘗延課其子著有西堂詩草

辛廷芝字秀圃號畹堂舉人善詩古文詞書法亦工邑子弟多所裁成地方大事如移建學宮修郡志皆倚爲主裁任金谿教諭勤於牘廸以就試無館倡賢建之迨歸老諸生奉衣繼祖行題曰世範人師著有周易四書解作文譜詩文草梓行子士晉歲貢恩賜

萬載縣志

卷十之二

人物 列傳二

十九

舉人孫徽汪洋俱文庠

辛汝岐號敬亭歲貢生性醇謹不妄交游知縣楊長佐雅重之勸之仕答曰教官亦宜勤職姑守吾疎慵家頗裕柴田福壽橋圯獨力修復行者便之遷建文廟常公講堂皆出百金助又割田四畝助吳公講堂

郭吉字敬勝號謹齋監生喜讀通鑑論列得失疊疊不竭以商起家勇於義凡造橋發路捐助不吝尤惓惓於學校歿時囑諸子葺崇聖祠助寶興費及義塾膏火計二千餘金大吏以建坊題請旌表樂善好施子如棠如崧俱武舉如崧官守備署台州衛減徵糧價民德之署濟寧衛值滑匪亂後招撫流亡給賑有法爲上官所

稱如恭有傳孫剗用中壬林俱文庠曾孫春熙舉人

劉景暘字定翰監生天性純篤幼孤貧採薪養母以孝聞積勤致富慷慨好施每歲暮察鄉鄰乏食者予以穀不取備凡邑中義舉如置渡施棺諸局莫不與郡守張五緯額獎以樂善不倦易簣時以義行勛諸子三子崑捐金千餘建郡院試棚寶興堂起諸孫捐田四十餘畝克承遺志季子時耕見藝文傳曾孫文毅有傳龍雲飛字在遠號翥軒聰穎力學從楊維鑑游嘗終夜不寢師見其體弱頻戒之不少止入泮時縣府院三試皆第一乾隆庚午舉於鄉名噪甚下第歸旋卒年甫二十八人咸惜之

巢起崙字有源號滙堂由拔貢中副榜選金谿教諭病未赴學深

萬載縣志

卷十之二

人物 列傳二

二十一

宋儒家言而胸次卓犖人樂親之邑宦達多出其門素不輕與外事然如遷建文廟及吳公講堂咸倚重之著有滙堂文稿子飛鵬文庠孫象彰舉人

李榮陞字質基號厚岡幼穎異稱神童乾隆進士知湖南永興縣有政聲內艱服闋排發雲南署雲州攝緬寧通判京銅差竣補呈貢以案呈議仍發原省著恩樂補嶠峩宦滇十餘年所至修義學獎人材民不忍欺屢校鄉闈所得皆知名士引年乞休當道延主大理書院一時文風丕變生平嗜學於書無所不窺攷論折衷出以虛公實有先儒所未發者著有易攷尚書攷四書細論地理攷三皇彙攷古今體詩文集江督費淳序梓行世禹貢山川攷學庸

攷年歷攷論孟類孔孟攷孟子攷濟水辨國風解地脈地圖說遊
歷稿運銅記滇南花卉記沅江三錄諸稿藏於家三子光亡監生
古道自持精形家言尤通六法年逾七旬襄輯志乘釐定境內山
川脈絡并廟著書院試字俱手繪圖瞭若掌文

龍鳳祥字文彩號順齋資穎異讀書麤腦山房經史子集畧皆流
覽而不屑爲章句學詩古文詞悉有逸氣與同邑李榮陞齊名一
以學力一以天資書法見重於時旁工篆刻由舉人官雲南知縣
叙緬甸解餉功擢知賓川州尋因運銅舟覆墜吏議卒於伊犁戍
所著述散佚僅郵夢禪詩話一册梓行

張焜圭字輯瑞明德子拔貢方樸山稱其文似李石臺晚年詣益

萬載縣志

卷十之二

人物 列傳二

二

遂邑人爭就正其學以盡心養性爲要嘗曰言行循天良勿務穿
鑿便是良知良能許大事業俱可行所無事和友云歲月消磨仍
故我性情怡養見真吾可想其梗概邑有公事每贊成之而不身
與其間餘詳墓志子作翰歲貢

周曰樗字啟之有過目不忘之稱士多從游以歲貢任鉛山訓導
與諸生講明經義月課必親批閱文風爲振兩廡頽收捐賞倡建
鉛人頌之解組歸出館穀捐修祠宇不干外事比卒惟以力學囑
子孫

宋嘉麟字鴻作庠生孝友出天性家無擔石事父母菽水盡歡親
歿兄弟五人分謀衣食有無共之每臘歸必歡聚祠內購薪作食

促坐合尊風侵敗絮擁爐爲樂新正乃散幾忘各有室也撫軍吳紹詩以世誼故欲賙之辭友人爲構松莊以居日事著述翛然物外善誘後進及門多所成就

喻士標字名魁號南亭監生乾隆間任安徽歙縣丞委解甘餉大吏稔其能檄攝邑篆有聲告病歸捐金三百二十助建學宮四百餘金倡建蓮溪南園石橋乙酉饑復出金百餘減價平糶年八十卒

郭如岡字鎮南郡庠生事繼母以孝聞喜交文士遇人緩急無少吝乾隆乙酉甲辰大饑捐金三百倡平糶邑公事如葺崇聖祠建郡縣試棚修廻瀾萬歲等橋前後捐輸千金族構義塾復捐五百

萬載縣志

卷十之

人物 列傳二

爲倡又出貲奉其祖配享祖廟支祠祀產有典賣者捐貲贖回族姪開英滯京師贍其家十餘載迨挑發陝西猶時郵金爲旅費家庭中讓肥分硯嘗以義行訓子孫次子樹藻庠生四子樹芝附貢捐建文昌宮千金有奇居九家之二又捐助寶興俱克承其志云
孫爾元文庠

辛樹人字民安幼英確嘗受知知縣嚴在昌試藝傳播李進士榮陞見慕之適入城壽其舅張客且闌屏營門外曰吾待晤辛君也欽遲不至悵然久之隨父汝獻湖口任所師友如名進士黃椿榮曹天瑾周仁棟爭愛重之邑教諭曾鴻得其文詫爲縣所僅見年近艾始補諸生已而引例貢成均非其意也始其父潛望勤至自

維兩弟列宮牆父皆及見而已獨後卒時遺命斂以藍衫將服以見先人至性過人於所生造次不忘生辰茹蔬果未嘗受觴酌風尚節儉家稍豐被服仍布素或以華美進曰吾非不辦此然先人所未嘗服也吾何安乎先是父汝獻以再從某支將絕嘗一再爲之婚以有遺孤至是徵甚乃復爲授室有五子焉生平不以絲粟累人每開歲市人所登售物主者於册必首其名以爲吉利家世衿佩自以人困小試課子尤切孩抱時卽令徧識壁間字諸平仄對偶暨破承未入塾已習之稍長晝夜事於外暇卽口授經注古文每隨行侍立伴卧輒令背誦稍偷渡輒覺故諸子並以幼敏聞教使然也子又曾以縣首入泮炳晟從益並有傳以從益貴累贈

萬載縣志

卷十之二

人物 列傳二

二三

資政大夫

盧謙字益侯邑增生敦行孝友親喪守家禮不作佛事兄艱嗣爲置兩窻室因得于嗜學能文著有益侯稿屢薦未售至老弗懈壹志以詩書貽子孫彌留日囑以所遺莊田二十餘畝爲寶興公資子爾彩爾彬克成其志孫毓奇有傳

辛家棟字德輝貢生性仁厚仲弟無嗣以子後之季弟歿撫其子女均以已產堂兄弟貧者分與田宅百餘畝又爲堂姪擇配給以產外舅李無子畀田宅爲立繼戚某親老負逋謀出妻代償且周之使完娶乾隆庚子饑以錢穀賑具鄉復出粟千餘石平糶族建支祠捐金六百蕝其役凡公事靡不捐輸翕然稱善人分宜舉人

趙祿故無素聞其淹滯都門家有老母爲郵金龍鳳祥使歸養趙謝句有云君爲義士原高士我敢今人比古人卒年七十孫鼎亨謙亨煥亨文庠

李珽字德如附貢生自奉甚約遇義舉傾囊不吝歲歉出穀平糶貸難償者輒折券嘗偕同志倡復蓮亭石橋未竟疾作屬其子成之既助修南園萬歲諸石橋認修郡學大成殿門名宦鄉賢祠本族宗祠助田八百把爲實興產又續修蓮亭橋捐龍洲膏火田先後費數千金皆承其志云孫應忠應恕文庠

陳鼎龍字建侯邑庠生性孝友庭無間言修家廟置祭產建家塾撥義田筦學事九載備矢公慎屢葺學宮增貧士膏火及鄉試費

萬載縣志

卷十之二

人物 列傳二

二四

甲辰壬戌大饑邀同志出粟平糶全活者眾遇邑公事如稟免丈田建考棚修城隍廟水府祠及橋梁道路勞費不惜卒年八十八以子貴封武畧騎尉後子若孫捐千餘金建文昌宮又襄建武廟助賓興產皆其素志

辛樹錚字勝音貢生少有至性友愛弟兄樂交文士家不甚豐好施予乾隆乙卯大饑邀同志平糶遠近賴以濟族修祖廟建義塾及鄉村橋路諸舉悉力贊成有族某虧社倉穀迫於公議而力不足爲代償之僧某爲勢家所蹙出橐金以解年近八旬市貨吳鎮過樵舍覆舟同人俱斃獨錚若有物憑之得無恙人咸謂厚德所致卒年八十七子聘三有傳

郭世華號禧堂職監生孝友出至性幼失恃祖母逾九旬癱瘓在牀服侍左右溲穢手親滌兄無嗣以子後之弟析箸產蕩盡復攜同爨割己田以助弟歿撫諸姪悉完娶養贍生平恥涉訟有侵佔者輒予之喜接文士構屏山書屋課子姪并倡建石溪書院教族子弟積穀濟鄉鄰歲晏減價糶遇荒貸不計償邑義舉如修龍河橋惜牛施寒衣助棺殮路靡不倡捐任其事嘗偕同志置產供文呂帝君香火以無專祠囑子出金千餘與九家捐建並倡起賓興親見子貴封文林郎年八十四卒太史謝階樹銘其墓于三大經有傳大綸大綬俱文庠孫光暹職員曾割田三百四十把助入府學資廩生膏火

萬載縣志

卷十之一

人物 列傳二

二五

宋寶字瑤崑監生父拔武舉能爲制藝嘗捐穀三百石倡立義倉寶席父貲而自奉嗇每念龍河書院文昌廟皆人文所係將爲修舉計會因事羈外歸則齒已暮矣病革屬子海嶠方以甃治橋路未暇兼營而卒媳聞氏承其志次第畢工李學使宗昉辛少宰從益並有書院記程中丞獎以聯額並題請旌表樂善好施建坊闔門肄業生不忘所自白當事立王祀焉生平好吟咏書法宗懷素孫壽萱文庠

陳邦梅字春魁監生孝友敦厚慷慨好施嘗出金二千餘爲本支建家廟邑葺城隍廟建崇聖祠考棚育嬰堂朱溪柴田石橋本鄉真君廟俱捐助不吝遇歲歉出穀平糶晚年撥出遺業囑子孫遇

城鄉公舉務出貲助孫彬采字素書監生亦好義疏財適邑公事
絀費獨出已貲終其局家以之落不悔鄉建龍岡書院猶賴其樂
輸提倡底於有成士林重之參前志及龍岡捐冊

辛金銳號北墅由歲貢任義寧州訓導品潔學裕啟迪有方鄉賢
黃山谷祠代蔭一生適嫡裔有力者欲奪之金銳持不可州人
士雅服焉年七十一卒官前志

辛邦佐號紱堂歲貢生八歲日誦千言稍長閱書輒解悟通作文
法家苦貧日出採薪供爨夜就祖龕燈展讀房兄某嘉其志攜入
塾叔父某資以膏火益感奮力學知縣嚴在昌拔冠縣試旃以第
一人食餼自是屢魁其曹詩古文並道勁書法瘦硬有率更風格

萬載縣志

卷十之二

人物 列傳二

一五六

擘窠字尤蒼健求者無虛日晚年主講龍河書院多所造就

王昌仁字應元力學能文童試時戲與李榮陞抗手賭第一既而
各冠縣府軍以恩貢官陝江教諭訓課勤篤居常孝友偕昆季七
人朝夕切劘仁尤端厚多義舉嘗邀同志建因心堂旆棺歲饑勸
捐平難邑修崇文堰禁暑牛捐渡產皆與有力年九十一卒子定
禔至性過人母病截指瀝血和藥以進遂愈孫敬敍歲貢生本培
賜麟並以案首入泮

辛炳昭字能濟號熹亭歲貢生性純孝事祖父母本生父母及後
母先意承志俱得其歡邑中公事如賑饑建試棚修聖廟贖春秋
闈皆身任其事筦學產十餘載稍羸卽增鄉試贖費生平廉靜寡

言笑中年喪耦義不續娶作文純正類具爲人嘉慶改元舉孝廉方正縣府儒學爭以炳昭應已止大府固辭不赴年七十六卒子紹業孫僕价各有傳

辛錦斐字衛瞻號淇園精心計厥業逾十萬由庠生授衛職不仕歷遊吳楚間旣家居助建蓮溪柴田石橋時掩骼埋胔散給棉衣三值歲饑皆倡捐平糶辛氏建義塾出產助城廂內外路不可行者悉贅使平董育嬰堂事院司首額獎之壽八十四累贈朝議大夫臨終以義行囑諸子後出金十餘襄構文昌廟助資興產孀媳郭氏復挈私產助資興及龍河書院膏火文昌香火田得邀旌典建樂善好施坊子朝俊有傳朝鼇武舉輝南廩貢復初文庠參前志

萬載縣志

卷十之二

人物 列傳二

二十七

及家傳

宋謨策字身修監生性孝友素謹愿嘗出金二百修祠宇錢三百緡置祀產邑公事如修龍河橋建試棚施棉衣甃路修隄罔不倡捐以子挺職封武德佐騎尉身歿後家日富邑興舉亦日多諸子襄建文昌廟助資興產疏河渠構武廟辛卯壬辰賑饑倡建義豐倉修南浦橋助修郡城及學宮獨構文昌閣統計萬餘金平糶二次米至四萬石子四維新標維顯俱職員挺武舉孫鏞鳴謙樹風文斐俱文庠以後俱參前志

盧爾洛字營周邑廩生有孝行親喪廬墓三年幼承庭訓詩文有真氣與教諭魯鴻邑進士李榮陞陳池鳳講學推畏友年六旬趨

學使佑歲試拔第一稱爲老宿梓其文老猶勤學著春秋類釋淹經史旁通醫卜星莖諸書建上達齋課子姪嘗倡修蓮溪石橋子及暉副貢生及暄優廩生筦考棚事勞績甚著督學王鼎稱其端方及皞孫光榮士珍俱文庠參前志

彭英拔字豈常曾祖明錫嘗拾徽客遺金八十立俟還之以忠厚世其家英拔幼習儒仁慈好善歲製布袴百數十遇露體者衣之見丐行風雪中必給以敝蓋或箬笠所居水口有西江橋修復地擬易石梁未果囑諸子成之費金千有奇又贅廻嶺黃田岡路八里許孫士模舉人士楷士林光斗懋德俱文庠

陳池鳳字鳴瑞號丹山進士少赤貧事祖母及母甘旨必豐授徒

萬載縣志

卷十之二

人物 列傳二

二八

數里外至夜必歸省展衾褥驅蚊蚋俟熟寢乃復至館兄弟衣食婚娶一身肩之並取給館穀爲文規撫明大家獨探真際江寧秦承恩侯學詩新建熊爲霖序而刻之世所傳丹山稿也又著四書廣義多所發明尤善訓誨館南昌黃氏久太史中傑中模儀曹維烈夙皆奉爲專師餘詳墓志孫中實舉人鈞韶嗣音廩生宗岱附生

郭大賚字喜和號善普魁梧有幹才幼讀書長習韜鈴猿臂善射由武舉任浙江澈浦千總升廣西前營守備旋擢義寧都司駐劄龍勝鎮地錯苗獍稱難理撫順防逆終任晏然歷署鎮標左營叅將桂林營游擊賓川營叅將所莅嚴紀律整行伍值安南不靖領

兵隨征叙功升護義寧協鎮篆引疾歸不預外事課讀督耕以詩酒自娛卒年六十八子鳳魁武舉任把總新編

辛文彬字程材號質孚舉人歷任四川墊江鹽亭知縣補丹稜邑有劇盜史英役不敢捕彬下車設法捕治并窮其黨廓爾喀之役大兵過境民若無事眉州苦派累民騷控大府飭州牧倣丹稜法乃帖服調理巴塘糧務兩土司以爭坐相攻擊開誠曉諭並感泣去比瓜代攀送不絕旋署印州兼大邑所至寬猛相濟不姑息近名宦蜀十八載未嘗駁提一案陞賓川知州擢戶部主事以目疾告歸卒年七十三著有質孚詩集大庾戴均元序梓行世

郭開英字實函號霽園岡之子績學能文由舉人挑發陝西歷著

萬載縣志

卷十之二

人物 列傳二

二九

鄂縣扶風事均得士民心卸扶風象父老詣制府乞留格於例田逆亂派隨幕府贊軍務事平題授洋縣治豪猾扶良善卓有政聲未期年以勞卒士民哀之參前志

袁廷鼈字駕山號六堂建中次子舉人任樂安教諭修文廟倡置樂庠庠分給諸生鄉會資斧陞撫州教授尋擢福建知縣初署福清會歲祲發倉粟賑之復勸邑人平糶全活者眾旋補順昌分校鄉闈解首出其門以同安搶鬪檄調署浹旬案皆治辦特調晉江同安民詣制軍借寇不許抵晉任益銳意吏治詢求民瘼四載解職歸卒年八十四所著有閩王紀畧二卷嚮往篇十卷味鯖集四卷藏書紀畧四卷白良山房文鈔四卷詩鈔二卷白良述古錄二

卷待梓

開星杰字羽儀號松園舉人家貧甚事父母色養備至父歿諸弟俱幼教讀婚嫁引爲身任性和而介嘗中途拾十餘金待還之座師錢延入幕隨試粵西有以關節干者正色以拒官寧都學正以讀書端品爲諸生勗卒於署著有敦本堂時文二卷

鄧斯沂字浴儒號與齋以冠軍遊庠試累優等器宇軒昂富經史雅不自矜粹然有古儒者氣象指授及門一歸理法性樸實尤重氣節有某負百餘金故不償旁聳控追沂不欲以珠彈雀卒焚其券有爨夫某負債將鬻妻力禁之偕及門助以金使完聚乾隆甲寅舉於鄉留京數載患病歸卒著有與齋詩文稿待梓

萬載縣志

卷十之二

人物 列傳二

三十

辛炳晟字融初號淑郵進士數歲有神童稱或詢以聲韻指示部分無少差長益邃於學六經子史旁及百家靡不淹貫而不株株於考據爲文頃刻千言涉筆便古如周鼎商彝令人撫玩不忍釋卽游戲亦雋雅可誦詩格力追少陵書法蒼秀得唐人用筆三昧一時名宿如李榮陞新城魯鴻分宜林有席皆目爲國士弱冠應拔萃科學使蔣元益衡鑒甚嚴獨擊賞晟卷五旬餘始登第揭曉後主司知爲西江老宿咸慶得人爲人英明磊落洞悉時務而恒自矜重遇非義侃侃持正犯眾怒不辭著作甚富不自收拾存者惟春秋釋要及詩古文稿時文稿待梓藤石齋墨刻行世餘詳墓志子登瀛彥瑜彥和孫錫榮俱文庠以後俱參前志

辛紹業字服先號敬堂進士博研羣書少時與浮梁鄧傳安齊名學使翁方綱有萬載浮梁辛與鄧說經奪席驚羣英之句既通籍宦京師十四年日與翁討究經傳訛異及說文金石學翁每立一說必往復商榷以決其信古文胎息韓柳詩追步少陵肄業者經其指授悉有法度以疾卒南學署翁輓詩有云老屋青燈淚誰能贖敬之其慟之如此著有冬官旁求易圖存是周禮釋文問答律呂考九歌解古文詩稿俱梓行古文尙書冤辭辨詩經毛鄭權衡周官官聯表儀禮經注證誤春秋禮存樂存經傳車考古文同聲譜同形譜古字逸義俱待鐫餘詳墓表子价僕有傳僕廩生孫斌有功附价傳點廩生更名鯁揚大受附生

萬載縣志

卷十之二

人物 列傳二

三一

辛炳喬字朝嶽號月臺自幼耆學以冠軍游庠制軍孫士毅觀風取第一初居南浦坊不妄交游惟邑人李榮陞臨海黃河清分宜林有席金谿王謨數郵筒往來商榷古今繼厭城市於城南五里闢最秀園著書自娛晚年以優貢入成均大司寇熊枚宗室瑤華道人並延主西席道人好吟咏與唱和尤多旋卒於京著有周易玉海鄭注補春秋申議注疏刪緯讀胡繩崖通議讀書割正編不可不知錄益智糞離騷解袁州舊聞府志叅考讀田間詩學最秀園集藏家未梓長子承貽字立圃儻有幹材以學業未售游京師三十餘年公卿推重事闕郡邑輒以身任凡滯京困乏者量爲貲助邑人倚之若北道主選直隸房山尉未就亦卒於京瀕危

出金千數百命子持歸爲祀先經費及伯叔兄弟姻黨貧乏之贈
櫬歸日多感激泣下者季子承毅孫次林俱文庠
盧毓奇號鶴亭自幼有至性始家貧就傅母食以好飯而自餐釜
底焦者奇覺之涕泣不食母與同飯乃已稍長念父苦讀書困生
計因改業服賈致貲累萬卒成親名娛晚景有五子思承先緒延
習進士家駮昆季爲專師凡十餘年忠敬不衰諸子用是顯治家
嚴整而豪俠多義行遇邑大事艱險無所避嘗因某案赴質金陵
家幾破卒得直今後嗣熾昌人謂有天道云子文寶試輒前茅銳
意成父志未遂而歿當祖母李改葬術者謂宜科第不利長房寶
曰長房卽我也諸弟獲福親志慰吾願足矣力贊成之次廩生文

萬載縣志

卷十之二

人物 列傳二

三二一

宜兄歿後任家督體親意課弟姪綦嚴持家規維謹性孝友事父
及後母極順愛異母弟無幾微聞方毓奇傾家爲友縱之逸官拘
其眷口去適文宜鄉試回卽挺身請代母官問若生母耶宜曰均
之母也何分前後乃義而釋之次武庠文宏出繼以友難冒險從
卒死於外友歸詢其所涕泣而已因招魂以葬此其友雖不足道
而宏與人之壹不亦諒哉次煌舉人有傳季文字豪邁而篤摯以
兄宏出無的耗身走江淮楚豫蹤跡殆遍迨子昆鑾貴廉俸所
餘悉命公之羣從臨安石門並建書院又買地瘞故宦之無歸者
居鄉遇義舉必竭力襄成或貸金謀鬻婦還券全之性癖山水自
龍州返棹詣獨秀峯覽勝竟日歸舟歎曰造化之奇於粵西觀止

矣怡然就枕而逝類得大解脫者論者謂諸子咸有父風竇得其孝宜得其義宏得其俠宇得其豪燿能成其志真難兄難弟云昆鑾有傳新

辛守身字斯申監生三歲失怙事孀母以孝聞待人和夷至事關利害得夫則毅然無少徇家故不豐親故以緩急告爲之居間借貸或至鬻產代償改建延順支祠悉心圖度費省工倍修龍河橋立惜字惜牛各會皆職其勞並邀同志置產以贍其後排解紛難執義侃侃受者心折感人固有自來哉參前志及新譜

辛樹穀字廷碩爲名諸生孝友出天性事父母及祖父母俱得其歡心生平端莊自持力行方便訓課及門必以良知良能爲本謂

萬載縣志

卷十之

人物 列傳二

三三

五經四子書皆闡發仁義禮智而莫先於仁嘗刊感應篇陰騭文功過格集驗良方等書皆仁者之用心人咸稱爲善士云以後俱參前志

湯舉字伯英庠生父安猷以倡修仙姑橋家中落至舉益窘仍釀貲修葺素刊陰騭感應等書善排解自豪某健訟以是非投爲揆情度理反復開導事立釋學館爨夫貧將鬻妻偕及門助之金得完聚宜春陳某來從學其家忽遭火厄拮据甚爲飲食教誨視若已出鄉善舉如修橋施茶掩骼拯溺女無不樂從率皆貧士所難子薦馨有傳

辛啟泰字仲和號敬甫原名梅臣少負奇氣折節讀書爲諸生以

泊卒官無力治殯具賴同寅及門致賻得歸喪著作散佚惟課徒草行世

鄧鏞字金和號古愚附貢生績學有聲受侵侮不校好施予先後歲饑贍族鄰穀二百石有同學負逋甚蹙出橐金三十償之族無力聘娶者爲之完配佃鄰某貧欲出妻贈金止焉遇縣公事隨力贊成年老猶切觀光兩邀恩賜得國子監學正卒年八十

袁振藻字素先號繪甫幼穎異日誦千言爲文性靈灑灑以幼童應試兼覆經學使曹器之入邑庠藻外和內介涇渭分明遇非義之義毅然不惑邑公事咸倚爲重始於建考棚與同志悉心籌畫督工購產畧無虛糜餘如修邑乘創白良來秀塔及一切鄉族公

萬載縣志

卷十之二

人物

列傳二

三五

項罔不待其經理終於構賓興堂倡率勞瘁未竣而卒生平服膺學吃虧之語家難屢遘處之泰然而方便時見於鄉黨于豫慶晉慶孫元雋俱文庠

辛萃字永之號德生幼聰俊讀書日數行下作文自出機杼時有豪氣耽吟咏擅古今體屢見賞宗匠肄業豫章所交盡知名士兼通繪事染指作梅竹尤冠絕一時丐者無虛日登賢書向赴春闈遘疾卒著有環碧山房詩集東鄉進士艾暢爲之序于曇文庠鮑啟倫字肇庭職監生性好義倡施棉衣局獨力經理者十餘載善舉如惜字惜牛建廟宇修橋路靡不樂從瀕危以力行善事屬子鍾瑞後偕九家建文昌廟助賓興辛卯壬辰倡捐平糶助田聖

誕會創學宮土地祠蓋克承素志云

辛從益字謙受號筠谷以二甲一名進士授翰林院庶吉士散館轉編修充國史館纂修嘉慶戊午典試福建充文淵閣校理教習庶吉士辦理清秘堂事兼翰林院撰文遷江南道御史巡視西倉疏改順天鄉試章程駁刑部秋審悞入辛酉陳情歸養承歡之暇造就後進服闋補河南道御史轉掌四川道升吏科給事中轉掌兵科居諫垣三載封章屢上如條陳聞見則發州縣之貪縱長蘆法碼案則訐大學士勒保之不迴避請申明國積禁言步軍統領之不平允綸延擱賊報言東撫同興之昧事幾請詳慎甄別則斥督撫之徇私任性請飭查收養幼孩則摘兵丁之橫擄平民與夫正

萬載縣志

卷十之一

人物 列傳二

三六

文體一疏酒商盤剝連丁一疏戶部書吏婪索一疏又於當日主司督糧及部中堂司俱有關礙以故忌且嫉者眾而廉潔端謹無瑕可摘睿皇帝實深知之朝上夕報可雖明旨已行者亦屈已從之大臣那覆奏幼孩事至有朕先引咎之諭孤忠上契何其盛也乙亥升光祿寺少卿召見詢及邪教從益奏正教昌明邪說自息教匪以利相誘今得官者不問風俗淳澆惟計缺分肥瘠官自營利何以訓民欲正人心宜先責成司牧者帝聽之卽有旨通行訓誡升通政司叅議內閣侍讀學士簡放山東學政校士謹關防嚴塲規弊絕風清所取不一格而必衷於理有不率教繩以法州縣擅辱生員嚴批交辦甚則叅革如在平章邱諸案嶽嶽見風裁尤

加意先賢遺址及後裔清理宗聖書院匡扶有比博士封禁蒲留
仙墓道士論翕然在任擢通政副使光祿寺卿差旋稽查東四旗
覺羅官學道光元年辛巳擢太常寺卿壬午升內閣學士兼禮部
侍郎閱庶吉士散館卷新進士覆試卷時江西巡撫毓岱有官理
穀當奏因疏言其弊爲富民害者二爲貧民害者二後竟停止命
赴陝西查辦案件渭南民挾財勢殺人審官受賕皆論如法奉旨
細心研鞫秉公持正可嘉之至陝西買馬歲爲民害復命時向陳
其詳得清查癸未充文淵閣直閣事武殿試讀卷官升禮部右侍
郎脩通禮多所更正甲申兼署吏部奉送實錄聖訓尊藏盛京祇
謁三陵勘工收租事畢轉左侍郎旋轉工部視學江蘇使署在江

萬載縣志

卷十之二

人物 列傳二

三七

陰薪米供應向取給於縣獨峻却不受壹用民價自買又革拔貢
部費裁節孝請匾贊嚴懷挾親校閱正文體一如在東省時以奏
駁收漕章程與督撫意左公事頗多齟齬然文移往返寓書辨駁
伸士氣抑吏權動灑灑千百言或謂指陳時事太過待士子太偏
不顧也丁亥轉吏部因病疏請開缺遂卒年六十九華亭江陰等
縣多立主祀之生平孝友性成父晚年患癱便溲常親滌風日清
朗則背負以出告歸養母每事先意承志事仲兄以備禮宦情素
淡貴要門罕通刺惟與同志唱酬評閱就正詩文爲樂天懷坦白
官政和衷然遇非埋事正色力爭不爲權要屈承成皇帝溫諭爾
人甚樸實無揣摩亦無希冀可謂特達之知矣爲文自達所見筆

力蒼秀動與古會賦與四六俱大氣磅礴格律謹嚴詩學王右丞
閔取法溫李晚更喜杜韓書法宗顏清臣動必以正所著詩集文
集駢體集奏稿館課偶存公孫龍子注刻行子桂雲侯選訓導帥
雲辰雲鵬雲各有傳孫履閑文庠

辛朝俊字愚蒼號敬亭少聰俊喜讀書銳志仕途遵例報捐鹽大
使補山東富國場場素疲設法調劑產鹽溢常額私販殆絕尋捐
升知縣分發廣東委審積案多平反上官才之使署陽江劇邑也
到任革陋規訪訟師猾吏裁以法訟風頓息將及代制軍百齡過
境士民請留三載乃卸篆委丈順德香山隙田劃界定賦兩縣帖
然隨制軍出洋擒獲海寇烏十二適張保仔投誠並委審辦被裹

萬載縣志

卷十之二

人物 列傳二

三八

脇者悉開釋署澳門同知卻供帳鎮以清靜民夷相安無事去之
日洋賈攀轅羅拜屢署嘉應通判開建陽春電白長寧各縣事所
至清介白持以振興學校爲務尋補普寧城內河道入淤爲捐廉
疏濬民甚便之審斷逾勤間搜積案賴申雪無算循聲較陽江尤
著調新會未久告養歸侍奉喪葬如禮遂不復出修縣志知縣衛
鶴鳴屬董捐輸倡捐百金身走各鄉勞怨不避構文昌專祠建武
廟及先代殿疏河建閘皆首其事計費不下二千餘金邑起寶興
率其弟姪輸金亦二千餘生平孝友睦婣出於至性母病衣不解
帶月餘友愛諸弟撫諸姪成立外侮以一身肩遇親朋告乏極力
周給或稱貸以助卒年六十七子輝南候選訓導輝祖山西候補

典史

唐錫鐸字廉持號松士幼失怙恃偕弟讀書家塾而性豪邁不屑屑經生業喜談宦績亟思建白值川楚教匪滋事援例報捐縣丞分發陝西時關右賊烽方熾人多裹足獨喜躍就道大府竒其材命馳赴漢中襄理軍務兼府照磨事改署南鄭青石關巡檢擒獲首逆苟朝九以其功上於朝升褒城知縣政尚坦易惟遇豪右則懲儆之愛民如于民亦戴之如父母在任四載因欽差需索站規案鐫級離任仍以擒首逆有功於同議十數員中特旨開復誠異數也接署洋縣澄城俱有聲尋補興平到任革陋規清介自持時瘟疫流行巡視民間疾苦捐給藥餌口糧不假胥吏手賴全活無

萬載縣志

卷十之二

人物 列傳二

三九

算若常與民休息第循循拊勉不施鞭扑教化自成調任咸寧首縣有兩大姓爭訟連年爲平具獄事後各餽千金爲壽拒弗納有富室某死以千金丐丐其喪堅弗往爲擢留壩同知地介萬山中民少習詩書且不諳蠶桑利下車捐建留壩河書院并分設義學七區延名師督課教民植桑多者給予優獎又以其時勸民力學習禮讓禁嬉遊如家人父子偶西陲不靖大兵過境供帳籌備民若無事爲人坦白和夷內行肫篤友愛幼弟撫諸姪皆成立遇親友緩急無或吝故沾溉者不少仕三十餘年歷官七政廉而不苛明而不擾惟農桑學校爲務留壩士民於歿後請王入清官祠不忘其惠也卒年七十五以櫬歸葬于藻次若馨俱候選縣丞

唐錫純字軒年增貢生幼失怙恃能得祖母歡讀書穎悟以案首入泮志益勵務根柢學尤潛心義理爲文揮灑如意多所闡發生平精明渾厚有熱腸族維畿一支獨微爲經理調護得復振享堂祭產經其會計祀益腆有餘羨資均惠耽吟咏工繪事山水有石谷子筆意然矜貴不輕爲人作作必白題韻語子澄舉人孫朝棟廣東太平巡檢以後俱參前志

盧煜字位南號小山性敏爽讀書如有宿悟詩古文脩然遠塵氛肄業豫章名流推服居家孝友無私蓄倡建祠宇受貸累不計遇鄉族紛爭力爲排解或出橐金彌縫之登賢書適丁母憂未計偕襄輯志乘釀賓興費甚著勞績服闋北上經臨安留姪昆鑿署董

萬載縣志

卷十之二

人物 列傳二

四十

建錦城書院兼課其士卓有師範疾卒以櫬歸士林惋惜之子昆鈇文庠

李以正字守中附貢生性醇恪敦善行砥礪廉隅宗祠支祠就傾頽挈金千餘倡新之四邑移建郡學邀族兄姪子合建大成門名宦鄉賢祠其門樓圍墻則獨任之知府鄭鵬程議擴試院又認修亥棚并大堂邑考棚武廟之建悉樂輸集事及五區起寶興捐田千餘把他如慈溪神山白沙萬綏朱溪富山諸橋或獨力創構或捐貲助修其餘贍渡濟渴平糶發路統計萬金有奇以樂善好施邀旌典生平孝友家居風節自持不輕入城市道光元年公舉孝廉方正恩賜六品頂服優養林泉臨歿猶囑子楨貯粟備荒云

湯薦馨字顯宗號馥堂嘉慶戊寅恩科舉人幼聰慧力學尤工制
藝髫齡列諸生試輒高等山陽汪文端公廷珍邑先達辛少宰從
益器重之居常恂謹身若不勝衣而引義慷慨時見仁者之勇其
授徒擇人而教先器識後文藝故經指示者文皆有規矩無跣馳
行以鄉距龍河遠倡議建龍岡書院教三區子弟并籌大小試贐
各區立義學自是始四上公車挑教諭壬辰文已入彀因別房爭
所私卷見院旋歿京邸合郡惜之子光裕文庠孫祖培文庠祖蔭
舉人

李明善號復初縣學附生父歿廬墓哀毀骨立母迫之返母歿遺
命戒之其後遇忌口嗚咽不飲食與人交面折其過改則稱道不

萬載縣志

卷十之一

人物列傳二

四一

置家不豐而好周急為貧宗完娶為困罄全節不一其事又以常
平倉宦害多而利少乃捐穀置義倉眾爭效之尤遠見也新編

郭大經字緯之號星嶠始出副貢取教習官奉新教諭有惠績載
名宦既成進士任安徽太和知縣時邑新政繁缺稱難治下車先
除民害嚴捕緝法河南盜首蔣魁與其黨潛入境即捕得自是奸
宄屏跡尤重文教書院月課必親臨公暇則進諸生講學論文媿
媿不倦士因知自愛無涉訟者捐廉濬白洋湖一帶溝渠窪地悉
成沃壤聽訟明敏到案即決無羈留有神明父母頌嘉慶庚午聘
入闈所得八人皆江南名士母憂去任士民傾城出送有隨至賴
上霍邱者接丁外艱深懷止足改就教然才高意廣所任必有以

白見補南康教授抵任卽出百金倡紳士葺學宮凡聖殿各祠署齋煥然一新費不足復倍捐以葺功又倡濬蓼花池水口歲登穀數十萬石民立主祀焉創編星子邑志修宋儒劉凝之墓壯節亭冰玉堂甘烈女墳皆躬任其勞爲鹿洞監院修院舍清洞田請於鹺使歲增膏火五月肄業者賴之歸里主講郭氏義塾十餘年多所成就主修邑志徵引博贍一切義舉具詳墓志邑大興作幾無遺焉性孝友父患危症寅夜走數十里延醫診視又遠步武當祈禱病遂瘳攜兩弟共讀儼若師友倡構曾祖享堂撥產爲伯父立後從叔父遺一孫爲翼而長者兩世卒年七十九著有詩文集制藝偶存四書細錄待梓子光昕光昫孫傳曾自超俱文庠拔貢友

萬載縣志

卷十之二

人物 列傳二

四二

梅其後也以後俱參前志

高湘文字位慶號鑑浦舉人家貧力學以能文稱學使仁和趙公佑尤器之兩主講龍河書院孜孜敏勉性孝友篤宗盟始族人散處各鄉無所統一始祖蒸嘗亦闕與同志多方糾合創建大祠於城內又以本支郡城試館公諸合族自是羣情大和任弋陽訓導教士勤懇主講龍河時又捐俸倡修學宮考舍及謝文節公祠士翕然向風卒官崇祀德馨祠生平耿介自持公事罕預然當大利害執義侃侃不爲眾勢屈著有文集待梓子樹桂樹梧文庠袁開慶字平階少孤稍長肆志於學尤長於駢體旣以拔萃舉於鄉辛少宰督學山左江蘇兩與校閱大挑選安遠訓導造士有方

謙抑善下文風丕變學宮考棚書院一時創建卒官喪返傾城走
送有泣下者生平於事有不可者折以義理湯馥堂巢繩齋兩孝
廉客死於外經紀其喪旅櫬得歸嘉慶丁卯戊辰間眾相鬪獨守
師訓折眾論有吾道干城風焉

辛聘三字華國山館班發江蘇歷任新陽江陰溧陽金壇典史署
武進縣丞升東山司巡檢勤於其職在金壇最久績亦最著事到
卽決民以委捕廳爲幸巡邏尤密盜賊賭博一舉輒獲奸宄屏跡
市肆晏然歲祿勸紳士出粟煮賑爲分廠部署日夜監巡民沾
實惠道光三年水災倡義請蠲卹縣令以無成例難之聘三面稟
大守情詞愷惻守爲感動得請壇民謂邑灾有賑自是始升任時

萬載縣志

卷十一之二

人物 列傳二

四三

士民上屏幃行祖餞者一月不絕近來雜職中所僅見也尤篤友
誼始供事內閣族少宰公方應舉子試爲莫逆交泊少宰蒞吳尊
卑闊絕情分無渝凡吏習士風內外積弊言無不盡卒年八十塋
蘇州以後俱參前志

郭如泰字慶宗由附貢考取校錄官長蘆興國場大使塲籍遼散
下疲徵收數緡前任虧課悉泰賠補性慈祥不忍施敲扑虧愈甚
屢墊解解任時積串四千餘紙或請爲交盤可取償後任泰惻然
曰此貧民也付後任將操切從事其何以堪且吾旣憐而紓之又
以取償故使後任迫之謂初心何立取串付火灶戶聞知皆感泣
嘗書座右云養心莫善寡欲爲政不在多言可想其廉靜考滿保

舉知縣引疾歸生平敦孝友謹言行尊崇聖祠修考棚皆身任其事讓產焚券周貧振乏隱德甚多而尤得力於養靜處事安詳雖遭橫逆無忤容築室數楹題曰安雅朝夕課諸孫其中所往來皆文士開樽瀹茗清談而已客退手四書孝經或先儒語錄涵泳其義倦則閉目靜坐有攤書消永晝兀坐養餘年之句卒年七十九孫功俊廩生功溥文庠功敘優貢直隸試用知縣

辛師雲字京孫號芝生從益子進士官戶部貴州司主事幼穎慧入歲能文十六入泮父授以古文詩賦駢體諸法出筆便成規矩書於經史外天文律算兵法刑名家言皆能明具大指入隗官生年近強始以民卷魁鄉榜聯捷南宮父歿未久朝多故舊爭欲致

萬載縣志

卷十之二

人物 列傳二

四四

之詞館顧僻居蕭寺不通一問致朝考見抑是科分農部二十二人名次居首又將考軍機座師穆相國期必致之乃松旣戀切亟歸省父執交謫不顧坐是序資獨後未補缺終在官鉤稽精核而務存大體堂官倚重既主本司稿兼派山東司井田科捐納房事皆劇任也積勞致疾卒前一年南書房求工大字書者相國獨喜師雲書欲援黃尚書供奉例使具所業進以跡涉捷徑婉辭焉生平瘠已肥人遇急難不惜典質從知好在京病故者皆率先厚賻邀同輩贖金以歸其喪若眷口急不得歸則別資以月費故知好有急必首叩其門至誠待物視人事如己同鄉一切倚辦卽外任有半面識者當疑難造請莫不籌畫周詳故知交日廣心力亦

日瘁至其撫姪如子待同生無畛域培祖墳助寡穀爲疏族延宗
二爲窮戚舉殯三自未達時已然著有勤補拙齋集

辛元辰字伯坪文彬子弱冠游泮屢薦鄉闈乾隆甲寅卷已發刻
卒不售乃援例貢太學隨宦入蜀謂饒者曰此行無它願勉成親
名以無負知己歷五任以耳目發摘奸伏父以循著稱任巴塘時
留哀護眷口嘗獨策蹇省親好事者爲繪蹇省圖歌美之歸里後
卜築白良鄉以時迎養父愛其山水樂而忘老名流復爲圖咏所
謂青陽草堂也爲人剛介而俠意所不然面斥無少徇士有文行
譽不絕口尤篤於師友嘗問關數千里揭重貲急難冒疑謗不辭
論者以爲諒素喜吟咏好賓客家雖落招朋觴咏自如族少宰視

萬載縣志

卷十之二

人物 列傳二

四五

學日有所贈悉以父名贈賓興晚年族推耆宿事必咨詢達房建
止公祠自辰發之止公族之凡無後者冬祭後輒展祀焉合於陽
厭之義有詩集待梓子培慶孫承枯俱文庠

李宗彝字迎祥號黻堂舉人性穎異鄙爲章句學詩古文詞皆敏
瞻處家孝友爲族長以嚴正稱雖貧樂引人爲善鄉中義舉若建
慶豐倉修蓮溪橋並勸力捐先是兄宗漢善居積歿嫂氏楊出貲
創義塾教族俊捐龍洲膏火建六百橋彝實贊成之俾邀旌典計
偕兩次以足疾絕意進取旋卒

楊眉字蘇門郡庠生幼聰敏八比外兼詩詞三試不售絕意進取
一意養母訓弟家有小樓除爲讀書所母龍素勤紡恒至宵分與

肩約夜讀以車息爲度兩弟相繼爲高才生繪有岑樓聽紡圖士
爭題咏焉治家有法內外百餘人服物相通母老承歡惟恐不及
諸弟姪執業於外晨出暮歸必各攜甘旨以奉張燈宴笑管絃鼓
板各獻所長其小者令覆經相角熟則得果餌冬擁地鑪掃雪烹
茶聯句爲娛家有煩苦事不許道一字恐損老人歡母歸房而後
散孝友之風邑中無兩常偕同志辛元袞袞開慶輩文酒燕游野
店山家隨地開尊風趣不淺和正孚人鄉曲是非經剖判無不解
著有岑樓詩集

郭光笏字屏藩歲貢生穎敏者學詩宗白傅書有右軍法籙庠三
十餘年屢試高等從游多成材性端方有幹濟邑公事恒倚爲重

萬載縣志

卷十一

人物 列傳二

四六

如建考棚創賓興疏河建閘及郡修考舍城垣皆始終其事晚年
念先人修學宮績歷久漸就頹乃率先呈請募貲重構經營三載
卒觀厥成爲族長二十年多善舉族論翕然於維持城市公益尤
人所欽慕道光丁酉恩賜舉人卒年九十二著有慎餘堂詩集
郭祖培字家先歲貢生專力四子書有所得卽筆記之積久成帙
皆根據確實不爲苟同作文確守先正兩薦不售遂一心考據冥
搜博采學日進家計屢空泊如也著有四書日知記天文圖說律
呂考日知記已梓行

朱映晨字文明中第五名武舉歷任大河海寧金衢杭嚴溫州台
州領運千總積功晉五品以台幫舵工逃案被劾人之捐復補金

山衛領運卒官爲人豪爽而寬厚相知甚廣負者亦甚多反曲諒
焉在官優卹疲丁丁徃其寬抵通交運或逃去使費悉墊應前後
頑欠至七百餘金盡舍之州縣以其豪也應交幫費輒怵以好語
從無取盈者顧獨恠於院道吏勒索多不應故金山任中扣運者
三所領皆減運得不償失居家孝友在浙迎養甚得親歡爲兄置
筵使有子晚年宦囊涇仍攜養姪甥餽遺諸弟無間卒年七十六
李承烜字良慶號遂夫舉人聰慧善記作文有法度大挑二等署
長寧選崇義訓導實心造士以疾卒官性鯁直孝友遇非理卽回
斥不避佳士則譽不絕口恥涉訟庭非公事不見邑宰次弟出繼
仍挈同爨委以家政季弟以武舉効力撫標先卒待其妻子尤厚
死不瞑目之語年五十九子興霖文庠

辛鵬雲字發孫由蔭生補順天府經歷京察一等會可憂服闋補
奉天故美缺也守清白訓多所裁革上官察廉委署寧海知縣時
水寇猖獗數侵掠沿海地武弁望風退卅縣官且致賂鵬雲捐廉
募鄉勇設方畧寇來與戰戕其眾十餘自是境無犯者瀋陽旗民
雜處左袒成習巧宦承意指輒速化鵬雲曰冤平民博高遷祇爲
先人辱用是遇事齟齬有旗員某負民錢反喉羣僕斃焉以實讞
上法當抵王者怒撤委欲坐以失入賴讞語詳明部議置原審不
問愈內恨蔽其功并京察斬之已而上憲易舉卓異更署興京通

判抑強扶弱一如寧海時覺羅某者故將軍嫺戚當指官詐民財
拘訊得實方具詳而擅拘檄下將會劾首縣向府尹力爭謂此輩
素橫今整頓者獲咎民更不聊生且某並非職官法得拘乃止京
察又奪凡在藩十餘年屢以彊直見忤沈下僚而貴倨者動以聲
色相陵遂抑鬱致疾歸行至安慶卒鵬雲雖得官志以科第承先
經歷向不鄉試自鵬雲援京察例南任皆奉特旨俞允遂爲定例
在官暇卽讀書雖赴轅監印手帶一編眾共迂之不顧爲文繼幽
鑿險力厚思沉而不甚修飾故屢困棘闈時見賞於宗匠

孫馨祖字明薦號此堂能文章兼工詩古擅詞曲乾隆辛卯以第
三人舉於鄉挑發粵西署蒼梧知縣有政聲以祖母艱歸服闋任

萬載縣志

卷十之二

人物 列傳二

四八

福建甌甯知縣鄉試分校所得皆知名士報最列上考大吏廉其
材堪治劇調任同安以母憂去職嘉慶九十年間受縣人之激刺
至於投荒而不惜意必有生而望返死而思歸情不自己者乎著

有此堂詩集梯田山人餅話昆都俞歌紅牛記諸院本藏家改編

論曰孫馨祖一在籍知縣耳考案之爭數十年赴訴重疊馨祖
無與也事之旣亟署知縣周吉士與知府鄭鵬程見左撤任待
參小官之不能與大官抗夫人知之況在籍知縣耶地方官各
有所見遂致大臣亦各有所屬總督陳大文學政李鈞簡單銜
獨奏上諭復准學政之詳考案如泰山不可移矣時則人皆岌
岌事情皇皇譬諸荆棘之叢誤入其中者體無完膚馨祖不知

耶然則謂馨祖爲主謀者蓋其勢之無可如何亦其情之必不獲已者一王之治政歸獨斷而俯順輿情則天下古今大公至當不易之理也馨祖投荒老死塞外未爲不幸而或以爲可媿抑或以爲可惜淺矣

辛辰雲字北孫號黼文辛卯第五名舉人少宰從益三子自幼隨父任學有家法文有經術少宰嚴正奏記文衡不輕假人辰雲未嘗不與非獨才之且信之里居清貧至掌教龍河龍江書院以館穀自給故交世好多當世貴人未嘗一干之咸豐五年賊竄江西及萬載所至郡邑風靡獨省城未陷因重爾走湖南乞師撫軍駱秉章遣同知蕭啟江都司田興恕等進援委令籌辦勸捐團勇以

萬載縣志

卷十之二

人物 列傳二

四九

助官兵首倡大義豪俊響應袁瑞臨三郡相繼克復萬載接濟之力爲多駱撫謂是役爲吳楚第一勲蕭田後至藩司提督辰雲保湖南候補知縣殊無意出山自以名臣清宦後風期氣節蘊結益厲願忠於國不顧身家故冒險觸忌憂勞感疾賁恨以沒識者痛之生平著作甚富唯縣土著志板行餘未梓于履閑郡廩生

陳素舒三區黃茅田寮裏人席先世之遺富於貲見義敢爲能急人之急然不輕與可與則必如其所期而止孫馨祖曾館其家數年不厭也事定家落而人死矣其後嗣亦能知大義三區倡建龍岡書院捐錢千貫爲眾倡事得集成同之間知縣李吉言逃死無所挈眷住其祠堂累年湘軍入境勦賊自是基之是謂能見其大

者矣同時喬廈有張鶴鳴者讀書負奇氣善草書與素舒頗相得亦足稱焉士之特立獨行爲鄉里先湮沒而不傳者可勝道哉新編

何良號小石副貢生篤學嗜古不屑章句於經史大義討其源而旁涉諸子百家天文地理算法醫書落筆軼羣動與古會梓行小石詩草皆其少作壯歲學益遂心益虛脫稿詩文輒被人攘去其教人不徒事舉業成就甚衆舉人辛有猷郭春熙宋炎劉文毅尤說服晚年日將五經四書尋繹玩味擺脫傳註獨契真詮家貧不治生產於古今成敗民生利病恒若身親乃以一頁終名業未顯士論惜之著有春秋畧例古蹟七絕三百數十首名寰中集國朝

萬載縣志

卷十之二

人物 列傳二

五十

畫家詩數十首待梓子鯨邑附生

宋階明字熙瑞號輯軒由監生以分缺先用知府分發浙江咸豐十一年賊圍杭州連營數十里紳民聞風先遁階明候補官毅然不去中丞王壯愨公扎委七門總查力守孤城三月餘糧盡援絕陷階明在鳳山門被執罵不絕口遇害同治九年奉旨賜卹予雲騎尉世職入祀昭忠祠子世培由試用布政司理問兼襲雲騎尉次子世材湖南候補縣丞隨父在浙殉難同治五年竝賜卹予雲騎尉世職入祀昭忠祠孫煥奎有傳

湯譽光原名調元號子變幼聰穎竊看列國演義帥令長跪適客至問以此書大旨曰赫赫宗周褒姒滅之髫齡入泮嘉慶戊辰江

西巡撫秦承恩聞其聰俊招人署內讀書與梅曾亮帥方蔚輩相切劘識解日高術業日邃由優貢舉於鄉道光六年丙戌大挑知縣分發河南丁亥辦興化賑奏改歸地方補用開河工竣優敘歷任婁縣無錫吳縣知縣浚木渡鎮河道修三堰五閘民免水患辦理賑恤署柘林通判兼大湖同知丁父憂回籍服闋分發湖北署監利知縣補襄陽縣陞襄樊同知署荊門州知州攝荊州府篆年老致仕歷充江南湖北同考官李修撰振鈞朱太史右曾皆所得士性耿直遇不可事雖忤上官勿顧清廉自矢歷任多繁富地而宦橐蕭然祇遺經史數簾工吟咏胸次清曠薄書執掌暇輒以詩自娛著有窺一軒制藝試帖仿蘇和陶詩梓行其餘著作甚富俱

萬載縣志

卷十之二

人物 列傳二

五一

未梓年七十四卒子敦臨署山東濟南府經歷敦叙江蘇華亭縣典史敦誠號我齋候選縣丞軍功以知縣用部選廣西義甯縣知縣未抵任委署平樂粵匪蹂躪人民凋殘敦誠招撫流亡始就甦息繼賊復至募民堅守援兵擊散萬民歡呼明年歸本任有訟經十餘年未結者立爲判決人稱神君詩有父風雖處疲邑吟咏自如丁父憂回籍年四十卒本新輯今參湯譜

高思訓原名龍號滄亭十歲時舅張鶴鳴以外孫墻背笄爲問幾時得成棲鳳竹命對卽應聲曰尊舅池中魚必然他日化爲上天龍舅大嘆賞因以龍命名弱冠遊庠旋登賢書歷任貴溪永豐教諭循循善誘士心悅服年六十一卒官生平氣度冲和遇鄉族事

委曲開導務極平允髮逆據縣籌餉辦團多所贊成而口不言功
子蓉曦歲貢蓉昞文庠蓉暉廩生孫玉森有傳玉槐廩生玉松玉
樓玉楷玉樹玉楠均文庠

辛价字介人父紹業官國子監助教少隨父讀書試北闈不售歸
入縣學屢試一等補廩晚舉拔萃科學使許乃普嘆爲宿學聘衡
文臨行讌宜春臺上與助教拔貢時翁學使方綱置酒春臺與之
流連歌詠情事脗合郟邑榮之生平文宗韓詩法蘇駢體律賦雅
近六朝學富命蹇終身友教門下士分宜貴陶族學乾最著也著
有協韻集成詩文稿子斌解元十四藝進呈挑發四川署南溪
縣知縣有功舉人文有根柢性孝父晚患痔調藥滌污不假手人

萬載縣志

卷之二十一

人物 列傳二

五二

榜後旋歿士論惜之改編

辛儼字仕勉號升甫紹業子少讀書能立見解弱冠補諸生卽舉
於鄉北上侍父某親王聘教讀以涉黃緣婉辭之酷嗜古墨刻有
佳搨質借不惜四上公車四薦不第大挑選清江教諭悉心造士
截取引見仍以教職用選浮梁教諭之官例謁巡撫中丞費鶴亭
見其人立階前意欲其拜階下也疾趨上曰臣與君行禮乃拜於
堂下大人悞矣及試親監之並刻香以爲難援筆立就評其卷云
高簡堅栗逼肖稚川賊陷饒浮令驚竄爲率黃以柎等與戰鱖魚
山斃賊數十人積勞致疾卒於書尤邃小學所著有春秋異文考
證十二卷春秋內外傳古文存張文毅芾爲之序易其名曰春秋

內外傳類文疏義試律滄蝶集二卷王汾源題曰辛稼軒詞辛升甫詩古人可作吾誰與歸鄧鹿畊題曰詞中蘇辛非秦七黃九之比包世臣稱其家學淵源晚精律學謂海寓不靖由於失閏擬疏欲上曰臣聞月令季春行秋令兵革並紀仲夏行冬令暴兵來至季秋行春令師興不居仲冬行秋命國有大兵咎證之應皆由時令所感嘗取萬年書以法求之九年二月半便是正月一而順治壬辰之癸酉朔辛丑之辛亥朔康熙壬寅之乙亥朔辛亥之癸丑朔乙丑之辛酉朔甲午之癸卯朔雍正癸卯之辛巳朔以除夕爲元旦康熙庚戌之己丑朔己巳之己巳朔戊子之己酉朔雍正丁未之戊子朔乾隆丙寅之戊辰朔乙酉之丁未朔甲辰之丁亥朔

萬載縣志

卷十之一

人物 列傳二

五三

以臘月爲正月又案僖公五年疏曰閏前之月中氣在晦閏後之月中氣在朔而康熙己酉道光壬辰咸豐辛亥雨水俱在十二月晦查葦鄉贅筆己酉年南懷仁曾經推算改閏然則壬辰辛亥亦應改閏而欽天監不知檢舉是再失閏也春秋再失閏流爲戰國列辟兵爭生民塗炭綿歷秦漢而後昇平置閏之失兵連禍結其烈如此子祖范早世著有小同詩鈔二卷盧諶爲之序梓行解揚貢宗周邑附生大受郡附生子尙貢改編辛公弼字文豹紹業子考取國史館供事供職十載睿皇帝大蒐古北口當事命掌戮禽籍凡三次議敘以巡檢用因母老歸族推理總祠及房祠事增置祀產立義田建試館修譜牒生息經畫悉

出其手倡立六房會購田數百畝爲建祠之資襄辦邑中疏河建
聞及理賓與緝邑乘諸義舉嘗教人以立心爲本謂心術旣正則
百爲皆善子孚德刑部主事孫景舒有傳

辛拱照字顯榮號凌雲嘉慶辛酉拔貢教習報滿以知縣用因母
老改教選授靖安教諭母憂服闋歷署南城安仁教諭旣選上高
教諭縣人仰其文名請兼主講義塾悉心訓迪先是四科無一中
者後乃三四五名不等在官學時宏王曾延爲教讀賓主浹洽以
內賜物相餽遺子樹仁孫際午俱有傳樹義庠生叅辛譜

辛樹仁字道傳號靜山道光戊子舉人房師湯慶增爲本邑令有
富民被逮出巨鎚求關說力拒之曰不可以對我師選授龍南教

萬載縣志

卷十之二

人物 列傳二

五四

諭其俗獷悍有兩姓聚眾將械鬪縣令無策爲召兩姓生監面諭
之曰寇氛方熾復聚鬪於此乎設有殺傷列膠庠者罪魁也聽吾
言宜卽罷器械留以禦賊將爲汝功遂各解散去縣無城請縣令
勸捐修築完固又增外城數處後粵匪環攻堅不能下觀察周玉
衡勦匪至縣欲以知縣薦辭不受或問之曰此吾先君意也記改
教有句云不失儒生真面目無妨冷淡作窮官今猶昔耳勗諸生
講學以躬行論文一宗理法以軍功陞贛州府教授一年卒官子
錫洪舉人有傳觀濤歲貢孫銘恭有傳

盧尚文字宗周邑庠生性孝友有學租原載武庠不與後弟入武
庠仍均分之以橫逆加者置不校喜訓迪後進一時秀士多出

其門祠乏祭掃資捐產不吝鄉邑義舉亦常樂從子瑤林舉人占魁邑庠

彭才尹字任夫號莘圃幼失怙事寡母孝性聰穎以幼童入泮歲科試屢列一等善教誨督課最嚴多所造就新昌袁太史玉麟其高弟也性豪爽家貧不治生產好客嗜酒酒酣談論古今人皆斂服邑義舉如賓興樂泮龍洲書院賴其力勦成之家世謹厚誠子孫永守勿替子召棠濟川俱增生孫燦垣舉人官安徽婺源縣知縣

辛介福字鳳喙號柳垣副貢生家貧聚徒講學從遊者衆館穀甚豐供甘旨不爲私蓄辛從益督學山東江蘇聘襄衡文試揚州得

萬載縣志

卷十之一

人物 列傳二

五

謝增卷亟薦之後以第二人及第餘所拔率多知名有友官京師勸其應北闈兼可考教習膳錄爲出身地以親老辭家居兄弟怡怡訓于姪一遵禮法長幼六十餘口同居無閒性嚴正人不敢犯修譜牒增祀產學宮義倉諸善舉悉秉至公不辭勞怨倡建龍雲書院於小江濱四五區生童俾得就近肄業者作多散佚惟詩文稿存待梓孫榮文庠

陳綿韻字發祥號雅齋性慷慨四五區合建龍雲書院首捐千金眾情踴躍遂以集事繼復捐錢二千緡以資膏火龍河書院經費不足捐數白金修理學宮亦捐數百金鄉建義倉捐穀七百餘石并命子弟經理生息歲饑平糶多所存活他如家廟以祀先城垣

邁不允郭嵩燾爲之解說意亦釋然且曰訟案無關緊要南昌府知府史致諤竟釋之啟邁怒其遽也拘之急國藩咨商不允且以爲朦混投効不特不爲伸理冤屈而以其辦團爲咎且欲弭知縣棄城之罪而坐以誣告因數巡撫十二過具詞有云惟舉義烈之氣不死於賊鋒而死於吏虐大人震怒之威不用以殺賊而用以戮賢爲可惜然大人屈於理舉屈於勢屈於勢者在一時屈於理者在萬世大人不自惜舉亦何惜之有巡撫益怒命按察司執而扑之且與國藩爲難營餉軍火靳而不予不得已而奏參巡撫臬司奪職此咸豐五年事也國藩見江西人士輒曰識彭子文否江右人傑也六年二月國藩以憂去五月賊踞萬載壽頤間道歸倡

萬載縣志

卷十之二

人物 列傳二

五七

立忠義軍芒鞋草履甘苦同士卒再戰克捷而以餉絀罷憚老宸撫江西復修前怨赴省候質沒於旅舍王闈運哀辭謂是省獄蓋傳聞之異辭也歿後著述散佚惟團練新編及絕命詩並各呈詞流布遠近讀之令人於悒有其才與識而其氣又足以包舉之竟不獲一展厄於湘人伸於湘人後且非湘人而不改湘人之意指不啻再厄於湘人然而曾文正之奏議大事記湘軍戰紀湘綺樓集長在人間厄於一時伸於千古理勢之言如左券矣吁可勝慨哉
改編

柳承培號凌雲和鄰睦族憐貧恤寡祭產墓田解囊不吝族建大祠捐千金支祠數百金并助基址如寶興堂京會館及寒衣因心

義山等善舉資助之自念累世衣衿曾祖發位祖瑚均庠生父廷藩歲貢己乃爲貧廢學故隆師課子於先達靡不敬禮袁州昌黎書院唯萬載未有分齋病亟遺命其子成之并能推廣父志旣建分齋復捐本鄉和豐義倉穀數百石助龍雲書院膏火田子德輝舉人孫召棠邑庠生

潘縣花號海門邑附生爲文不輕落筆構思良久一揮而就從學者衆各隨其材質高下而成就之蓮江石橋被水衝圯捐館穀以爲之倡衆遂輸修整如舊邀同志建慶豐義倉積穀數百石歲飢平糶衆皆德之子梓材孫紹岳紹華均舉人紹顏廩生

李宗周字安灝大學生幼負奇氣長志於學爲文不屑時趨入困

萬載縣志

卷十之二

人物 列傳二

五八

塲屋絕意進取專以督課子孫邑中公事如翔寶興堂修文廟考棚歲飢平糶諸義舉無不捐切性和易然不可干以私紛難立決鄉里推重孫春蓐以拔貢中式舉人

辛字林字忝增邑增生父卒於京扶柩歸盜躍入舟砍一落水羣散思報復翼日早字林攜僕踪跡至野店中有數人坐飲心知爲盜夥卽入店治其力拽盜臂邀之共飲盜知謀泄且憚其勇不敢復犯父在京少積金不多易簣時遺囑餽親族共千數百金悉遵父命析產時以厚貲讓弟擇腴田數十畝以膳繼母仗義疏財家落傾產課子孫人迂笑之不恤也子榮暉夢周森皆文庠孫渤以選拔中順天副榜

彭英晉字三瑞大學生鄉里有爭立爲解或代錢陰寢其事不使人知後亦不問也賓興堂初起時眾議不一竭力襄成之凡橋路勸募無不與且量力捐課長子以釣學至典質以供脩脯釣邑增生孫幾附生夢彰舉人壽頤有傳汝昌邑附生曾孫金增生

宋文斐字錫庭號竹泉髮逆倡亂助官軍餉數萬得獎敘授福建雲霄廳木到任而城陷捐貲募勇隨左宗棠克復漳州雲霄等城兵燹凋殘髮下車撫綏次第舉行善政積勞成疾數月卒於署喪還素服哭送者填溢街衢援例入奏奉旨賜卹予蔭孫容照承蔭州判

唐滄號鑫門舉人能詩文及書與奕兼岐貴堪輿術時與國手戴

萬載縣志

卷十之一

人物 列傳二

五九

秋士對局藝日益精著有怡怡草堂奕譜梓行春秋大勢五古陶情集待梓大挑二等晉吉安府學教授及龍泉零都德興教諭鄱陽萬安萬年訓導選義甯州學正未任卒

謝興榮字騰芳大學生性剛直鄉曲紛難一言立決育嬰賓興學校試院捐輸或數百金數十金不吝鄉里橋路廟亭量費多少而資助焉孫尙斌紹暉曾孫樹勳俱文庠

龍應飛字起鳳積學敦行言笑不苟家故貧訓課後進不計脩脯尤深史傳學故及門士多以古獲雋經理公事以廉介始終同治甲子舉於鄉旋卒子友松有傳

劉黼朝字簡瑜監生習舉業數奇嚴於課子終歲不令出塾性孝

友母嬰未疾背負出入庶母患瞽扶持一如所生兄負累爲邀親友欣助復命二子足成之邑公事如改建崇文闢出粟平難皆身任其勞爲族督十數年纂修家乘興廢繼絕晚年家益困手卷不釋所著養拙山莊近體詩未成帙而卒子式毅以舉人官知縣徽猷席纁孫楨俱文庠

喻炳字景階號星臺道光辛巳舉於鄉出知縣名進士衛鶴鳴之門驚爲老宿數上公車屢薦不售常以讀書得榮封父母爲念選都昌教諭敕贈如其官家貧課徒不事時趨登賢書者羅運齊盧瑤林郭備最著嘗主講龍河上高景高及郭氏義塾教諭都昌乘東修數百金而歸優游林下不與外事卒年八十二文稿多散佚

萬載縣志

卷十之二

人物 列傳二

六十

汪茂楠號石森性聰敏弱冠補弟子員治家一循柳氏家法經理祠事尤善督房族數十年能以身教子姪無敢爲非如修葺學宮捐助龍河書院膏火創立義倉悉傾囊爲倡晚年屢舉鄉飲正賓雖常經理公事而手不釋卷孫瓊林邑庠生

盧後慰字望顯大學生副貢及暉子繼葊伯廷曦後性忠厚孝友無間初隨生父爨有佃戶周負債將鬻妻以償慰請以本年應得田租近百石悉蠲免周由是保妻孥析產一遵生父命不較多寡肥瘠兼推讓己分內產幼讀書能文晚以岐黃術多所全活不受謝併有醜以藥費者制行公正不以運蹇易操延師課子孫家漸落自若也子夢蘇文庠孫汝寬舉人汝源文庠

郭呈輝號蘊石邑附生少孤性孝友恒爲母溫被病則飲泣不食
私行禱祝人咸異之家貧授徒出告反面母老犯腸澼侍湯藥
累月不解帶常置方正學座銘於案言行悉遵之與人爲善後進
多所造就

鍾宜章字大楨號斐亭兒時讀書識大意不屑屑於章句以父命
抵京援例捐從九職分甘肅試用丁父憂歸哀毀幾殆以母老不
復出子姪七人延師訓課歲暮解館命背誦所讀詩文治家嚴肅
自奉儉約而宗族鄉黨周濟無所吝修橋路施棺木瘞骸骨諸善
舉難更僕數卒年五十七女子斯敬有傳三斯卓副貢生

江濬字能哲號慧齋由歲貢選授南豐縣訓導時已七十六歲接

萬載縣志

卷十之一

人物 列傳二

六

見諸生與論文藝竟日不倦年八十方製錦稱觴忽得痰疾卒

吳鵬字向科號南軒歲貢生屢薦不售立祠規修支譜日與族人
講明孝友睦姻之道爲族督數十年選大庾訓導時年已八十定
例須詣大府考驗援筆凝思尙能伏案作小楷手眼無老態之官
扶植風教導勵羣材陞調樂平教諭告歸年八十九優游林下至
九十四歲卒

鍾斯敬字挺莊號仲輿一號慎齋由舉人大挑一等分發廣東發
審積案剖決如流委署開建政僻邑南靖書院久傾倒亟捐廉倡
修資助膏火時且講授文法下邇召父老課耕織教孝弟有爭訟
卽處斷三年風習頓改士民愛敬詣大府請留格於例改署吳川

縣濱海劫報無虛日又值粵亂擾及鄰省先有選得是缺者憚不
赴敬至倡修城濠督辦團練更番勸勉實力奉行或留宿練局竟
月詞訟及一切事皆就所在裁決募年成勁旅賊至屢挫屺斬馘
數百高州四屬其三皆被害吳川獨全咸豐元年制府徐廣縉至
高上謁求解任不允次日詢知因公負累鉅萬積勞成疾乃准部
事令在高調養未幾政府奉命進勦粵西欲挈往辦軍務辭曰他
人求之不得顧獨不願豈此間缺反美耶笑而從之既糧台需才
檄召至一年又墊二千餘金引疾歸東省上官廉知其情欲以大
縣調劑固請開建自効至又值林謝二匪糾黨千餘侵擾縣境亟
練勇堵禦竄入輒殲之是年以軍功陞同知直隸州適新興鄰匪

萬載縣志

卷十之二

人物 列傳二

六二

竊發肇慶九屬多被擾顧無可委署者召至慰遣之蒞任團練保
甲并行募勇嚴守藩籬戒毋越境貪功時穀價昂貴復出俸開倉
賑濟民賴以活未受蹂躪襁綏孺同知調署陽江未匝月病卒年
六十七生平以經濟自許曾倡建東洲書院加意培植勉爲有用
之學在粵十餘年携眷屬不過七八人儉約如儒素身後不名一
錢賴寅好賻贈得歸葬子玉明捐發廣東知縣

鍾玉明字敏生號朗卿斯敬四子幼聰穎長具幹才隨父任丁內
憂回籍適髮賊據縣城楚師進勦襄辦餉團不辭勞瘁續丁外艱
念父宦粵十餘年因公虧帑破家不能償服闋心怏怏父舊好爲
捐指省知縣到粵委城內總查未匝月暴卒

宋成祥小字潤發曾祖雲起厚重有威儀鄉里敬服足跡不履公庭家素貧非義不取死無以爲殮聞者趨賻之喪祭如禮且爲經紀其家祖馨北邑庠生父觀麟生二子卽故家益落母吳氏改嫁王姓次子成發隨養成祥其長子賴祖母楊撫養成豐六年髮賊據縣城投都司劉培元部下遇賊與鬪由是知名後投虎營充馬隊哨官轉戰江西浙江福建廣東積功累保花翎游擊同治四年追賊至嘉應州連戰皆捷進攻城幾拔賊懼宵遁成祥帶馬隊追及之鏖戰至日中忽中礮卒先是大帥以其連旬力戰擬保副將未及上而亡痛惜之奏聞照副將例賜卹賞塋祭銀一千零廿兩並給雲騎尉世職襲次完時給予恩騎尉世襲罔替卒年二十

萬載縣志

卷十之一

人物 列傳二

六三

七歲未婚無嗣撫憲札飭以胞弟成發承襲侯生子卽以爲嗣襲職

藍光苑號藝圃二十四都西坑人邑增生爲文不苟隨時俗屢薦不售教人以敦本務實恂恂雅飭道路相遇不問知爲其弟子也義甯進士陳文鳳從遊七載受益尤多性嚴正咸豐五年髮賊竄踞鄉里無賴輩爭先從之苑時爲族督西坑藍氏丁壯二千餘人無一敢投賊者年九十餘卒

潘立鳴字瑞生高村人雍正初溫上貴犯境府憲李英札起團練倡捐錢穀與鄉耆藍渭濱義勇陳輝玉嚴林森羅老蒲等協力捍禦不惜身命賊竄新昌奮勇驅逐獲上貴逆黨平知縣施昭庭獎

以忠義可風鳴性純篤事親以孝勤儉致富好施與年荒給粥活人無算凡府縣省考舍書院橋路寺廟育嬰漏澤及有關人心風俗各義舉約捐五千金有奇門前大江爲通湖湘往郡縣大道舊架木梁十數遇洪水行人不便時已衰老命其子易石乾隆間子貴麟榮麟華麟富麟佩麟承命建三墩四管兩旁圍以石欄兩岸有階級程工五載費萬四千餘金同里進士李榮陞甚嘉之贈以聯知縣孫鉞給樂善好施匾孫文彪武舉曾孫維新邑廩生饒學謙字發祥例貢生性敦孝友兄弟七人析爨時得租僅二百餘石見食指繁以已田租六十六石讓之值八九百金無難色亦無德色每歲暮陰察族鄰窶乏者召至給以穀不索償

萬載縣志

卷十之二

人物

列傳二

六四

饒廷楷字燁輝學謙子利濟有父風道光辛卯壬辰連歲舊飢減價平糶貧民賴之居恒扶危拯困難更僕數高魁書院本饒姓別墅族人欲別售獨倡爲義塾且捐銀三百兩助之

鍾天章字開元事母年踰耄耄未嘗分任兄弟居家嚴肅數十人無詬訾聲捐建東洲書院爲眾領袖

范立臣字興邦例貢生初起塾課會出錢穀爲族中子弟束修費旋倡修起秀書院捨丸藥救溺女鄉里中艱於掩埋者施棺瘞之卒年七十四子世杰文庠

黃金印字連文監生遺腹產事母得歡心四兄俱早歿撫姪輩如已出喜接文士構家塾課子姪勸捐高魁東洲兩書院通人緩急

不少恡歲歉出穀平難凡造橋甃路修廟建蔭宇賜亭立惜字堂
諸義舉皆與有功柏樹街石橋倡首任勞年七十三卒子啟圖增
生龍圖丹成俱文庠

曾起鱗字元濱大學生少業儒後以岐黃術活人無算不索謝遇
乏藥貲並濟之打鼓墘橫埗子捐置義山三處建五百興年豐倉
東洲高魁兩書院及修郡城施棺木橋梁道路輒不吝治家儉約
延師殷勤卒年八十一子士俊庠生孫玉樹歲貢玉山文庠

唐逢辰號蘋州人貲補湖南湘潭縣丞卓異升知縣歷官衡州知
府其初任耒陽縣值柳州劉大偉之亂分股擾及縣屬油榨墟自
率民兵遮擊其年洪秀全陷道川遂由桂陽趨柳州至永興距耒

萬載縣志

卷十之一

人物 列傳二

六十一

陽城數十里所至官吏望風遁獨閉城治守其賊亦遂指縣境而
北不一犯縣城時徵存民稅萬數千金或勸留充勇糧曰此數十
人食城穀有餘耒陽一孤城賊所不爭留此何爲是時卅縣被賊
所徵民稅皆免乃獨完解蓋能不欺以獲信於上而致功名實出
於此其後調湘鄉爲政最久有聞於時曾文正常稱之
謝公漢字昌元四區龍田人力田致富自奉儉約遇歲歉輒平糶
貧無錢者貸之不責償嘗設粥廠活人甚多郡守程額以尙義可
風

王如綸字珩珍讀書明大義由附貢生援例授候選訓導加中書
科中書銜咸豐六年舉人彭壽頤儂貢廖連城起忠義軍在港口

殺賊千餘如綸與有功十一年賊踞新昌逼萬載募勇八百自備
口糧偕新昌舉人王保仁奉檄立保泰營祖孫父子親冒矢石屢
獲勝仗四月克復新昌府縣爲製忠義義勇額旌其門五月以餉
乏軍譁憂憤卒年七十三

黃華原名呈瑞字奎銘少習舉業初應童試知縣陳文衡加稱獎
學使按臨以不善書黜捐監鄉試薦不售性豪爽爲人排解罔弗
帖服族眾事繁積未清理幾構訟舉族督不旬日悉妥愜生平好
義凡所當爲解囊不吝於兄弟尤友愛咸豐元年詔舉孝廉方正
縣人欲以膺選曰廉方正猶可勉至於孝自反能無愧乎辭不就
年五十四卒弟呈祥字奎銘優附生以能文爲知縣衛鶴鳴所器

萬載縣志

卷十之二

人物 列傳二

六六

重輿兄華最相得出必隨行

楊羅峯原名錦字岫和號皆山角卅聰穎弱冠補弟子員以增生
登道光壬辰賢書性豪爽倡建六區龍洲書院及倡捐龍河書院
膏火東修縣城傾圮督修西北隅咸豐二年就館萍鄉適瀏匪竄
擾督壯丁分路堵勦因保舉教職銓選恭和縣教諭十一年粵匪
踞新昌督率練勇克復鄰城加國子監學正銜恭和學校廢以清
俸修復之時進士人倣經義治事課法不數年科甲蔚興八十餘
歲卒櫬發有淚下者

郭如衡字位南號此山名噪塲屋數奇不偶援例入貢常助田數
百畝於至聖誕辰行釋奠禮學使孫記之又憫貧無以塋者倡立

義山捐助育嬰卒年八十三子殿魁副貢用中附貢生

劉廷棟字正柏號培谷例貢生持重有識父時耕鍾愛之甫受室委以家政食指浩繁而內外帖然父沒喪葬如禮理家數十年毫無私積最加禮師儒寒暑投贈稱貸無吝色邑公事恒樂輸書法宗顏清臣經史子集及願體集諸書每於父與賓客講論時潛心體會先是時耕與辛少宰從益立有啟元書院獨擇棟經理其事俎豆莘莘卒成先志少宰序時耕家傳墓誌以燕山五桂日之年七十舉人辛辰雲廩生張若敬進士盧昆鑾作壽文旋卒儒學訓導盧猷作墓誌子文瀾恩貢生

盧及芝字魁蘭一字和生號商山道光丁酉舉於鄉爲文矩獲先

萬載縣志

卷十之一

人物 列傳二

六七

民性廉介非公不入公門人笑爲迂不顧也家貧授徒多所造就常主講龍河龍雲書院及郭氏義塾倡修六區龍洲書院纂修盧氏族譜俱以廉能稱大排教諭未任卒

劉文毅字麒孫號瑞生時耕孫廷杰子道光戊子舉於鄉豪邁有才幹義豐倉倡首勸捐分修縣城邀同志力任東北門數百丈修府學邑中專請任其事樂類堂邑乘奎文閣義山袁郡先代祠無不經理總歸有成爲人修偉長髯遇事鏡燭犀剖雖性近揮霍毫無侵漁大挑二等署永甯縣教諭授崇仁縣訓導因艱解組旋卒年七十

胥寶賢字秀發號楚翹幼喪父理家政井井有條弟三人教讀婚

配俱底成立弱冠補弟子員試輒高等疊膺薦晚得恩貢家稍裕歲荒減價平糶難民過境常倡募賑之三四十金不吝力課其子常曰光大門第惟賴詩書卒年七十二子澄由府案入郡庠醴茗邑廩生

楊運昌字鳳宗二十三都岐陽人大學生性孝友幼失怙母目疾禱於神不茹葷者三秋日復明人以爲孝感建節孝坊悉身任之不責兄弟性喜施與課子孫必延名宿重道尊師長子承俊困小試業岐黃多所全活貧者至贈以藥資孫澍亡未武舉輝郡庠生孫獻邑庠生

辛基泰字新科大學生性渾厚和平樂施與鄉里稱貸不能償不

萬載縣志

卷十之二

人物 列傳二

六八

索也貧無以葬者輒施棺同治四年叛勇竄萬所居距城數里賊搜劫民家有數賊入其舍索金帛泰拒之賊劫以及大罵之賊怒縛之罵益厲至死不絕口時年八十有二子春慶見父被殺抱父哀痛賊並殺之孫綉麟武舉

盧昆鑾號翰坡弱冠成進士歷知浙江臨安石門鹽城平湖等縣以賢能保送入覲升授廣西明江同知浙撫奏留修海塘功竣赴粵憂歸服闋洊升泗城府知府調桂林府所到之處凡有關於民者知無不爲爲無不力不避難不趨利不事逢迎殆不爲其巧而爲其拙者歟

周樹贊字田孫號育人世居萬載鄉之黃茅承義門家風生而樸

茂內慧稍長父命服田及同胞兄樹楷補弟子員乃輟耕而讀旌入郡庠舉優行補增生道光癸卯領鄉薦六上春官乙巳會試呈薦不第癸丑大挑一等以知縣分湖北便道回家病卒子澤春孫廷玉均文庠

陳盛森自幼喜聞忠孝事長習醫母疽發背時以口吮潰處傅之藥乃漸愈父咯血瀕危衣不解帶者兩寒燠聞楚有神甚靈往祈路遇人授二丸父疾頓瘳嗣待父奔母族喪返值大雨父驚眩墜溪則躍入挽之起終以濡溼成蠱有言雄雉和葭餌之當已越日雉飛來獲之父病以瘳壽八十卒既葬廬墓以毀後祀忠義孝弟祠

萬載縣志

卷十之二

人物 列傳二

一八九

盧爾恭國子生幼讀即知問孝父母疾終夜不寢同懷五人恭居長相友愛有私金任用不吝堂弟必顯好學苦無資屢遣從師脩金及館費悉任之子鰲連飛均郡庠

盧周南號麥舟能文及書與詞曲見堂兄武舉道南訓徒遂兼應武試入邑庠既而遊其門者四人試輒取進三人七人試輒取進六人縣府道冠軍者屢鄉會中式者十餘人樂平殿元汪年姪也京邸同寓以射每天鵠求教爲指示遂無虛發得殿元沒後大小試咸祀奉之子光魁武舉技勇與汪伯仲卒於京昆杖丙俱遊庠辛有猷字旺年號克齋父家政貧以醫名多隱德猷兄弟三人其伯家源課之學閉戶潛修苦心孤詣弱冠應郡試二覆經題爲發

磬祝敵猷博引經義灑灑洋洋郡守奇之拔冠軍遊庠肄業豫章書院名噪一時其爲學宏覽約收杯酒談文舉諸經疑義橫及子史上下數千年嘗示人以讀書之要熟復後掩卷默誦涵泳數四則所得多而不忘辛卯舉於鄉詩文俱粹人爭傳誦會試屢薦留京數載無不知有辛克齋者邑舉人某某先後卒京師病親湯藥毀親殮襲或乏貲滯都門輒解囊倡贖枯家孝友所得館穀分潤仲弟充咸安宮官學漢教習需次教諭未任卒於同年樂明府署著有經解古文待梓子天培舉人再午副貢生

郭沛霖字潤桂號雨蒼例貢生爲人渾厚和平歲饑減價平糶貧不能娶者出金助之喜讀書人專以經史課孫子晚年家漸落延

萬載縣志

卷十之二

人物 列傳二

七十

師典質以供脩脯年七十三歲親見五世同堂孫柄楠弱冠補弟子員爲知縣崔登鼇所器鄉試屢薦

周其修字成獻號勉齋父學吉積學未售年少喪偶遺二子白撫育誓不續絃人咸義之其修其長子也年將冠幾以貧廢學旋遊庠文名大噪學使李芝齡歲試奇之舉拔萃科旋中順天鄉試詩文俱粹會試薦未售以大挑一等分發福建署德化縣事齋厨索然清苦如食貧時教士愛民靜以治之時修父就養猶布衣也欲爲援例入國子學苦無貲潛商幕友貸白金使人抵省將發父知之力辭恐其累也卒亦不能強修負才而不獲大展士論惜之詩古文詞不自收拾拔貢時書福賦典贍可誦

廖斯雲六區人父奕昌以勤儉起家性好施與乞者至率給以升米比卒猶積有白金三千餘兩斯雲厚重木訥父沒子立寡兄弟無賴子窺其富且弱也佯稱假實給去否則竟橫脅稍不厭百計構陷斯雲不計較率多與之以故積金盡更舉債焉山居土產惟藉竹碓紙爲生竹之重與禾麥同鄉禁暴嚴有竊者罰或鳴官斯雲性寬邏察素弛一日其子往山見刊竹徧地竊者遠颺歸告父命僮往取斯雲曰渠旣費力任昇去可也何取爲其量如此生平未受書顧特重士同里馮豫福初不相識歲暮窘甚偕其鄰藍某來丐貸問需若干曰五六串足矣如數與之馮要期還笑曰君讀書人寥寥者何足道竟不責償後其孫連城十歲從馮受書馮曰

萬載縣志

卷十之二

人物 列傳二

七一

勉之乃祖德厚食報將在汝也連城以同治元年舉於鄉

宋仕豪字倫廷號文苑父維新正直多幹畧遇公事不辭勞瘁仕豪賦質敦龐宅心仁恕居家孝友推誠交友畀以重金不過問卒無負者邑有義舉如考棚義倉賑濟城工奎星閣諸要務或獨力或倡首皆慷慨無少吝白粵匪竄亂前後捐餉十數萬其他義行不勝枚舉常自言曰賊能平便是福寥寥者何必較晚年手格言一編訓誡後嗣他人是非長短緘口勿言芒鞋竹杖徜徉花徑晏如也年八十二旌表五世同堂子鏞階明炎曾孫煥奎體乾有傳宋麟書字吉慶號玉庭恩貢生家貧嗜學爲文根柢經史工書法屢試高等從游者多所成就守正不阿邑公事恒倚爲重爲族長

以嚴正稱年七十九著有文集待梓

顏鳳儀字禎祥號韶九能詩文及書法未冠遊庠登丙午賢書家貧母老諸弟不能營生仰事俯畜修脯是賴有餘卽爲諸弟完娶教讀二十餘年不私一錢比卒無以爲葬鄉黨宗族高其行誼

黃星堂字夢詡號垣三幼繼胞叔事寡母得其歡心於木生盡孝友道光己酉舉於鄉兩赴春闈絕意進取流覽經史子集考究古今利弊恂恂謹節未嘗以才智先人所著有垣三文稿子屏周末冠遊庠

劉如松六區上坪監生辦團練屢敗賊屹然爲一方保障咸豐十一年奉札隨優貢廖連城進勦新昌克復城池餉缺罄其產以償

萬載縣志

卷十之二

人物 列傳二

七二

以勞卒於軍在事皆邀獎叙松獨殺賊殞身卹典不及邑人哀之賴炳熹字復廉號曉山性剛遇不平輒怒直而後已不屑爲時文而沉浸經史鄉薦者再鬱鬱不得志年四十得羸疾艱於步咸豐六年官軍勦賊於其里扶杖往迎欲條陳時事路遇賊爲所戕士論惜之祀省昭忠祠

郭文煥字貴珍監生常曰人生不忠良至死爲下鬼經理公項及家祠皆謹持管鑰年五十餘蒞以課孫子爲務手植蘭數種倦則灌漑以適情有姪中寤分金與之于徽典廩生敷典濟南俱文庠辛景榮字萬慶號葆真邑附生爲人循循雅飭接管邑安泰倉遺穀無幾增千餘石且置產管理龍河書院謹管鑰慎出入眾論翕

然家不豐而喜急人急居家孝友兄弟異母而處以大義俾各毋忘先德恒欲聯族誼修家乘而艱於取資卒年四十餘

郭師弼字欣逢附貢生性軒爽邑重建學宮其父已捐貲外復墊用數百金不責償友有緩急雖多不吝管理學宮事百孔千瘡振興塾補常與其族曉堂森林子俊玉書蔚然炳奎並弟師恭携酒談文上下千年動中肯綮忽以勞疾卒人惜之

謝燬傳字廷樹號雲峯一都四裔人中咸豐元年武舉六年辦大審口團十一年與武舉張弼臣帶保安營禦賊羅城獲勝五月偕舉人廖連城克復新昌麻田之戰連城先進遇賊兵無後繼燬傳獨率勇趨進助勦斂功保升守備

萬載縣志

卷十之二

人物 列傳二

七三

曹啟瑞五區十七都一畝裏源人賦質英勇矢志從戎隨左宗棠轉戰數省累功保遊擊同治六年陝甘勦賊首先陷陣鏖戰至日中中礮卒奏請從優議卹贈叅將銜給卹銀五百兩並給雲騎尉世職襲次完時給恩騎尉世襲罔替

辛學乾號健齋西都一畝人咸豐壬子舉於鄉髮逆踞萬潛謀引官軍入援復郡邑城勦籌餉糈殫心瘁力性謙和而抗直有胆氣臨大節而見危致命志業未竟士論惜之子懷之文庠孫際唐舉人考取內閣中書轉主事際周舉人大學畢業獎中書科中書韓觀字久誠號介候弱冠補弟子員房薦十次堂備者四登道光癸卯賢書主試爲張文毅公帶下郡守牒有韓觀余門下士也品

學兼優素所傾慕之語平生沉靜寡言耄而好學爲文力追先正從遊者多騰達新建夏太史嘗贊文門下年幾七十省垣黃某猶以重聘主講以母老力辭母年近百齡奉養最得歡心孝友無間手訂百餘篇制藝將付梓疾革猶囑其姪卒年七十餘

彭光燦字榮蓀號絢莊以道光己酉武舉隨撫標得靖安把總燦固貧需次垂一紀親族赴省闈必豐腆延寓盡歡乃已重然諾喜與文人遊談經史畧曉大意靖安小邑日練所部卒隱然重鎮同治辛未年十二月齋匪嘯聚夜半突入城縣令潛逃燦與麾下廿餘人及次子三子鏖戰至五更以眾寡不敵身被十餘鎗猶握刀作拒賊狀火乃仆時年四十餘與其次子三子俱死平明賊潰散

萬載縣志

卷十之二

人物 列傳二

七四

而一家殉難中丞上其事待恤

彭士模字球孫號儀齋中道光辛卯舉人詩梓闈墨族修譜牒六區創龍洲書院邑中增置龍河膏火及修城垣皆力爲倡助掌教龍河及龍洲造士有法卒年六十有奇子星煥邑附生

謝天南字聖恩號箕垣三歲而孤事母以孝聞由議敘分發浙江先用府經歷加州同銜杭嘉湖道劉笏堂以讀書有得諳練老成器重之懋奉差委署桐廬縣丞事悉就埋尋丁艱去哀毀成疾卒年六十子學貞邑庠生

胡芳梅字石峯三區後槎人幼卽亢爽有膽氣咸豐六年赴湖南巡撫駱秉章營由什長授六品軍功同治元年拔補外委四年以

游擊補用並賞換花翎五年加叅將銜七年被民團戕害奏請照陣亡例議恤給銀五百兩給雲騎尉世職襲次完時給恩騎尉世襲罔替嗣子克勛襲

郭治秩號攸叙監生家貧勤儉漸臻饒裕邑中義舉量力捐輸倡修四都回龍橋契管木箕江象形山與支祖維衡墳山連捐助入祠爲同支窀穸事親以孝是非無假借鄉鄰有鬥勸處立解延帥訓課諸孫不惜脩脯孫備咸豐己未舉人

王光新字士高六區例貢生富而好施設貴平難待佃尤厚歲歉輒免租嘗率其弟光命脩富山石橋糜白金萬有奇復修潭前灣石橋及橋前後路三十里悉甃以石糜白金二千有奇

萬載縣志

卷十之二

人物 列傳二

七五

湯佐臣三區李家坊監生家賞頗裕負氣不以威屈嘉慶中年赴縣稅契完糧吏胥勒收陋規不與口角激而具控苦無實據徐以計獲得印白簿疊控於司於撫督始羈省寓旣被看管復以計得脫奔叩於鄴察院奏明訊辦丁胥分別定擬知縣革職夫以一人之才力不惜身家挾破內外蟠結之積弊卽上官亦無能左袒其屬員使無時而無不有此人則凡藉官爲奸利敢於違章巧取剝奪民財者罔不具有戒心嗚呼此實二三十年不經見之事其亦幸而遇朝政清明時矣後有名爲恭者佐臣仲兄子能繼先志生有俠氣而不肯力於學其所經營規模展擴務爲子孫長久計故里輪奐爲近村冠復於宜萍交界之分界埽獨闢村莊綿亘十餘

里常以匹馬往來數小時能馳二百里以爲常田畝所在開闢溝澮挑濬池塘以厚蓄洩之利山地植茶油樹芟除雜草木整齊熨貼望而知爲湯某之莊僱工百人年紀相若裝束相若茶油上市則以百人運油至袁出售匹馬督其後肩空而返人各肉半斤復督之回趨走徐疾雖部伍不是過也偶有土田溝界之爭出寸不撓遇謙而能讓者則又未嘗不果於退步也宜春縣曾聞其名密訪之幾致衝突旋知爲曾公加敬焉願助袁城試館修一雨亭應試者均利賴之若得一善駕馭者教以折衝禦侮之資非常人也太平事起而爲恭已老矣惜哉又其後輩有附生名其森者於鄉族公益侃侃持止不爲苟同維持龍岡義倉及地方公益前後將

萬載縣志

卷十之二

人物 列傳二

七六

五十年年八十四例當重遊泮水未幾卒新編合傳

湯肇熙字慶巨號紹卿總角能文龍岡書院開館課士知縣崔登鼈親臨甄別甚器重之旋補弟子員年十六登賢書屢上春官以大挑一等分發直隸定例舉人以知縣分省用者未曾著事准予會試於同治癸亥成進士分吏部四川司兼山東司主事改選浙江開化縣知縣丁艱服闋署錢唐縣知縣補平陽縣知縣親老告歸優游林下者十數年在官爲盛世良吏居家存先正典刑所著詩文亂後散失駢體有孫衣言序聯語尤膾炙人口惟出山草譜懷瞻堂試帖早經刊行流布鄉邑讀是書者可以知其爲學從政之大畧矣厥弟五人廁身庠序惟元熙咸熙爲時推重迄今鄉人

尤稱道弗置也以下新編

辛孚德字良士號懋齋年二十補弟子員歲科再試第一同治甲子優貢本科舉人戊辰成進士刑部廣東司主事熱河理刑司缺例由刑部揀選欽派到任縷析條分相國額勒和布嘉其勤能值圍場所有囚誣服待決審悉其冤平反之承德灤陽二書院悉心主講羣荷陶成政學之暇熟諳醫理都統公崇綺頭痛欲裂應手而愈清俸所入兼助弟兄病亟於枕上賦幻景離奇之句所著詩文散失子景舒舉人由光祿寺署正改外任陝西隴州知州景熙優廩生

賴煥辰原名炳垣號子奎聰敏好學癸酉舉人聯捷成進士以卽

萬載縣志

卷十之二

人物 列傳二

七七

用知縣分廣東丙子充鄉試同考官戊寅補遂溪縣知縣政績粲然教士爲先振興義塾增膏火額先是縣人入學者具束修爲立小賓興垂永例推所得廉俸分潤羣季御僕從加體卹無刻求愛民從可推矣壬午而後迭應南軒韓山兩義塾聘並總纂潮州府志後乃就養於長子玉森陽山縣淇潭分司署年六十九卒

廖連城號荆山幼穎悟少長孝謹初以優貢入京師歸而課士於高魁書院士林矜式咸豐初年金陵建太平天國分軍四出江西郡縣多不守適彭壽頤亦自京回相與倡辦團練某富倚某紳以分團爲阻撓計知縣左袒之壽頤初與縣訐旣忤於大吏滯留南昌六年回縣復與起忠義軍三戰復上高進駐界埠值大股來援

幾濱於危餉缺而軍亦罷八年大吏重理舊獄壽頤已以積勞故承審員迎合上官意將以重誣死者先是與連共事曾就質供明至是示意使易前語堅執如初可云死生不肯負矣既又辦團復新昌論功以知縣用同治元年鄉試中式五策知名洎五六年以消弭教匪及殲除瀏匪功賞藍翎加同知銜選授湖南新化縣知縣潔己愛民案無留牘蒞官一載頑梗革回盜息民安卒於任無餘蓄賴寅好調劑得歸其喪綜厥生平留心經世學同治十二年曾以海防策上兩江制府後呈遞條件均奉旨咨行議奏素與同縣彭壽頤義甯陳寶箴相友善可以想見其人矣

辛斌字子兼幼穎悟日誦數千言下筆驚人以縣案首入泮豫章

萬載縣志

卷十之二

人物 列傳二

七八

決科第一旋領解首十四藝進呈御覽大挑一等任四川南溪縣知縣革淘金病民及傳呈積弊歲裁陋規千數百金民咸頌之而宦橐蕭然晚以目疾改授新喻縣教諭卒於任冠榜才名歸冷署論者惜之而不以介意也著有爨餘詩草曾倡捐安泰倉子天培有傳再午副貢

辛有功字敏士幼讀日不二百字弱冠入泮旋補廩生兄斌中副車薦不售兄以第一人舉乃中副車再中例不錄凡九薦中第六名舉人榜未發先卒性孝友父得脫肛疾曾入許學使乃普幕歷廣南饒九地卑溼疾作歸至於矢遺牀幕親滌之

辛有守字丁年號任農有猷弟幼穎異年十四臨場學賦及試以

采菽賦命題率不解菽爲何物起卽原題云菽王芻草也拔取冠軍以第一人入泮由廩生中道光戊子舉人馮譽驥督學楚北延入幕總校大挑二等署星子縣訓導瀘溪縣訓導未任卒
龍炳字興道號庚森道光辛卯主司批其首藝其布局則嶺斷雲連其用意則山重水複尤妙在挾左氏之旨而擷其腴嗣因二三場草率抑置副車闈墨旣出風行一時鄉會試倣其格調而獲雋者不一其人時稱爲龍炳調

龍寶號觀堂十三都三畝人才氣不羈而以歲貢老工書法得米襄陽之遺至今有一橫直幅與一聯者爭寶藏之

新編

宋炎號子明世富於貲不染紛華壹意嚮學舉於鄉爭頌其文他

萬載縣志

卷十之一

人物 列傳二

七九

富家子所不及屢上春官贄見受知師人五十金然淡於榮名不肯以貲進僅加一員外郎銜而已生平無濫交尤能加意貧寒冬喜御絮袍絁裏而布表一年一新曰此爲輕煖適體非祭祀賓客不慣衣裘冬時每購寒衣數十百事夜靜以與坊廂之凍卧者不令知其所從來教家有法其女率適士族雖處寒儉均能以婦職自守上下五六十年間縣人之稱富家者所罕觀無驕而好禮庶幾近之嘗獨力修學宮費六七千金他善行率類此蓋能繼先世之志焉

郭賡字號子鈞年未三十舉於鄉旋入貲分刑部額外主事意欲多識知名士冀開風氣之先六上春官始以二甲進士得庶吉士

散館改戶部主事既補禮部精膳司主事俸滿以直隸州知州分
湖南屢辦釐差歷署桂陽澧靖三直隸州知州既過府班旌過道
班留省補用宣統紀元充江西諮議局副議長生平愛名而淡利
雅不欲厚自封殖雖值膏腴之地悉審所宜而分用之民國縣城
迭陷劫掠及馬步中多湘人輒曰此病官家不得擅入其室故別
處騷擾一門獨免孰謂廉吏不可爲哉

丁先庚號中甫由附生中同治壬戌恩科並補咸豐辛酉正科舉
人安貧守分悉心教育晚年歷充龍岡書院監院維持株潭義倉
自後司出納潔己奉公者垂三十餘年田產日增儲蓄日裕蓋不
勝今昔之感矣

萬載縣志

卷十之二

人物 列傳二

八十

潘紹華號祝三梓材子能世其家學教讀而外公私是非一無所
關涉老而益貧窮且益堅洵不愧於孝廉矣

湯祖蔭號槐秋薦馨孫家世清貧未冠卽以拔徒爲業生平篤信
陰騭若常恂謹有祖風中光緒辛卯舉人大挑二等選鄱陽縣學
教諭未任卒

論曰上下四五十年間縣中舉人之貧而實能安貧者其家不
足以自給而又不肯苟取得三人焉丁年踰八十鄉人具有尊
賢尙齒之心一身尙不困乏潘年逾七十境况日艱而安之若
素湯以大挑二等得教官既選實缺部文到而人已作古年六
十矣夫士之所貴曰品曰學品不足矜式而論文藝末矣吾聞

鄉先輩類能安貧舉人率多貧士就所灼見者表而出之讀聖賢書家法如此閱者其以是言爲過焉否耶

胥寅亮號硯農少穎異長益肆力於文學有符識沈潛而入於理講藝衡文裁成後進不少假借始或疑其未盡積之久而知其說之無以易不勝既往之思索性靜定如其爲文以進士選得直隸順義縣知縣其地距京一日程滿漢雜居夙稱難治顧其於治官事一如治學類非俗吏之所爲而民咸安之旋以下內艱去扶老攜幼道送者不絕於途宦橐蕭然卒於京師之宜分萬會館子道亨道舟均郡案首道亨畢業於日本高等警務科孫光懌南昌市警務科科員

萬載縣志

卷十之一

人物 列傳二

八一

龍發機字錦標號石溪田恩貢中光緒乙亥舉人年已六十自少潛心經術屢試不售益肆力於詩古文辭教授鄉里成就後學兼研深醫理全活者眾知縣朱升疴疾幾殆投數劑霍然贈以名儒名醫額

劉樹謀字貽曾號翼堂由優廩生中光緒丙子舉人考取官學教習己丑大挑一等分河南試用知縣著鄧州知州泌陽縣知縣和平渾厚書生本色主講龍岡書院決某之必入學羣以爲衡鑒不爽云

葉舟號沅秋歲貢生素行敦樸喜爲詩有所得寓之吟詠門臨溪水綠柳青莎之岸斜照一竿翛然意遠遺命題墓曰青山綠水之

墓可以想見其人子南英以附生考職出身得分省巡檢
高蓉暉號曰初思訓子年逾四十以一等一名補廩生乃援例貢
成均晚年無事危坐終日手不釋卷從未見其疾言遽色經理地
方公益一介不輕取與株潭義倉育嬰諸舉提倡經營整頓之力
居多故能日有起色識與不識無不仰慕之至於今未已子玉森
有傳玉槐廩生玉松優附生江西諮議局議員係鄉里所公推經
管公益能繼父志醫理有特識每察脉決人生死玉楷優附生文
筆清雋曾考一等一名以發落不到例降三等某科鄉試值內艱
代人捉刀一擊而中自後廢科舉矣
辛際午原名錫洪號會垣一號子範樹仁子弱冠入郡庠以古文

萬載縣志

卷十之二

人物 列傳二

八二

名山廩生中同治庚午舉人光緒庚辰大挑二等署贛州府學教
授兼理訓導旋有程某選授到任遽卒將兼理應得之資概予之
復集同僚致賻程子始得扶柩歸所學該經史及諸子百家星卜
尤精岐黃術活人多城廂各義舉率賴其力調護保全其為人嚴
毅威肅守正不阿足爲後輩矜式子銘恭有傳

辛天培號至堂有猷子幼日讀千餘言四年周五經母得氣疾左
右湯藥甘旨必供由附生中光緒乙亥舉人浙江巡撫萬篋軒善
其文延之課子姪庚辰選授樂安縣訓導在任候選知縣兼主講
尚義齋溪雨書院成材者眾

湯戍三原名杏林字煥南號春甫潛心問學不染俗氛由廩生中

光緒壬午第六名舉人日習大卷銳意進取著有周禮駢言屢主
瀏陽洞溪書院講席再上春官薦而不售於三區教養諸善舉加
意維持人情景附子兆英兆文兆庠孫克剛克明均在庠克剛北
大畢業法學士南城司法官南昌律師

龍友松字益三應飛子沈靜寡言笑於鄉黨恂恂如也文品清高
深穩能詞章不徒以制藝見由增生中光緒乙酉第五名舉人甲
辰大挑一等籤分貴州署理畢節縣知縣地屬衝繁率以樸厚應
之歸時清風雨袖積久乃得成行是真能淡泊自甘不失書生本
色者生平所爲文辭散見於各姓族譜者亦屬無多駢體詩賦音
節和藹自然成章其需次時寄輓誥贈朝議大夫總服兄池翰聯

萬載縣志

卷十之二

人物 列傳二

八三

平生常白適文時讀史武時談兵更飲酒學書天與消閒年七十
噩耗忍遙聞歛不憑棺窆不臨穴奈黔山印水客中睽隔路三千
情真語實文氣渾然進士賡言嘗師事之裁成不少

鄒秉鈞號琴堂三區楊塘人性廉介宅心忠厚惻惻無華學務根
抵爲文不屑屑於帖括庸套學使單地山吳棻瑜並器重之邑中
髦士多受裁成閱閱家授館動經三五年洵足推濁世師表外翰
宋君煥奎由英年拔萃得躋曹司其最著者也食餽廩數十年屢
列高等而躡於棘闈以歲貢終士論爲之惋惜子懌賢有聲膠庠
以牖廸後進爲務可謂能席父業者

宋煥奎字璧臣一字佩蘅以拔貢生中第六名舉人科舉停罷考

保送舉貢會考得主事分度支部其爲人恂恂儒雅守家世純厚之風旣入民國不能苟同又不敢獨異屢長龍河中校於造就人材三致意焉變亂環生抑鬱無聊其韜晦有爲人所不可知者著有忍冬詩草一册因亂散失

朱體乾號健生以拔貢入貲爲內閣中書改同知分雲南補授永北直隸廳同知事不願外克守其職國變還鄉淡然於名利之外修同善之業足不入城市人罕得見其面蓋晚年進德爲多矣高玉森號昆巖幼警敏十歲學爲文卽清新拔俗應龍岡書院堂課山長辛際午亟賞之有歐陽某生呈文講坐誨之曰若不解文盡問此子羣輩注目聲名太噪未冠入學旋一等補廩生自後輒

萬載縣志

卷十之二

人物 列傳二

八四

教學以資俯仰而所學益遠光緒乙酉中副車時年二十五愈究心於有用之學經史而外旁及百家輿天文輿地並西洋理化諸書尤精於算術曾無師授深思而得之名聞遠近而試輒不售瀏陽文化書院延主講席董事劉某以新學自喜問知算學否曰稍習嗾生徒取代數之最者故亂一二僞爲請益以難之旣正其謬別以簡捷法易其式之繁複者乃大驚服主講龍岡書院向例由長聘外縣進士舉人時以其積學能文破除習見及院試闔縣童生取古九人及門者八宜春盧元弼易孫詠孫謀羅城楊子光輩率皆先後來學清季曾以州判分湖南民初充龍河中學校長省視學吳樹楠聽其講物理還報教廳曰高校長講物理說理清析

指示詳明在校五年成就者多以疾辭歸談新舊學者不免難乎
爲繼之歎

辛銘恭原名師甲號鼎三際午子讀書行已守家法弱冠入郡學
旋補廩生鄉試四次呈薦宣統己酉併科優貢赴朝考未及試卒
於京師生平不理公歛不入公門義之所在如某縣任內庇胥吏
浮收愬於上得請而後已九江萬載會館太平亂後幾同私業卒
使還爲公有城河煤渣壅遏籌款以疏附郭義山暴露撥款以培
並以其餘設庇寒所皆其提倡之力也子象恒廩貢生壽恒畢業
高等農科充省會農會長全國善後會代表

龍行言字遇樵情深摯古峭不值相知終日默然文氣沉著厚重

萬載縣志

卷十之二

人物 列傳二

八五

不肯作一淺語縣府試十數次未一招覆龍學使湛霖科試以古
文取第一卽以第一人入泮咨送經訓書院肄業是科呈薦吳學
使士鑑以考據取第一復以一等一名補廩生光緒癸卯科舉人
會試呈薦由中書科中書銜改內閣中書供職不一年假歸喜讀
漢書其散文直入作者之室復以先塋未妥究心堪輿登山臨水
幾無虛日於地理辨正逐加推勘能發人所未發常以爲只此可
刊行問世餘不足惜奇門遁甲諸書人所莫解獨能開其奧祕迭
有批評遭亂散失亦憾事也子蟄原名沐光北大畢業文學士行
言弟箴言字靖臣聰穎過人初授句讀喜索解總角能文善書龍
岡課士輒第一人初以爲學內捉刀及詢悉其人謂童生中已有

命中者年十八以府案首入泮旋試一等補廩生其文列入試牘未幾卒鄉先達郭賡平於戚家見所書金漆誥命稱其舉重若輕得未曾有不勝惋惜書時以夜在手執燭右手握管一氣呵成行言弟鶴言號雲松喜讀史書不耐制藝取古第一不入學其文爲人傳誦監生鄉試呈薦再取古入學凡鄉試無不呈薦旋廢科舉充龍河中學校舍監規則嚴肅不少假借而與學生甚融洽校長高玉森甚倚之其造就爲歷年所未有列前茅者一一到京考取升學充洙潭商會長建房屋規模宏敞爲鄉邑所僅見籌款達萬元兼買田租絲毫不苟充旅袁同鄉會長籌款購置同鄉會房屋充袁州商會長值多事之秋措置裕如蓋具奉公潔已才力又足

萬載縣志

卷十之二

人物 列傳二

八六

以濟之也子沐仁北大畢業文學士沐民幼慧髫齡能文與詩書畫年十七卒

戴濟邦號經軒歲貢生行文有逸氣讀書所見不隨流俗考取普通文官不免窮愁以終所著大山書說可以見其一斑矣

盧超羣字逸園邯附生城北觀溪人資稟誠厚讀書重宋儒性理之學家酷貧而臨財不苟一日拾遺於途候其人而還之曰若不謹遺此多金假以他人見之將如何其人感激涕淚謝以半不受時論賢之

龍旂光號訥安從路下湯咸熙遊文氣磅礴議論警動如其爲人伸於歲科試而詘於鄉闈及改策論不啻無意而獲之一上春官

科舉遂罷既以鹽大使分浙國變遣歸維持鄉邑之心蓋老而不懈也

龍沐棠字蔭桐賡言子幼有夙慧五歲授詩經讀一字識一字讀畢任舉何字悉數以對疾手書空一一認識投論語未讀之書啟口成誦年十二入北京豫章中學既考入北大豫科取第一屆高等文官分教育部社會司候補僉事北大畢業法學士充北京晚報總編輯握一時言論機關外埠通訊尤膾炙人口其敘釁造選民冊急遽之狀曰江一江二江七江入王一王二王七王入日卜一卜二卜七卜八丁一丁二丁七丁八見者無不捧腹當日知名士如鎮江汪鳳瀛江甯鄧邦述桐城光雲錦輩亟稱之年未三十

萬載縣志

卷十之一

人物 列傳二

八七

而卒子旭光上海暨南大學外文系文學士

龍澍霖字湛深石塘人家世純樸至澍霖始淬勵於學畢業於北京大學第二屆理學士考取第二屆普通文官性沉潛篤實而研深數理間病神經己巳庚午之亂其父逸出澍霖以病陷匪區石塘左近均以其父子爲好人故處之火而亦無事已而病愈其父隨團隊入促使行行至獲富左近之仙人掌有數匪持槍出妹被多傷而澍霖以傷重畢命冤哉夫仙人掌距石塘不十里尙屬近隣然則此持槍者乘間而出即仙人掌人耶抑非仙人掌人耶當時打倒土豪劣紳之語遍滿村落凡爲正紳及稍有資產者罔不盡室以行其不行者或懸繫家貲妄冀出錢以免禍或別有所恃

而不恐平之恃財者人財兩空而別有所恃者晏然無恙或謂其時別有遠近溝通之人然歟否歟

辛際唐字述祖其祖則學乾也蒙不白之譁居莫復之仇心迹可明於鬼神而無以昭於案牘枉屈可諒於賢哲而無所徵於說辭蓋至是則惟有子之重也此南昌魏元曠之論也際唐之父亦可謂能幹其蠱矣而際唐兄弟聰秀能大其業光緒壬寅補行庚子際唐舉於鄉甲辰攷取內閣中書竣業法律學校由內閣改郵傳部主事國變南還民元選爲第一屆國會眾議院議員乙卯彼迫解散歸而修辛氏幼房族譜遇事明幹果斷縣中諸要公競欲得一言以定從違歷長龍河中學分校縣商會地方財政公所以取

萬載縣志

卷十之二

人物 列傳二

八八

締花票一洗數十年積弊整頓地方公歎應付過境大軍數事至今猶嘖嘖人口宿病略血不肯少休日思有以利益桑梓而慷慨急人之意民國捐募繁多慣攤之富民而主其事者輒自免曰是何以率眾而服人心援筆自著富民第一輪最多數人心翕然事亦以此易集其弟際周微咄曰富民不易居腹培者將以我家爲的矣則笑曰願世世子孫常受腹無深慮也然喜面折人非不能少容雖親且貴不避緣此頗招怨忌其在國會也出語謬謬驚大庭於黨中同事獨以德行推張溥泉他眇當意者曹氏賄選同輩中有爲利餌而貶節者怒詬之至絕交粵中護法者疊以函電招以疾時作不任跋涉然意常快快會張宗昌據宜春欲叛遣部下

楊某索數萬金且宣言於眾曰是區區者向辛述祖索取便得眾
勸暫避不聽於廣座面詰楊曰若爲國軍乎匪軍乎匪軍則擄掠
唯所欲既爲國軍乃欲劫人貲耶若劫我富者走無所矣若之慾
亦終莫得逞楊愕然慙且氣沮卒以善言貸數千金去當時聞者
懼其以抗激賈禍莫不色變古稱無慾之剛殆庶幾乎旣勞劇疾
亟因稍稍習靜坐術不效然於生死之故漸以了然臨卒數旬前
斥家人兒女輩勿近日緣盡矣辛氏爲萬載巨族世有達人凡百
興作視其意嚮以爲左右者百數十年而事亦鮮不成蓋先輩公
德之心多而私情少也於戲每不勝長慮却顧之思矣
謝大舒號暢軒幼聰穎補弟子員還鄉下輿折道旁花以戲旁觀

萬載縣志

卷十之二

人物 列傳二

八九

嘖嘖稱羨道光庚子舉於鄉春官屢薦不售主講義寧奎光劉邑
文華兩書院多知名士咸豐中葉東南喪亂萬載亦幾非清有知
縣李吉言率數十人歲暮到黃茅大舒招入改江族人家與辛辰
雲曹瑞祥等籌畫圖恢復辰雲以世家子走湖南乞師於巡撫駱
秉章駱遣道憲劉長佑同知蕭啟江帥師赴援蕭統數營由黃茅
進大舒入參戎幕羽檄紛馳揮毫立就一日偶出某代倉卒不能
成促速返會臨江垂克以親老歸省辭蕭固留之不能得時蕭威
望日隆奉令督師入川特駐寶慶復遣使聘大舒來排隊歡迎數
里旣蕭公以疾卒于軍轉入川督幕督軍崇樸山待以賓師之禮
一日警報入近郊督軍與籌議但云備器械詰內奸烏合之眾必

不敢來若閉城是示之弱也崇督甚躓之復以親老辭歸崇督贈詩云洗盡書生氣堪爲柱石臣鎬鈐隨處有肝膽向人真恨我方求友偏枯欲省親江干多戰壘珍重濟時身其相知愛如此適左宗棠督閩浙奏令前往仍以親老辭堅不允至則委署台州海防同知復調浦城已丁外艱服闋左公再奏入西征幕以知州權守慶陽時敗瓦頽垣蓬蒿滿目亟爲招集流亡開墾通商且以其暇修公廨建書院築城堡旋調寧夏濬渠立學裁革陋規時督軍禁種鴉片急寧夏有老人泣留半畝許者因而中傷之復乞歸養倡建正誼書院左觀光閣右藏書樓移家藏書經史子集具備貯之於樓藉資後輩瀏覽後人因名其樓曰懷謝樓易觀光閣爲臨風

萬載縣志

卷十之二

人物 列傳二

九十

閣以志不忘曾譚鍾麟督陝甘重赴隴命總樞甘南釐局且附片奏謂其前守慶陽甯夏實心拊循至今士民愛戴擬調守蘭州無何疾卒享年六十九長子邑廩生家修早卒次邑庠生培埜

論曰道咸之間縣中舉人之有名者曰彭壽頤曰辛辰雲曰謝大舒壽頤才氣過人有不可一世之概卒以保衛桑梓籌餉濟軍與鄉紳爭纖芥之嫌見屈於地方見屈於大吏雖以曾國藩廻旋之力尚不免於玉碎然國藩固以爲江右人傑也壽頤雖不獲廁名於國史亦既見之於曾文正奏議已成不刊之典其他紀載猶歷歷可數也辰雲敦品勵學生逢亂世拮据艱難餉而出於勸勸而或出於勒不免積怨於富室而亦多見忌於士

人於其卒也莫之恤也豈不冤哉大舒以清俊之才屢參戎幕以蕭壯果左文襄譚制軍之大力交章馳上陳臬開藩至於建節不難也卒以州牧而丞而守不獲大抒其蘊蓄然則功名之會可易言歟

盧熙典初名汝寬號敬五少孤母胥撫之成立既就外傳訓之曰汝豕世以積學未顯其無忝爲明德之後乎則聞而自奮辛亥舉賢書母愈策以進取已亦銳志入都館胡小篋總憲彖總憲文章有名書法尤推祭酒顧謂以爲書善也會賊氛告警舉人彭壽頤辦團練以書速回祭鄉團籌餉甚難且粵匪終不足有爲賊退仍益理舊業初壽頤以分團合團與知縣李爭持構訟中丞陳啟邁

萬載縣志

卷十之二

人物 列傳二

九一

怒彭下臬司憚光宸管責而彭力見賞督帥曾文正國藩適文正以軍事與陳龔船并案入奏褫職憚先行解任未幾復來撫江彭嘔血死乃亟速辦團諸紳將悉委咎於彭則投袂而起優貢廖連城請借遂同至省跪堂皇獻員手一紙勸警百端答以義不可負故人堅不具結卒以疑詞消案而遇大挑不赴以克復新昌功保知縣戚友有勸之仕者曰今世士非由館閣不貴吾將以副胥孺人之望也十上春官不第眾論惜之

盧炳黎世貧顧恢奇自喜不以屢空櫻心里有巫祝假神道歛錢惑眾遠近騷擾立驅出境受業於某孝廉折節自勵駸駸以文學稱矣光緒乙亥秋闈抱病同舍有故人善視疾爲審方調理備至

首藝竟度不克終場以文授之而出榜後有追咎之者笑曰天倘不負豈再無脫穎日乎丙子闈文爲一時傳誦榜前有窺闈中刻墨者遽走相告抵掌稱快頗鳴得意及謁房師語以次藝失法度非首墨已鐫幾復黜乃爽然自失生平習於世故既更事以顧時裁以大義不曲徇私云云

楊守洛號直坡幼慧爲文便能驚人同儕以神童目之弱冠肄業東洲山長羅寅生許爲發品以府試第五名游泮領壬寅鄉薦明年赴河南會試不第清廷變法同好勸其晉京考職取列二等得以州同選用顧念母年八秩且世變仕雜不願溷迹其中與爭權奪利者伍祇求潔身以事親一無所玷而已宣統初舉行新政當

萬載縣志

卷十之二

人物 列傳二

九二

選爲諮諮議局議員每建一議批卻導窾切中事情不愧爲人民代表既返里復教授東洲中學學者仰之幾如泰山北斗云

謝日郊號謙福生彌月而孤母鍾年二十一居貧守節以養以教甫成年卽有太志塾師袁某器重之以兄之子妻之弱冠負笈東洲書院山長邵鶚秋孝廉劉邑名士也策問漢書及三國志擬義眾多莫對乃條答纒纒如貫珠卷入眾讀其文皆歎服縣府試迭列前茅未售當清咸同間東南弗靖摘錄唐宋明史畧各三卷及鄭志馬考馬步舟車陣法共二卷以備參考應用時堂兄大舒幕贊左節相西征函請往竟以母老辭袁夫人亦願公暫勿遠離上以慰大夫人心下以玉濟沂兄弟於成云膺贈文林郎奉政大夫

馬熙然號連炬資性純孝研究典籍年三十六補弟子員聯捷舉於鄉宣統季年以尉參軍需次贛省承辦廣信鉛山廣豐諸縣倉儲親查勾稽不遺餘力閱兩年彌補缺額穀達四十餘萬石使車所歷不名一錢旋補建昌缺副監南城等五屬大守張公其鑑深倚重之自出山至解組前後十餘年直情徑行誠歸然一魯靈光也

溫佩謙號益齋光緒戊子科舉人早歲敦品立志績學能文爲鄉里所推重在家隆孝友崇儉樸族眾舉爲族長與湯戊三孝廉友善修家乘湯君序弁其首辦理地方一切公益事稱莫逆焉晚年任東洲監學日以蓄道德能文章爲生童勸時山長劉厚卿孝廉

萬載縣志

卷十之二

人物 列傳二

九三

新昌高尚也煮酒談心引爲知己云

謝鍾璧號奎堂其等茂才也讀書穎悟過人有友堅約肄業東洲書院試輒上等院中生童百有餘人均以高才生目之赴府試名落孫山鍾璧不介意遂人化成巖寺中個人簡練夜以繼日數越月學使者至識拔於稠人之中實至名歸論者以爲非偶然倖致也未幾病暗不能言學者以其暗於口不暗於心也爭往師之筆談指畫莫不怡然渙然由是益知名與胞弟寶銓稱爲難兄難弟而嚴氣正性目不視惡色耳不聽惡聲遇事主持公道有古人遺直風焉

王廷揆號理齋光緒甲午舉於鄉高村有高魁書院先東洲成立

民國以還改爲高級小學廷揆首倡加捐創立新會修校開學畢業數次卓著成效東洲捐入袁州中學亦與有勞先是續修家乘嚴定規約監學東洲書院參訂學章均令人稱道不置

馮濤號月槎恩貢士多智計善說辭清季考取安徽縣丞未赴在家襄辦蜀江初小學校又偕同志謝晉臣李小白等創辦成德高等小學更立崇德堂以扶助之復修祠粟主煞費心力士林紀念不忘晚年壽踰八旬與邑進士龍賡言同時重遊泮水亦異數云謝夢丹字有濟號雲九遊幕甘省以回案保巡檢甘省底定保縣丞賞戴藍翎假歸監修正誼書院工竣復回甘省時魏光燾移平慶涇道總辦糧臺及全省報銷夢丹與有勞保知縣加同知銜既

萬載縣志

卷十之二

人物 列傳二

九四

委環縣知縣因勞致疾未期年回省卒宦囊蕭然歿無以殮

鍾照離號謙甫弱冠遊泮水年四十舉於鄉再上春官不售以知縣註冊請簡歷任縣城統計處會長東洲中學校校長勸學所所長並倡捐登瀛堂增加教育款產光緒己亥重修家乘任纂輯丰采宛然洵足模範後進云

袁在鎔號庚甫歲貢生結廬長垣山麓因號長垣山人薛花淪茗詩學袁簡齋暇輒吟詠一篇出爭傳之長明體高小學校年已八十趨健若飛能作蠅頭小字誕辰詠詩見志和者盈尺都爲磚玉集排印

劉仙瀛字鳳池幼慧弱冠游泮補廩生多以遠到期之則彌自負

與同社友以學行相砥礪家雖貧泊如也於古文詞時有心得潦
倒半生晚課後進多所成就子俊民尤傑出武昌高師畢業
謝青雲字有金十一都人曾以戰功給五品銜復吉安保千總克
黟縣建德等城堡以守備賞藍翎同治元年解徽州圍陞遊擊賞
花翎解青陽圍保參將加副將銜陞協鎮加總兵銜卒於金陵營
次派兵護喪歸葬

謝堃堃原名寶銓號選卿邑增生敦品力學有大志真歐陽公所
謂蓄道德能文章者而政家以孝美里以仁人無間言尤樂得英
才而教育之祖居宜春章家塘門下士合宜萍瀏萬四邑游泮食
餼近二百人登賢書歌鹿鳴者亦以十數乃文憎命達鄉試堂備

萬載縣志

卷十之二

人物 列傳二

九五

呈薦十次不第學使咨送經訓豫章未往士論惜之真羅江東流
匹也甲子啟宗號翰臣博學彊記專承庭訓習經史帖括及古文
辭與室兄日郊齊名既取古入泮補廩食餼光緒間龍宗帥取高
材生送經訓書院肄業嗣以歲貢候補訓導清季入京考職分發
廣西縣丞時廣西候補道劉君良生東洲業師也相知甚深力薦
任容縣長安司分司調署古砦司分司及桂林清查局委員適民
軍起義歸隱章家塘里第獅山兩等學校聘爲國文教員既又任
萬載止誼高級小學校校長經師人師人謂家學淵源有自焉
曹瑞祥號慶餘少從明經徐樸菴游聰慧內隱年二十四補博士
弟子員道光甲辰舉於鄉咸豐初身黨石達開連陷江西數十州

縣邑令李吉言失守時近除夕避入黃茅鴻臚第密請謝火舒謀
適邑紳辛辰雲至曹家乃偕謝與令潛商促辛往湖南請援謝介
函先容楚中丞駱遂命道憲劉長佑同知蕭啟江分道援江至鐵
山請謝入幕已與辛籌餉濟師嗣虎威軍恒字營踵至卽辦團資
助防堵不數月克萬載進會劉軍克袁州時太平軍漸退官軍勦
除脅從拿刑拘監先後賴救全者百數十人繼將離局同事以保
衛桑梓固留遂不計危險力任之在局垂三十年設義倉修縣城
罔不舉行嘗集經費數十萬金從不以一錢入己人有被誣罹重
罪不能解者必隱爲申雪或酬以金峻拒之曰我若要錢貧不至
是也尋修邑乘謝病歸不再預聞公家事構草廬後園藥爐茶鼎

萬載縣志

卷十之二

人物 列傳二

九六

爲終老計先是粵事平敍功奏准以知縣用部文催促公蹙然曰
向者不作是想况今年已七十餘乎適門人任玉琛令浮梁迎至
任所旬日見宦場習氣大深旋以病辭歸光緒甲申十一月以壽
終生性剛毅峭直見人有過面責無隱而疾惡尤嚴常恨不爲瘟
神收盡世間歹人晚年一腔熱血每借杯酒洩其不平德配謝宜
人舉丈夫子七其季邑附生懷清志行有父風

李真實號樸軒方頤廣穎魁梧奇偉發強剛毅不可以非禮犯然
仁慈豈弟無疾言遽色秉性聰強邁羣刻苦攻讀常數晝夜不
輟經史子集百家學說罔弗瀏覽旁及醫理堪輿以博學聞年三
十舉於鄉大挑教職任義甯州學正與王知事闡明性理諸書存

誠去僞實事求是當時士大夫囿於歷史觀念矜尚詞章乃特注意經濟事業以誠正爲主以格致爲務任南昌縣教諭兼本省孝廉堂及豫章友教各大書院監院咸資表率砥礪廉隅一時士風因而不變蓋作事務其遠者大者不瑣瑣於末節不隨流俗不媚權貴雖遭時不偶遜世無悶以教職終其身云

葉南英號芾棠歲貢生空來山人沅秋季子清末停科舉丁未考職南英以秀才得二等分發本省典史未就歷任東洲勸學所長教育會長袁州中學堂董事東洲中學校國文教員家貧親老奉養盡禮而親仁樂善性情活潑有瀟灑出塵之致善詩文緯有父風著有聽濤軒文稿待梓

萬載縣志

卷十之二

人物 列傳二

九七

馮岑號島三潭埠人性豪爽有俠氣辦理鄉邑公事保甲團練胆識過人有推倒一世之概與萍邑歐陽璟本邑謝大舒爲莫逆交聞戰不利卒以一衿老士論惜之然自岑以上四世由岑而下二世秀聚一門有九代書香七代秀才無間斷之盛其三世孫藩爲國犧牲歲得政府卹金四百元詎非鄉邑中得未曾有者歟謝協寅號恭忱一號空塵父志崇績學未售課篤協寅旣入泮協寅歎曰泮水思樂樂安在哉余家貧親老幸博一衿使親身見之親樂余乃樂其樂也已任正誼高小學校校長考取法官任龍南縣承審員國變歸里偕辛心禪研求佛學皈依淨土宗歷有年所無疾而逝

萬載縣志卷十之三

人物

彙傳 寓賢 方技 仙釋 雜記

王永誠性倜儻琴書自娛不樂仕進構綠筠清室與易節郭瑾諸人觴詠其中觀察胡槩記之有綠筠詩卷藏家

袁秉清進城鄉人正統十二年助賑粟一千六百石給冠帶天順五年又助六百石立石

楊火瓊東都人正統十三年助賑粟一千六百石給冠帶

彭希節東都人景泰四年助賑粟一千二百石旌表義門

周仲信西都人景泰四年助賑粟一千二百石旌表義民

萬載縣志

卷十之三

人物 彙傳

龍志霖景泰七年助粟二千石題旌

辛秉儀西都人成化二年助粟二百五十石給冠帶

龍時清龍時振東都人成化三年各助粟二百五十石俱給冠帶

陳福榮白良人成化間助粟官倉數百石賑饑題旌有碑

龍大志成化丙午助粟賑荒給冠帶

龍大寧奉例納粟備賑有司獎賞給冠帶

郭致仁號洞山性逸宕不羈與邑士以詩倡和後薦召抵京擢經

歷不仕歸卒年九十二

李廷顯徵古後裔宏治間修龍河浮橋橋圯復改立渡又設渡林

家磨建亭憩待渡者修竹潭橋及上峯矮陂石橋史鑿井山麓

濟渴發淨安寺前路三百丈舉鄉飲卒年九十六

龍尚茂字觀美幼失怙能自立邑有義舉必與正德間積粟數百石平糶濟荒知縣陸璫獎之

龍昇震奉例納粟備賑知縣顧獎給冠帶

彭本鑾號兩江家不豐而好施於所居小水水口創建石橋上列屋數楹工方舉曾疾卒子襄陽教諭遵教畢其工人稱兩江橋諸太史大綬爲記

龍郎嘉慶十九年出粟賑荒給冠帶表曰義士

宋一鳳因雙虹橋圯捐貲改建石橋具載橋碑

鄧南春庠生屢試高等晚年捐粟備賑知縣劉舉鄉飲給冠帶年

萬載縣志

卷十之三

人物 彙傳

二

八十餘卒子繼守年亦入秩受冠帶

鄧南居年九十六舉善民鄉飲十二次給冠帶

龍濟亨性深沈有俠氣邑令周曾遭官謗挺身代雪一時稱奇

胥橋東都人性長厚嘗捐修高村石橋萬曆元年以近郭徐家塘

田七十餘畝并四圍山場概助學宮院道獎給冠帶孫大順大

化游岸按舊志載半價入官後橋子孫照補半價百二十緡充公因參改

張桐號後峯宅心公平喜爲人解紛萬曆改元給冠帶知縣徐一

唯常延訪以得失年七十四卒

彭池萬曆三年正月父蹕病危遇游方僧指點剖左手肉和藥進之愈知縣徐申獎

辛曉鳳生平好義萬曆十六年灾荒人茹草根樹皮惻然曰何取
有餘爲出粟三百五十石助賑院道獎異後舉鄉飲

孫如琳萬曆戊子己丑輸粟備賑鄉黨賴之子益美游庠

譚燠字德明幼習舉業論時務得失洞悉窾會里中人有緩急竭

蹶相赴萬曆丙子龍河橋圯於水獨力重建己丑大祲券而求

者差寺投之粟貧不能償輒焚其券一夕鄰燬於火燠居且危

迫忽風反而免咸謂善報臺使者旌其門給冠帶年九十六卒

龍匡仁庠生饒於財平時修橋葺路荒年濟族賑鄰知縣鍾畢皆

重之子運開亦游庠

丁顏八字爲甫萬曆中父守忠入病不痊因叩天流血割左手肉

萬載縣志

卷十之三

人物 彙傳

三

熬湯進之愈地方呈縣申獎

鄧繼寵事繼母以孝聞爲人謹厚公平年九十七舉善民屢赴鄉

飲六經按院獎賞

龍匡信性醇厚事繼母以孝聞知縣畢申獎隱德

王珪蘭樸雅篤實年八十七舉鄉飲給冠帶子覲恤族賑饑知縣

畢委督修城有功亦舉鄉飲不受

袁鉞字伯威樂義好施里中有善舉必捐貲襄其成建牟村橋偕

其姊節婦出金爲首臨終凡借券皆焚之子汝楫庠生捐修東

樵書屋更名東井軒延師開義館歲助館穀貧家子弟多賴成

立

宋福謙號柳潭事親孝多善行知縣舉舉鄉飲子良翰篤學善詩
萬厯歲貢未仕卒

辛御典好善樂施人稱長者知縣舉獎以額年九十卒
歐陽學孝友謙和知縣舉以樂善申獎

王萬行以掾吏任貴州鎮遠稅課大使恪恭厥職院道獎異張璧
贈有詩卷

郭宏量字懷吾好行其德曾捐金爲友置妾妣嗣修葺廣報觀崇
信寺揚公嶺路康樂兩河宜春秀江安福鳳林諸橋皆出金以
助又創建峰頂山大尖峯庵置香火田倡修宗祠三舉鄉飲不
就署縣侯舉爲鄉約卒年九十三

萬載縣志

卷十之三

人物 稟傳

四

李耀芳萬厯年間買田二百餘把助學署縣吳額獎之孫時植時
樞游庠

譚德宗庠生安貧苦守襟懷灑落彭之龍宋九德輩雅重之

汪自東字二憲屢試高等以數奇老諸生生平尚義蠲貲周急時
饒田鄉痘疹盛行嬰孩暴亡自東或施湯藥或給食用獲全活
甚眾咸稱廣濟先生至老抱病子會通剗股以進雖未獲痊猶
延喘數日亦不忍父死之一念云

周名恭父母早亡撫幼弟如子事甚叔如父賑貧恤乏有古人風
兩舉鄉飲子經邦游庠

陳仲植好施予族鄰喪塋不辦卽捐囊助知縣陶給冠帶舉鄉飲

後修丁田橋助木石不計子懷信亦樂輸公

鮑奕明乳名坎仔賣腐膳母萬厯中母病危割左股和藥愈院道
獎之母破督學胡給銀助葬

楊仕紳庠生割股救親知縣倫郡理伍交獎之

龍洪泰郵貧賑荒邑令倫獎之行善愈篤月給多江渡募費葺水

府廟晚年得子構砥玉軒專師課之年七十卒子延璧游庠

張汝術爲人忠厚有犯不校貸不責償知縣倫獎之年八十三

鮑燮急公好施知縣倫給冠帶舉鄉飲後助修丁田橋

辛明都字建和處族黨一以仁讓有不能婚者力爲完娶知縣姚

舉鄉飲不就子守忠庠生

萬載縣志

卷十之三

人物 彙傳

五

翟章昌甫之後積德好善捐修潭埠橋遇饑輸穀助賑三舉鄉飲

壽近百歲

周民蒸少通經籍耽詩詞山林寺觀多所題詠鄉里推爲亭老一

切利弊興革勘踏修理悉秉公正舉鄉飲固辭年八十九卒人

稱古雅先生

承坤年九十二知縣陶舉鄉飲給冠帶後督修丁田橋有功

郭宏翔醕謹慕義與物無忤萬厯中有侵其祖瑾墓者廬其側三

年得以無事卒年七十三子一偉廩生一俊一傑一伋俱府庠

孫士佩士進歲貢生士連士玉俱邑庠

伍夢熊急公尙義修丁田橋與有力焉署縣張舉鄉飲

彭世懋字德開庠生澄之後嘗捐修翠巖書院集俊髦砥礪其中風雅而尚俠士樂交之施棺修路傾貲不惜世懋席累世宦業積而息之致富易易耳顧置不問獨於先世著作及有關宦蹟文字蒐輯珍藏以示子孫亦有足多者

喻應瑞號台川生平詩酒自娛賑饑砌橋築庵皆不吝曾拾道旁遺金追而還之不受報知縣姚給冠帶年八十九卒

喻應楨號慕衢喜讀書好吟咏凡置義田修路平糶皆助焉知縣姚舉鄉飲

周以銘稟性忠厚值歲饑出穀以賑萬曆中督修康樂橋獨任一管二墩澄渡興江津梁皆爲修葺知縣姚旌以額

萬載縣志

卷十之三

人物 彙傳

張顯庠生萬曆中修康樂橋獨任一管知縣姚舉鄉飲子大維孫奇珍庠生

張文儀泰昌元年母宋氏雙目掩瞳數醫不效文儀方童稚慟泣顛大顛以身代割左股和藥母目復明知縣姚題旌建坊

孫耀宗字文字年十二卽持齋見庵觀佛像頽壞橋路缺陷輒捐助修理貧不能娶者助之娶家以是落不悔年八十卒子希聖游庠希賢貢生任寧州學正

彭紹美字世濟幼孤撫弟倍篤性敏而文屢試弗售遂棄去以課子爲事子復古式古皆以貢任教諭

彭天資庠生壯志弗酌遂耽隱家無擔石儲嘯歌自得萬曆丙辰

舉鄉飲給冠帶年八十四卒

陳曰俞父生員天表病危割左股和藥進之旬日而愈時年方幼親鄰欲舉報曰俞固不可遂寢彭自新爲作傳

周汝謨增生苦志潛修持身耿介鄉黨族戚無間言年六十八卒

彭天贊以掾考任福建建寧主簿居官有聲在家修橋葺路凡饑疫死者施棺瘞之并豎石亭於龍河渡林家磨爲行道憩息所

彭應成由典吏授照磨自甘隱逸致政不仕居家奉法循禮

彭夢瑞萬厯中母冷氏雙目內障夢瑞齋戒七日割左股和藥母眼復明題旌入明史孝友傳按明史作天啟年間事

汪自霖字躍龍三歲失怙事母孝有田六千餘把以多讓兄自取

萬載縣志

卷十之三

人物

彙傳

七

三分一資膳養而已子德度游庠

龍宗海天啟二年母鄧氏病危遇醫執方書示以股肉可愈夜自割炊而進之幸延六年母歿事繼母辛如所生知縣陳申獎孝行

龍九錫號榮所歲貢不仕貞介純謹苦志力學常自作水龍吟年八十卒

郭萬嘉助棺賑饑拾金還原主邑稱善人子士玠等游庠者五孫九人爲諸生

譚嘉憲家貧奉母以孝聞拮据教子子經黼游庠

張正亮賑饑修路葺橋梁知縣李舉鄉飲

歐陽啟桐崇禎四年同男侃四送杉木百株修學知縣韋明傑額
獎之

辛應象崇禎六年母彭氏病篤割左股救痊次年復病亦如之知
縣韋優獎

周樞生平樂善子某游庠早世依姪貢生顯終其餘年崇禎八年
知縣韋擬申獎適卒年九十六

彭以筐號紹塘性瀟灑結精舍桃花巖口延師課子生平疎財好
義知縣曾宜高舉鄉飲孫鴻鵬邑庠

聶興煥字文吾謹厚與物無忤濟乏施棺里中稱仁慈長者卒年
八十八孫壁成庠生

萬載縣志

卷十之三

人物 彙傳

八

周卿邑庠生樂施廣濟而舉鄉飲

譚飛龍有聲黌序亦兩舉鄉飲子燧孫嘉儒俱游庠

張周勉錢糧早輸而舉鄉飲

龍霄年九十五歲三舉鄉飲

清朝

辛明韜字鳴泉父光英篤行孝友隱居自適縣舉鄉飲不赴韜少
讀書家貧服賈養母母喪年已七十猶呱呱作孺子泣家既漸
裕以周急解紛爲樂尤好行陰德如還遺焚券諸事顧妻子不
知也爲七房族長五十年宗規整肅邑侯韋請爲介賓四飲於
鄉范侯至其廬賜盛時人瑞額御史笈重光廉其良善特加優

獎卒年九十二子敏芳有傳

楊一龍字猶龍少孤祖遇用課之讀詩文皆精贍教授生徒專事
醕正貧者悉爲曲成邑令陳公瑛邑紳喻子賢皆延入治所爲
子師所得修奉悉公之昆弟爲營舍資性介不容人過友朋敬
憚如嚴師家雖貧恬如也子發庠生

辛昭字元弼順治初歲貢知縣高鵬起甚重之嘗助土二丈創建

文昌閣

劉應選字柱石濟困解紛爲鄉里推重世隸軍籍領運三十餘年
不惜破產以全族眾順治丁亥奇荒輸粟賑饑知縣高鵬起額
獎之凡兩修環溪古剎助出資香火卒年八十一子世傑有傳

萬載縣志

卷十之三

人物 真傳

九

譚經祺字謙夫性慈好善嘗遇商人衣被罄空遂解所有與之渡
江拾遺金坐待原主歸還微經祺其人幾投水焉丁亥奇荒備
席糜餓孺子偃拔貢生

王試琦幼失怙事母以孝聞丁亥奇荒散粟給族全活多命鄉有
爭訟多爲勸解人稱彥方再世年登八十有六

郭一鳳字文徵性嚴正直聲著於時訓子姪以敦睦邑令梁嘗造
廬致敬焉卒年八十三孫邦藩歲貢任崇仁訓導

郭大章字孟弢邑庠生幼出繼事所後所生以孝聞志行高潔知
縣韋明傑目爲奇士年八十四爲族長諄諄勸誡咸受薰陶後
舉鄉飲子閔遠孫達士綸俱游泮

龍璜字匪石邑庠生好讀書制行端方不入公庭教子孫以行恕年八十猶應試弗倦

聞斯達字則兼邑廩生家貧好讀少廬父墓朝夕焚香祈母壽日記功過著有周易講說及門龍文炳等廿餘人誦法不衰

唐之臯字克允邑庠生性醅厚堂兄家貧同衣食二十餘年兄歿撫姪如子田產婚娶皆仰給焉予聞晉邑廩生開仕庠生並以文名孫裕猷武舉光華光表裕才俱游庠

龍堯典字君則事寡母至孝待人長厚有古人風予學勤孫韜俱庠生

宋文芳字毓和家故貧事父母能如禮仲弟季弟欲異爨芳涕泣

萬載縣志

卷十之三

人物 廩傳

十

勸止後析產取瘠推肥人皆賢之年七十四卒子元輔孫映蛟應發俱庠生

周煥字炳如庠生好讀書曠達自喜家貧無戚戚容姊子敖璉甫二歲而孤煥攜與同居教誨如子洎登賢書猶撫摩若嬰兒璉亦依戀若父煥沒乃歸敖母事煥妻不衰

辛汝楫字以濟邑庠生事繼母得其歡心嘗貸銀爲人完娶後生四子慙不能償轉撫慰之方康熙戊午饑家中落日惟食粥見鄉鄰乏食者仍分給焉卒年近九十

郭邦重字伯仲爲人醇樸貧能自守年踰八旬卒

劉世傑字漢臣邑庠生豪爽樂善歲饑買米賑濟全活甚衆居家

嚴肅喜接賓朋撫姪惠愛族屬稱之年踰八十卒子宗向宗理
孫洪範俱邑庠

郭士聲字公選西都人性剛介是非不少假借無隻字入公庭壽
九十六子磐邑庠

鮑椿齡字俊年庠生以孝義聞母病痢椿齡妻服侍甚至姑愈而
氏染疾卒齡時甫三十終身不續娶或勸之曰妻爲吾母死何
忍更有妻年九十六歿參府志

汪世豐字維新東都人以勤儉起家鄰里是非力爲排解待師尤
敬知縣何錫命龐驥額嘉之壽八十六子廷麟庠生廷獻歲貢
生任訓孫之圖歲貢之文之永庠生

萬載縣志

卷十之三

人物 彙傳

十一

易象乾字子清西都人秉公仗義爲邑長所重壽八十九

汪映昌字選元東都人性好學九旬猶試童軍夫婦齊眉俱九十
七而終

郭士奇字公亮西都人少孤善事寡母刻苦自勵爲諸姪完娶年
九十三

辛汝梅字以調邑庠生重然諾尙氣節康熙甲寅戊午間兵荒相
繼人多死徙竭家貲招集賑貸保全無算年逾九十知縣許松
佶舉鄉飲并贈以詩聯子符鄧禹俱諸生

易聯也東都人雍正元年溫上貴之亂知縣施昭庭率鄉勇捕勦
聯也捐餉三百石事平知府李春芳額獎之

鄧興生拾生員郭邦績銀拾兩零還之不受謝題旌建坊
龍芳字九仁二都人質醴厚修橋賑乏課子期於有成年九十二
子應雯應鰲應雱應霆俱庠生

易宗聖東都人業縫衣幼失怙母有所嗜一一遂之遠召縫者不
就母嘗曰汝不能娶以我累也跪曰母一而已年老難再妻可
求亦可緩已而母病危割左股和藥進尋愈

胥振勳字首標庠生八歲通書史父喪哀毀如成人絕意科舉知
縣劉體元遺書勗之答曰有郭外田足供饋粥以養親不願仕
也母歿廬墓三年

鄧際可字禮仕邑廩生雍正年間捐百金倡修康樂橋邑義舉多

萬載縣志

卷十之三

人物

彙傳

十一

所樂助予鉉錚俱有傳錡文庠孫斯沂有傳斯淑斯鴻文英星
輝皆文庠弟郝庠際明字東啟有二僕均爲娶妻生子一日出
身契焚之曰無貽爾後嗣累并各給田贍焉際明子錕嘗倡助
本支成室廼其祀撫佃人孤孀完其節亦可謂能繼志者孫汝
瑛增生

辛金世字儀文孝友喜施父早歿長兄另爨遠居金世提攜二弟
不有私財乾隆癸亥饑邀同志傾囊以賑活人甚夥知縣嚴在
昌以誼切維桑獎之

辛汝灝字定遠歲貢生父金聲在庠序有名灝敦行力學喜周人
困捐修道路若石岐及牛角冲上下高田費三百餘金卒年八

十七

龍喜齡東都人乾隆乙亥饑減半價出糶乙酉又饑流民載道長子培次子琦又半價難儲粟不足乞糶以繼貧不能糶者設粥於家賑之凡三月捐金七百有餘

辛金鱗字池飛年十五補弟子員事繼母以孝聞癸亥歲饑出穀數百石半糶知縣朱崧額獎之

胥袁字補之郡增生仗義疎財修康樂橋遷建文廟皆量力捐貲倡乾隆二十四年捐田十九畝助龍河膏火知縣張立中守備沈瑄並獎之舉鄉飲年七十九卒

易瓊字廷選監生讀書好義邑改建學宮形家以文峯爲言瓊慨

萬載縣志

卷十之三

人物 果傳

十三

捐七白金建塔南城外科名由是增盛今後裔置產爲修塔費辛廷臯字欽堂歲貢生學問深邃文章恬雅從遊經其指授悉有規矩遷建文廟勸捐經理以公勤稱知府陳額獎之

聞廷佐字宏毅例貢生性慷慨乾隆癸未乙酉間連歲荒廷佐謀於族減半價糶以濟本宗復謀於邑有力者捐貲買常平倉及鄰邑穀佐以雜糧各坊一局學爲總局平糶以濟城鄉全活無算子附貢生之詠有父風嘗捐田三百餘把爲族人授室資

陳賢書字秀升監生乾隆乙酉大饑捐金四百平糶多所全活

彭賢賡字韻洋邑廩生博學能文工詩精於考掘性至孝出爲世父後事生母與所後母俱得歡心生母亦寡並爲請旌建坊爲

人公平嚴正鄉里推重屢薦棘闈四十七歲卒著有碧蒿藏山稿分宜林進士邑人辛少宰爲之序子才囊文庠

辛金騏字鶴廷儻好施乙酉平糶人賴以濟袁家墩有貧鬻妻者輿在門矣召其夫予金全之遇行不協義者據理直繩無所阿曲

辛錦瑤號崑圃邑庠生爲學宮首事修文廟建考棚立育嬰堂悉有力焉善解紛身未嘗涉訟卒時老母尙在遺命以孝服殮

辛標字中文庠生孝友出至性念兄食指繁讓父產而多予之歲饑倡族平糶戚族告乏解橐不吝有無力婚娶者出金爲完配而自奉儉約脫粟緼袍晏如也創祠宇置祀產建城隍廟皆身

萬載縣志

卷十之三

人物

稟傳

十四

任其勞次子炳庸增貢生灑落有幹才工左手書於坊市族祠諸事能持正無瞻徇有疑難數言而決邑公事時賴匡襄孫家源歲貢曾孫有猷有守舉人

鮑啟仁字子良監生慷慨好義倡立潭埠社倉獅子橋圯捐募增修平糶發路從不少恡嘗捐金置祠產後族拓祠建塾咸取資焉子震岡武舉忱爽有父風與歐陽韶仁倡立樂育義塾獨築上潭堰開石圳農田賴以濟以五世同堂請旌年九十卒

歐陽韶仁字德安急公慕義尤篤本原旣倡首新大祠構支祠並置祭田以維永久又倡建義塾以教族子弟若潭埠樂育之建合鄉人士咸賴之歲遇荒歉設法平糶晚年值邑公事力肩其

任至顛踣風雪中負逋鬻產不爲悔卒年八十

易大有字德成武庠貌俊偉喜讀書交游皆文士購書延名師課子伯仲皆以文入泮三子金鳳武進士四子金麟武舉以金鳳游擊銜例封武翼都尉

龍賓字羽卿歲貢生擅書名足跡所經求書者屢滿戶外賓至疾書各厭其意意所不可無能強也年六十餘卒

郭功曦字恒庭例貢生少孤事母孝以貿易致貲財伯兄中窘助之數百金邑值多故墊用至千金竟持空券不責償辛卯饑平難儲粟數百石又如數貴買以濟之捐助寒衣局經理多載悉得宜又捐田百把助賓興家累日深不顧仍延明師課子孫子

萬載縣志

卷十之三

人物 彙傳

十五

陶文庠

高樹藩字芸圃監生有幹才敦族誼倡構長溪支祠共十房合祠旣與孝廉湘文捐貲倡首身走各鄉村聯絡勸輸司其出納積而息之凡數十年卒底於成又以其羨置祀產立郡縣試館族人翕然咸服推爲族督邑有大事慷慨直前受千金累不恤尤尊禮文士子作楫郡附生孫在梁武舉在志文庠

張學鵬字搏萬監生生有至性兒時遇歲祲見父母憂迫私詣鄰媪借粟聞者咸異焉初習舉業因貧就商父歿兄且析爨鵬獨力養母竭愛盡誠出則囑婦奉事語刺刺不休母病已危猶購參進及歿哀毀骨立扶柩渡江中流遇風幾覆鵬抱柩大哭風

爲頓止白是終身手顛云生平疎財好施義舉勸捐立應尤敬禮文士構友竹莊延名師課子孫年八十四卒孫君敬爲邑名諸生

陳方蓮字潤宗監生積苦起家好施子邑中善舉莫不應臨終以行義屬其妻吳已而義倉令下吳命子綿韻勲捐穀七百石爲本畝倡迨四五區建龍雲書院先後捐金八百錢千餘緡又以三百緡助修學宮二百緡助龍河膏火皆承其志

歐陽訓字春協幼失怙事母以孝聞家貧賃舂爲業而勸季弟讀甚殷日以所得資躬自送贍凡十數年家漸起弟亦入泮生平剛方樂義鄉族多愛憚之子職員涸監生源克承先志公事力

萬載縣志

卷十之三

人物 彙傳

十六

以身任嘗捐貲助祠產建郡縣本宗試館歲饑倡族平糶凡賓興義倉書院惜字局皆有堂及一切義舉或助或倡莫不量力爲之孫文蔚文炳俱文庠

辛馨字奠安廩貢生少孤事繼母劉孝母膺末疾湯藥必親奉凡十餘年不倦待伯父炳金如父事必咨廩視羣從如同胞推多取少同居數世無間言足不涉公庭業產被侵占佃戶強梗悉不校以是見重鄉族紛爭經調處輒帖然生平謹齋日持至倡建支祠助賓興田辛卯壬辰平糶量力捐貲不悛其餘助婚葬焚券施藥皆優爲之然謙退多遠慮族舉房長邑舉孝廉方止賓興舉董事皆辭後際多故咸服其先見云

袁智達積苦起家鄉曲義舉捐錢不惜子附生建原監生建校職員建序能繼其業郡拓建考棚捐地基二十餘丈嗣因試館逼近官議估拆又捐半價助修公所邑起育嬰堂寶興堂修考棚學宮並有賞助

辛家政字安成炳席子從九品職性伉爽嘗在大橋市遇偷而獲咸勸鳴之官不可曰是非積賊絕自新之路開妄攀之門肥捕役害良善吾何安乎又有里民賃居者同舍或涎其婦色欲據之里民勢不敵泣訴居鄰政偕宋杞文力保全之邵其謝有姪與同儕口角幾成鬥訟姪急赴愬斥之曰朋友何至是必爾所爲不善奮掌欲批之逃儕聞而內愧事遂解晚精岐黃術活人

萬載縣志

卷十之三

人物

彙傳

十七

甚多臨終檢積券焚之曰吾爲子孫省事始政生而富厚治父以揮霍散財遂中落因攜三子鄉居督課甚嚴卒成其志有猷有守舉人有爲文庠

郭泉長別字心貴縣北打鐵坳人性篤實幼讀異羣兒父業醫恒在外母督教之不少假清季科舉廢遂從事醫不計值貧者輒給以藥費鄉里善舉多樂從母老目漸眊每出診歸卽趨問安否或懷果餌以奉時與幼弟琴絃歌曲說一切可驚可喜故事以博權笑母病日夕不離禱於神而愈爇香拜於萬祝寺黃皮尖者有年母沒哀毀旣葬廬墓三年有欲爲之呈報者堅辭之且曰昔父之沒以母命未得盡其情今粗以酬罔極耳

柳文藻字學初一字餘圃工於心計逾冠服賈既商於上海億屢
中人服其識誠信相孚能見其大人又服其量比積貲至鉅萬
遇公益如大橋陂堰重大工程等役不斤斤計較嘗於民十二
年獨力新文昌閣費銀元六千有奇鄉人士之往來滬濱者輒
曰曾識柳餘圃否其見重於一時如此

謝雲峻孝友性成母歿廬墓三年

劉洪黎號向廬守母墓三年株潭葉家墩

藍濟人字獎中黎源銀腰帶人事親敬謹母歿廬墓三年民十五
呈准廬陵道轉江西省詳內務部註冊並發清單彙報旌表孝
子

萬載縣志

卷十之三

人物 果傳

十八

鍾生瑛邑深塘人父挺禮以家貧使瑛業縫坐性孝每朝出爲人
傭必詣親前問安否暮歸亦如之親未寢雖有命弗寢疾則侍
醫藥寢食俱廢病痊乃已雖食貧以獲親心滋樂鄉人並愛重
之光緒癸未父沒瑛哭之痛乃謹事其母嘗輟業以顧母泊己
亥母又逝益不欲生經戚族勸諭淚盡血繼葬後廬墓三年弗
肯歸曾訂婚某氏因母沒璧還庚帖知依母而不計其它鄉人
出相與其狀呈縣憲張之銳尋勸之歸就公堂薙髮爲請旌以
勵孝行時遜清光緒甲辰事也旣而僉以孝子不可以無後力
勸之乃娶於黃踰二年舉一子云

郭垣一名自強讀書識義理殉名節再試始售其志固不在一人

之秀才亦不以秀才二字爲一人之輕重也爲秀才後仍負氣
慷慨艱難險阻始終不渝其時有與相應和者龍元亨盧鍾靈
唐建節其著也然堅苦微不及矣

唐暉鮑夢嵩生性屈強亦鄉間出眾才也暉驍勇力敵數人夢嵩
氣壓儕輩奔走耐勞千里不遠與歐陽柄傑易袞章劉思浩等
輩殆皆有得於知耻近勇之語者與

歐陽丙寅以恩貢就職教諭用水局勞績保舉遇缺先選儒學教
諭改分廣東試用直隸州州判耄而好學書法圓潤能左右手
卒年七十九

歐陽澍號雨生幼岐嶷銳志向學無資幾輟舉人龍發機愛其聰

萬載縣志

卷十之三

人物 彙傳

十九

慧不取束脩弱冠以縣試第一人入泮既得拔貢注冊候選直
隸州州判李有棻任江寧藩司兼護督篆時因同譜專函促以
往親老辭不赴族議建文忠公祠容展緩者再終促成之卒年
八十

何蔚春字文芝邑廩生孝友誠篤生十月失怙事母得歡心暮叔
早世孀以愛繼他子家產中分春事孀無異生母力學弱冠游
庠連試十四高等癸酉堂備居鄉以裁成後進爲務門下皆知
名士尤熱心公益建寶興修邑志俱始終其事筦理龍河書院
增田數百把念昌黎書院邑人無肄業所勸柳添建構族祠修
家乘皆力成之子榮綬郡學生

周蘭相如懷舊鄉緬村里人仕趙爲上卿事詳史記在邑西五十里蘭家村蘭灘今猶存蘭姓者

按蘭相如史載趙人舊志以爲邑人未知何據大抵沿徐昇修縣治記而訛也記曰其產才代不乏人義烈慷慨有若蘭相如風穎秀邁有若謝康樂使以蘭爲邑產將謝亦邑產乎今攷相如故里在直隸磁州南二十里杜村店舊有石坊其墓在渭南縣西四十五里戲河道旁碑尙存然徐記必非無因或生平所嘗寄跡或子孫遷居於是均未可知今姑存舊志附於流寓

晉習鑿齒字彥威襄陽人爲桓溫別駕晉末秦苻堅陷襄陽避地

萬載縣志

卷十之三

人物

寓賢

一

於邑之山谷誦讀不輟後人遂名所居之山爲書堂山舊志兼通志

按彥威郡志載其避苻堅亂居萬載卒葬分宜棗木山輿地志亦云分宜有習墓攷晉史苻堅陷襄陽聞鑿齒名輿致之俄以疾歸襄陽尋而襄鄧反正朝廷欲徵鑿齒使典國史會稽不果據此無避地事墓當在襄陽王仁圃江西考古錄亦嘗辨之因相傳已久仍舊存疑

唐陶沔竹溪六逸之一爲唐司空晚歲來遊愛東北鄉山水之勝遂居焉卒後鄉人立廟祀之故有陶司空廟稱崑曰陶逸子孫世居之地號陶家坊舊志參通志

柳希玘蘇州刺史父渾刺袁州有治聲朱泚反聞渾名欲致之因榜掠其子希玘爲渾季子避居本邑之西江遂家焉卒葬下坑大墓山舊志

徐延休字德文世爲會稽人乾符中進士昭宗狩石門無學士草詔延休來調官適在逆旅左右言其才卽召見命視草昭宗善之及還長安不得用樞密使蔣元暉辟爲僚佐延休惡其人棄去依鍾傳家於洪州烈祖取江西得延休歸授義烏縣令累官光祿少卿終江都少尹二子鉉錯有傳節十國春秋補

按通鑑長編稱萬載徐鉉安志亦云鉉萬載人洪武志確指爲歐桂東鄉當云康樂鄉其曰歐桂蓋從後書舊志福慶坊有鉉

萬載縣志

卷十之三

人物 高賢

二

讀書故址則此所云依鍾傳家洪州者正指萬載唐時萬爲高安地本屬洪州也徐之家萬自延休始南唐宋史以二徐爲廣陵人今不從

宋黃庭堅號山谷分寧人伯兄大臨令萍鄉崇寧元年庭堅航荆江畧洞庭涉修水經七十二度省兄於萍鄉三月路經萬載宿逍遙觀廣慧道場卽崇信寺俱有題咏流連數日去采山谷集補

甘禊奉新人爲衡陽縣丞紹興中金人復陷洪州遂卜居萬載教子孫以耕讀爲本孝悌爲先采甘汝來集補

辛竭字克勤號南坡開宣後避難隆興結廬西山麓閉戶讀書以存心養性爲本致知格物爲功隆興守聘爲山長生徒至者百

數嘉定間來省祖塋遂定居焉子三英勇冠勇無傳莫冠子孫
繁衍舊志

元虞集字伯生撫州人宋丞相允文五世孫累官奎章閣學士至元
五年過袁州作尊經閣記與邑人黃璧有媿屢至其家作黃盅
大本堂記書澄波堂記後馮侯修學記張巖書院記采學古錄補
吳澄字幼安崇仁人用力聖賢之學累官翰林學士邑人黃盅嘗
從受學澄以孫女妻之往來寓盅家為題其堂曰大本作黃璧
尚古堂記采草廬集補

歐陽元字原功其先由分宜遷瀏陽歷官翰林承旨與邑人黃璧
友善嘗過萬載屢造其堂見璧弟盅如舊相識盛稱其學為教

萬載縣志

卷十之三

人物

高賢 三

玉溪作錦江橋記采舊藝文志補

揭傒斯字曼碩龍興富州人歷官翰林學士嘗偕吳澄虞集歐陽
元訪邑人黃璧每款洽經旬月而後去後人稱其坊為集賢采

舊輿地志補

譚觀字日廣南昌灣溪人孝友工詩文至順間應辟舉為經筵簡
討賜進士出身授翰林院國史編修後任國子助教見陳友諒
據江西諸路兵起避居萬載卜築龍河之濱自號卧游子著樂
隱詩以自適後裔世居龍河橋畔舊志

鮑遇字千泗徽州人官御史與學士歐陽元友時元主以鐵木迭
兒輔導東宮上疏劾之不納遂乞休家居徐壽輝起池州陷乃

徙信州再徙瀏陽欲依歐陽元值元物故徙萬載西郊燕子窩
督耕種爲業歐普祥屢聘不就子德忠移居城中遂開族焉節
舊志

胡恭字志同奉新人善真草能詩文元末任上高教諭已而避亂
袁州洪武初徵不起日與劉豫父輩角藝自娛知縣黃權寄詩
云相別未多日相尋勞夢思更求四幅畫要寫五言詩可想其
韻致後游覽至邑涂泉結廬其上名曰雲松巢石門梁寅爲歌
及記舊志參上高志

清史大成浙江寧波人順治乙未修撰素善瀏陽知縣韓燦萬載
知縣范廷鳳康熙四年自瀏陽過萬途中有澗斷危橋度峯廻

萬載縣志

卷十之三

人物 寓賢

四

遂徑通之句至縣寓署中有贈范令詩舊藝文志補

熊頤字養及清江人年四十從寧都魏冰叔學旋客四方至萬載
至李維則家有題大智寺古柏詩采清江志補

明張錦字時萬性剛直居家嚴惟喜子弟讀書分舉時以腴產讓
兩兄究心醫家言參酌變化隨試輒效又遇異人授秘方即患
蠱幾死者依方藥之無不愈亦不索償子棟有傳

伍子英幼習儒後精於醫遠近就診者應手而瘳嚴介溪稱其有
起死回生功施藥不計利嘗募修花塘石橋邑令徐請給冠帶
壽至九十三

晏治字正祥初業儒因母病潛心軒岐鄰近延醫輒往望色切脈
投藥輒效大諫伍可受遷謫至縣幼子患疹眾醫罔效治一藥
即愈卒年九十餘宋九儀爲作行狀

胥應龍性豪邁以足疾絕意仕進選照磨不往嘗客京師十餘載

萬載縣志

卷十之三

人物 方技

一

得異人授痘疹奇方捐貲施藥都門患痘疹者賴全活無算

郭汝恭性恬好施精陰陽家言并討究丹黃術於城南建不二庵
請華嚴大藏諸品朝夕焚修其中嘗出金助修月光崇信二寺
及秀江康樂竹渡諸橋年八十三卒以上舊志

清宋逢聖司背人工水墨偶作禽魚走獸無不酷肖性嗜酒平時
以紙索求畫雖置千金絕不吮筆及沽釀告窶爲置罍瓶脩脯
於旁輒劇飲醉後潑墨淋漓頃刻數十幅生氣迴出聽人攜之
去

李榮陶字風高高村諸生性曠逸不以科名介意精醫理并推挈
術屢起人於危與執友高某相晤見神色有異索手脈診之曰

君外雖無恙然某臟已虧宜速治未幾果死府教授熊日華萍鄉令張枚皆敬禮之手錄醫家宗旨數萬言其弟榮陞見而嘆曰倘得梓行有補於世不少

周金洪字玉振西都人幼聰敏習舉子業常從教諭魯鴻游故作文有法度補弟子員旁及醫術精奇經入脉廸診視者生死無不驗用藥不屑屑古方多奇效每大比赴秋闈不倦恩賜國子監學正年八十四無疾而逝

僧球玉住持牟村西源庵性聰慧喜作書兼通儒家言嘗題寺聯云鐘希留夜月衲破補朝雲可想見其風致喜搜剔古木堯相質命形罔不酷肖亦絕技也

萬載縣志

卷十之三

人物

方技

二

辛炳炎字用晦東都人英爽特達爲文涉筆立就教諭魯鴻獎異之屢試前茅卒不售年五十乃精醫其用藥多時師所不解卒應手瘳嘗有戚串至家賀歲炎授一丸命急服遲將不治其人不信翼日疔發唇死一婦孕而病廸之診視定方下之立產數蛇而愈其臨症救人類如此著有醫通醫案藏於家

喻鶴松字鳴皋藏溪人少孤貧兄課之讀晝夜不輟兼通醫卜星命家言既長貧益甚無以養因專於醫活人無慮數百所酬貲儲半以供母嘗有急需笥中尙餘錢若干不敢用典衣以應終母之世不少變乾隆年間縣舉醫學眾推之受冠帶卒後辛紹業爲之傳

郭古號石林田下人嗜酒善畫每當拂紙濡翰時以鉅觥盛冷酒且飲且揮筆蒼意古初若了不可喜細視乃覺其妙

王定恒字火占南田人少從張琢齋學稱其文有別情年三十不售乃潛心岐貴其審脈察證川方獨具心得每歲挈貲製丸散以拯痛苦壽七十終著有醫學尋源方治要典痘疹真詮色脈真詮博愛軒藥論醫案藏於家

李光成字晉之高村人性端重敦孝友爲文非啟禎大家絕不屑意卒以是見厄精堪輿嘗曰形家執理氣說徒亂人意造化之大安能以徑寸法求之哉隨父榮陞宦遊湘湖滇黔及金齒蒼山洱海皆遍頗得山川融結大概平時論說滔滔及與人卜宅

萬載縣志

卷十之三

人物 方技

三

兆矜持慎重從不輕洩

郭樹芝號甘泉如岡子附貢生質樸厚重喜讀書好游覽尤嗜奕究研古今棋譜盡得其妙嘗在省垣與戴秋士對局秋士合省所推國手也下手數著戴卽起曰此江西好手遂與友善棋日進邑無能抗手者旋訪同宗大錢南康署登廬阜游鹿洞放情山水者月餘鹿洞山長某以奕名招與角芝連局勝之生平慷慨多義舉嘗買產紹江價不貲後知故淨慧寺廢基爲奸人所賣遂出金建寺塑像契內田山盡施香火寺後有石平砥如棋盤芝因頷曰棋盤山寺

曹錫鵬裏源人習舉業不售遂潛心醫理屢著明效邑侯來孺人

病人延診之曰孺人必善怒氣喘頭俯痰凝半日生冷必不節
皆曰然曰此腎不藏瀾脾運失職胃陽遏抑肺液不化投以藥
漸痊謝之不受曰須節飲食戒恚怒明年因婢忤復發延覆診
辭曰怒則氣上又際吞陽上升時不可爲也旬日逝孝廉李承
烜母分媿後患寒熱臥牀難轉側少腹痛不可按醫者主化痰
以不痊鵬曰脉洪而數內癰將成亟與托消劑未效問諸醫雜
進症已危延鵬取決曰脉尚和可療仍須托之至夜半膿血大
下調理二月而愈郭太學敏猷跗腫膝大如斗神倦形瘁爲早
晚進加減腎氣丸日中加味六君湯外熨洗兼施一月而效彭
太學廷誼寒熱譫語加風疹或以肺癰治轉劇鵬爲先解外邪

後滋脾胃不月愈誼自恐體弱不久曰無傷進還少丹尙可十
年後亦驗從兄鈞謙腹脹連腰腎椎擊徹日夜投以理中加溫
熱劑既平復矣曰未也方春木司令而見秋金毛潛之脉至秋
必不支幸早圖之爲立方不從果八月卒生平輕財重義富無
禮者千金不往貧迫者反贈以藥資所傳外甥汪賢徒孫泰臨
均以醫名

宋淑暉樟源劫人精醫能預決人生死其同族有綽號竇石眼者
數請醫不往至於再三曰一次須五十金一藥病良已再往加
甘草一味先後得百金宋固富室多取之不爲慮遇困窮者且
予之藥然此百金火而在積或笑之曰先生百金何至今猶不

兌還市債曰病未好金須還曰早好了何言未曰明年六月再發卽不救遣其子將金還曰前言聊以試君既不吝須見還至六月果病復往請曰早知有今日不須再藥預備後事可也曾客湘潭歲暮有節裏王某商於彼約同歸曰尙少錢三十串能貸我卽當歸某如數送去隔年王某病吐血藥之稍愈再來請方值其抹牌不稍止其人再三請曰且在這食飯令爨夫買鱓魚其人辭曰醫在此不妨食少許而大吐俟其定爲易方囑服六十劑逾五十卽大愈復往視之曰病雖愈藥弗足未絕其根以店摺計之尙少三劑仍令服足其所見多類此至今稱良醫者必推淑暉錄之以爲操術不工重金錢而輕性命者戒也

萬載縣志

卷十一之三

人物 片技

五

鍾召棠號蔭南讀書頗通大義喜繪事壯遊湘鄂各行省別號雲遊樵子識見開拓繪事日工其所作山水人物花卉環而請之者戶外屢常滿某年國軍駐牟村席旅長秉鈞就禹王宮地立公園命爲護花主人年七十八卒畫冊多刊行祖居牟村石板橋又別號板橋道人前知事余重耀有題詞

晉謝仲初邑人志慕道術修煉閭皂山丹成復歸故隱過縣西見其無水拔劍刺地泉涌出甚甘卽卓劍泉也濟江無舟御竹葉以渡卽今竹渡嘗遊紫蓋山紫雲蓋之後登謝山冉冉飛去人名真仙嶺又曰上昇嶺有仙壇麻鞋石試劍石丹竈煉丹井諸遺蹟井水自木根中迸出水旱禱輒應參寺觀註嘉定志

按嘉定志以仲初冠仙釋未詳朝代安志謝仲初萬載人在高安北山中卽今謝山次黃仁覽下教真人上二人皆東晉時得道者今謝山石刻尙存丁丑開山字正元帝渡江後元建武歲也其爲晉人無疑李志列入北宋陳志以爲元人卽未知元和志已列仲初名唐諡南宮又以謝真人還舊山命題

斷不得在唐以後矣

湯周二仙失其名俱廣南人晉安帝時湯爲靖州壽光令周爲洪州南昌令湯以晉政不綱慨然掛冠訪周相約修道卜地康樂峯頂山中道成因名湯周山今棋盤石試劍石遺迹尙存有鐫刻相傳爲紫微觀碑參輿地紀勝

按靖州唐武德時置卽今瑞州無壽光縣晉亦無所謂靖州蓋青字之訛也壽光自漢隸北海郡屬青州

唐道一漢州什邡人姓馬氏故稱馬祖嘗修道於峯頂山山巔有鍊魔場建上中下三塔今惟中塔存焉有泉清冽禱雨輒應舊

寺觀參府志

懷海名大智福建長樂王氏子依馬祖與西堂智藏南泉普願同
號入室弟子時三大士化門相角立焉創立叢林儀軌名曰清
規元和九年示寂嘗修道壽峯山采舊寺觀注參通志補

按謝志大智列南昌仙釋內縣舊志三學院唐貞觀十年僧
大智開山又云在縣西七十里壽峯山則與馬祖之峯頂山
同在西鄉所謂依馬祖者是已第貞觀至元和年代太遠疑
縣志爲貞元之訛

黃皮二仙女未詳何許人相傳在黃皮山名勝志作黃波嶺修真道
成白日冲舉鄉人有禱輒應參嘉定志

按南嶽志有西漢青城山道士大微先生王谷神大素先生

萬載縣志

卷十之三

人物 仙釋

二

皮元曜同渡荆渚泛瀟湘至南嶽修真雖未言至萬邑然王
與黃土音絕相類附參又按水經注黃皮小木也南楚多以名山一

作黃巖

希運閩人幼出家貴藁山往南昌見馬太師至則馬已示寂乃走
石門謁塔參百丈師後觀察裴休迎住龍興寺曾創光化院於
嚴田在今縣北一百里繼建院於清泉山曰延壽在今縣東北五十里
又建崇信寺在今縣治南百五十步諡斷際禪師舊寺觀注參豫章書
補

按舊志斷際於咸亨元年創光化院二年創壽延院三年創
崇信寺而豫章書通志俱云大中間示寂考咸亨乃高宗年

號距宣宗大中已百七十餘年合生毀推之斷際不減二百
歲未必然也通志普賢寺注云會昌間觀察使裴休迎黃蘗
山希運禪師居此普賢卽龍興也師雖迎居洪州休旋罷或
來萬載行化疑三庵之建當在會昌大中時

懷祐泉州仙遊人受業九座山陳禪師尋參石霜初居謝山復遷
棲賢終於廬山謚元悟大帥采通志補

令超初住高安上藍山鍾傳帥洪州使迎焉因開元寺舊基剏院
以居仍名上藍昭宗大順庚戌正月初召大眾告曰吾本約住
十年今化事既畢當欲行矣齋畢端坐長往塔曰本空謚真元
大帥安志真元作元貝采通志寺觀補

萬載縣志

卷十之三

人物

仙釋

三

按舊志明寂院在邑北二十里地名上藍宋大中祥符五年
僧澄寂開山通志佑清寺始爲開元寺大中間燬後南平王
鍾傳復建上藍院以居上藍山僧令超考宋以前萬載本屬
高安山云高安上藍卽邑北上藍近南平故里者令超在唐
既居是山矣安得至宋有開山事澄寂殆承令超後重興道
場者歟

楊吳曾文迴雩都崇賢里人時楊筠松善青烏術世稱救貧仙人
迥與劉江東師事之凡天文識緯黃庭內景之書靡不根究
而尤精地理天祐間至萬載愛西山之勝謂其徒曰死葬我於
此卒如其言後其徒忽見於豫章駭而歸啟其棺無有也著有

八分歌二卷采豫章書補

按曾氏言行約編作文迪字求己宗聖四十世孫其先都鄉侯據避新莽亂遷豫章後有分徙雩都者故文迪爲雩都人其源委頗詳而迪與迪究未敢決爲孰是又邑老相傳有袁姓者欲侵葬迪墓啟土得石刻云五百年後有土衣人來侵我墳云云謀遂寢亦與前文小異姑前識之

宋法順禪師綿州文氏子太宗時擇地至袁卓錫白楊山卽今淨覺院舊寺觀注

段瓌字德瑱嚴田人少遊鄉校性醇厚與物無忤遇不平事則奮臂而前建炎間寇盜充斥段族數十口被虜瓌齎金帛挺身往

萬載縣志

卷十之三

人物 仙釋

四

贖賊義之俾偕歸紹興二十九年歲旱斗米千錢瓌發廩止取常值又日爲粥以食饑者全活甚衆後結庵謝山壁間多寫坦蕩字忽聚親舊敍別曰天帝卽召我矣一日鐘鳴欻然凌空去鄉人走視惟敝衣履存焉嘉定志

德宏禪師姓程氏浮梁人初住木平當途者聞其道行請住萬載歷居分宜福聖崇勝二院及洪州西山宜春仰山均有禪譽遷寂於紹興二十九年著有語錄一集采嘉定志補

僧守真住廣慧寺有道譽師仰山從悅禪師悅徒數十人守真亦其傑出云采嘉定志補

元黃樸庵至正初遊水坑磔愛其山林清勝遂募化結庵卽今長興

院後跌坐而逝安志

僧白然相傳於石庵得道白日冲舉禪林至今猶存

劉原祖名漢芳西隅一圖人至正六年建陰陽齋會七朝忽有異僧持鉢古貌跣足破衲癩身氣穢難近眾皆詬罵原祖獨食以飯問亦無言惟以背抵壁若措癢狀歛然去忽馨香滿室原祖急尾之不見視牆壁有詩云不是山僧特地來因遊南嶽反天台青衣童子多饒舌黃面瞿曇笑臉回鐵鉢滿盛貧子飯布衣難覓富家財殷勤傳與劉原祖伏虎岩前花正開旬餘原祖無病而逝殆尸解云節舊志

黃竹關道人黃伯詳也修真建城坊道觀有入人者假盃以餐既

萬載縣志

卷十之三

人物 仙釋

五

莫知所之他日人人與邑商邂逅襄陽以前盃付之曰歸語竹關卽當尋我於蓬島因忽不見客歸語黃未幾黃亦飛昇遂名其觀爲九仙叅寺觀注

清黔羸禪師洪州陳氏子脫白後聞九峯語豁然大悟順治十五年住北關普濟庵康熙三年遊醴陵住三峯著有三峯語錄次年居白楊山六年至城南三元殿說法書偈而逝采舊寺觀注補福宗號散庵安福歐陽氏子出家白楊工詩畫創一粟園爲精脩所知縣龐驥嘗造訪序其詩康熙壬寅振錫京師安福伍環贈以序輯禪宗總究二十八卷白楊語錄二卷

應智瑱之起以武畧保聚鄉里初疑爲閭左豪右彪勇任俠之徒及觀於其州人生則戴爲父母沒則奉之爲神則又歎其功德所被必由其有豈弟之意溫溫煦煦以拊循其民而無幾微麤猛嚴厲之氣斯所以沒世不忘也謂之循吏抑何媿焉王謨

十代文獻略

唐僖宗文德元年秋八月揚行密畏孫儒之逼欲輕兵襲洪州袁夔曰鍾傳定江西已久兵強食足未易圖也通鑑綱目

自廣明庚子之亂天下大荒車駕再幸岐梁道殣相望郡國率不以貢士爲意江西鍾傳令公起於義聚奄有疆土充庭述職爲諸侯表式乃孳孳以薦賢爲急務雖州里白丁片言隻字求貢

萬載縣志

卷十之三

人物

雜記

於有司者莫不盡禮接之至於考試之辰設會供帳甲於治平行鄉飲之禮常率賓佐臨視拳拳然有喜色復大會以餞之筐篚之外率皆資以桂玉解元三十萬解副二十萬毋送皆不減十萬垂三十載此志未嘗稍怠時舉子有以公卿關節不遠千里求首薦者歲嘗不下數輩唐撫言

安陸郡有處士姓馬忘其名少遊湖湘又客於鍾陵十數年嘗說江西鍾傳本豫章人少倜儻以勇毅聞於鄉里不事農桑恒好射獵熊鹿野獸遇之者無不獲焉一日有親屬酒食相會傳素能飲是日大醉唯一小僕侍行比暮方歸去家方二三里谿谷深邃有虎黑文青質額毛圓白眈眈然自中林而出百步之外

顧望前來僕夫見而股栗謂傳曰速登大樹以逃生命傳時酒力方盛膽氣彌麤卽以僕人所持白梃山立而拒之虎卽肩搏傳傳亦左右跳躡揮杖擊之虎又俯伏傳亦蹲踞須臾復相擊攫如此者數四虎之前足搭傳之肩傳卽以兩手抱虎之項良久虎之勢無以用其爪牙傳之勇無以展其心計兩相擊據而僕夫但號呼於其側其家人怪日晏未歸仗劍而迎之及見相捍卽揮刃前斫虎腰旣折傳乃免焉數歲後江南擾亂羣盜四集傳以鬪虎之名爲眾所服推爲酋長竟登戎帥之任節制鍾陵鎮撫一方澄清六郡唐僖昭之代名振江西官至中書令耳

日記

萬載縣志

卷十之三

人物 雜記

二

鍾傳鎮江西日客有以覆射之法求謁傳以日歷包一橘置袖中令射客云太歲當頭坐諸神莫敢當其中有一物常帶洞庭香

鄭文寶南唐近事

上藍和尚在洪州甚爲鍾傳敬禮疾篤傳省之求一言相付和尚起索筆作偈以授其末云但看來年二三月柳條堪作打鍾鎚

明年春淮帥引兵奄至洪州果陷江南遂爲楊氏所有

全唐詩話

梁太祖乾化時諸州長吏多武士專以軍旅爲務不恤民事知誥獨選川廉吏修明政教招延四方士大夫洪州進士宋齊邱好縱橫之術謁知誥知誥奇之辟爲推官與判官王令謀叅軍王

翊學主謀議以牙吏馬仁裕曹悛爲腹心通鑑綱目

吳順義中差官興販薄定租稅厥田上上者每一頃稅錢二貫一百文中田一頃稅錢一貫八百下田一頃千五百皆足陌見錢如見錢不足許依市價折以金銀并計丁口調課亦科錢宋齊邱時爲員外郎上策乞虛抬時價而折絹綿本色曰江淮之地唐季以來戰爭之所今兵革乍息黎甯始安而必率以見錢折以金銀此非民耕鑿可得必興販以求之是爲教民棄本逐末耳是時絹每疋市價五百文縑六百文綿每兩十五文齊邱請絹每疋抬爲一貫七百縑爲二貫四百綿爲四十文皆足錢丁口課調亦請蠲除朝議喧然沮之謂虧損官錢萬數不少齊

萬載縣志

卷之三

人物

雜記

三

邱致書於徐知誥曰明公總百官理大國督民見錢與金銀所謂擁籌救火撓水求清欲火熾水清可得乎知誥得書曰此勸農上策也即行之自是不十年間野無閑田桑無隙地自吳變唐自唐歸宋民到於今受其賜齊邱之事美矣知誥乃亟聽而行之可謂賢輔相而九國志齊邱傳中畧不書資治通鑑亦佚此事今之君子惟知浚民以益利豈不有覩於偏閭之臣乎容

齋隨筆

世言江南精兵十萬而長江天塹可當十萬國老宋齊邱機變如神可當十萬說見龍衮江南野錄周世宗欲取江南故齊邱以反間死方五代之際天下分裂大亂賢人君子皆自引於深山大

澤之間以不仕爲得而馮道有重名於中原齊邱擅眾譽於江
表觀其人可以知其時之治亂矣周師之犯淮南齊邱實預議
論雖元宗不盡用然使展盡其籌策亦非能決勝保境者且世
宗豈畏齊邱機變而間之者哉蓋鍾謨自周歸力排齊邱殺之
故其黨附會爲此說非其實也予論序齊邱事盡黜當時愛憎
之論而錄其實覽者得詳焉陸游南唐書

宋齊邱相江南李先王昇中王璟二世皆爲僕射璟愛其才一日
選景於華林廣席獻羯鼓詩曰巧斲牙牀鏤紫金最宜平穩玉
槽深因逢淑景開佳宴爲出花奴奏雅音掌底輕瓊孤鵲噪枝
頭乾快亂蟬吟開元天子曾如此今日將軍好用心又嘗獻鳳

萬載縣志

卷十之三

人物 雜記

四

鳳臺詩曰嵯峨歷洪泉峯客撐碧落闕哉秦始皇不驅亦不
鑿上有布政臺入顧背城郭山蹙龍虎健水黑螭蜃作白虹欲
吞人赤驥相燂爍畫棟泥金碧石路盤磽确倒掛哭月猿危立
思天鶴鑿池養蛟龍栽松棲鸞鷲梁川燕教雛石罅蛇懸殼養
花如養賢去草如去惡日晚嚴城鼓風來蕭寺鐸掃地驅塵埃
翦蒿除鳥雀金桃帶葉摘綠李和衣嚼貞竹無盛衰媚柳先搖
落塵飛景陽井草舍臨春閣芙蓉如佳人迴首似調謔當軒有
直道無人肯駐脚夜半鼠窸窣天陰鬼敲啄松孤不易立石醜
難安著自憐啄木鳥去蠹終不錯曉風吹梧桐樹頭鳴曝曝
峩江命石青苔何淡薄不語興亡事舉首思渺邈吁哉未到此

漏劣同尺蠖籠鶴羨鳧毛猛虎愛蝸角一日賢太守與我觀橐
籥往往獨自語天帝相唯諾風雲偶不來寰宇銷一畧我欲烹
長鯨四海爲鼎鑊我欲取大鵬天地爲矰繳安得生羽翰雄飛
上寥廓馬令南唐書宋齊邱本傳

朱瑾既殺知訓自剄即日其事聞於昇州知誥齊邱曰請明公即
今渡江定其事仍馳聞命公則政事之任歸公矣不然令公當
以諸子入代明公無望矣知誥立從之溫聞知誥已入遂因而
許之五國故事

宋齊邱出鎮洪州詔賜錦袍烈祖親衣之李建勳贈詩有一人看
上馬雙節引還鄉之句時論榮之齊邱至青陽初命穴牆給食

萬載縣志

卷十之三

人物

雜記

五

俄又絕之餒者數日中使謂齊邱曰侯令公捐館方供食耳以
絮塞其口遂卒時有黑氣起直貫九華山元宗暮年禁中往往
見齊邱陳覺李徵古如生時禳之不去甚惡之因議南幸江南
餘載

李徵古少時賤遊嘗宿同郡潘長史家是夜潘妻夢門前有儀注
〔查後漢書尚書郎張衡周興參案儀注天文之儀法考古校
今以爲九道法最密又查南史司馬聚傳撰嘉禮儀注一百一
十二卷此云門前自必是儀仗無疑〕鞞馬擁劍骨朶
衙隊約二百人或坐或立且云太守在此泊見乃寓宿秀才覺
後言於潘曰此客非常人也妾來晨畧見餞酒一鍾贈之金扼

腕曰郎君他日富貴慎勿相忘李不自知也來年至京一舉成名不二十年除袁州刺史離闕日元宗賜內庫酒二百瓶鄭文寶南唐近事

徐楚金瑞人也其爲徵古作記稱以吾師意其學行在當時亦非碌碌者徒以比周陳覺傳會齊邱遂至目爲僉邪爲世嫉憎則甚矣朋黨之累人也班固之於竇憲也馬融之於梁冀也陸機潘岳之於賈謐也柳宗元劉禹錫之於王叔文也其人文章經濟豈不足以自致功名而立身一敗萬事瓦裂殷鑒不遠自古而然夫防風侏儒各有一節執其一節即可定其身之長短然而相士者於此又有截長補短之法焉徵古人品不必深論至

萬載縣志

卷十之三

人物 雜記

六

以經術潤色吏治亦不可謂非其所長予故不取南唐書而別采他籍以入於循吏傳斯亦瑕瑜不掩之意也王謨十代文獻畧按記中敘述吾師語似指孔子

宋太祖欲伐江南萬載徐鉉入奏乞罷兵太祖曰江南主有何罪但卧榻之側豈容他人鼾睡乎周深坡長編鈔

徐常侍入汴市一宅若後見宅主貧甚曰得非市宅虧價而至是耶吾近撰碑文獲潤筆二百千可以相濟其人亟辭命左右輦致之其厚德如此老學叢談

萬載徐鉉寓邠州死家人挈喪歸道出一邑時索細爲宰忽一官自稱江南放叟徐鉉來謁曰僕有所懇平生本廉介向在江南

爲學士時嘗勉強徇情諛受人一寶帶不獲固辭爲囑執政更定一獄雖事不枉法情有可原然或不免貪財罔上之罪今旅魂過海神廟卜恐不及徧察生平緣此案不相容君爲邑宰統隸版籍乞爲吾謝之言訖不見細異其事乃爲請禱柩過如飛云黃東重航巾帆

徐鉉爲人忠厚不以位貌驕人在海州時蒯亮爲錄事叅軍鉉與往還如僚友有印榮者獻詩曰不將才業暫時誇人仰聲名徧海涯月滿朝衣聽禁漏史闌分直埽宮花諫書未上先焚稿御筆曾傳立草麻兒說下朝無一事小池栽葦學僧家

徐鍇撰義門陳氏書堂記有男女長幼以屬會之辭旣已授之又密令寫碑人自於末添一食字或問故曰非食無以義聚欲以此一字爲陳氏子孫之誡耳

徐鍇以屯田郎中知制誥久次當遷中書舍人游簡言每抑之鍇遂詣簡言簡言從容曰以君才地何止舍人但兄弟並居清要物忌太甚請少緩之使衆稱淹恤進固未晚鍇頗快快簡言徐出妓侑酒疊唱歌辭皆鍇所製鍇乃大喜起謝歸告兄鉉鉉曰汝乃爲數闋歌換中書舍人耶江南餘載

潞水出豫章康樂縣其間烏程鄉有酒官取水爲酒極甘美與湘東鄴湖酒年常獻之世稱鄴潞酒盛宏之荊州記

葉夢鼎字鎮之瀘祐年知袁州言袁郡山多田少請特免和糴轉

運復下米三萬力請罷之毀萬載旗簞村淫祠塞其妖井宋史
龍鐔以國子監生超擢爲浙江按察使同時如阮友章爲福建按
察使王平爲北平又爲左右參政二十五人一時銓補豈空印
事發耶弁州別集

岱源過講鄉者相傳十二真君講道經於是因名其鄉而立祠焉
後燬正統間虎出爲患歲仍禳李孟友於舊址建真君壇虎他
徙祭禱輒應居民德之并祀孟友於壇本舊志

彭汪所居鄰家失火汪前夕夢一紅臉人以金尺量各屋檐至汪
宅謂其僕從曰此善人也免之後火發被焚者數十家汪宅獨
存舊志

萬載縣志

卷十之三

人物 雜記

八

前明間有暑沾晨逾山凹見虎蹲立援樹避之凹前一婦抱孩至
鞮帶解乃置孩虎背結鞮復抱下凹虎去問之曰石也知爲彭
姓寡婦因奇而娶之延師課其子後家中落愠甚時村有富者
入市過古廟聞廟中語曰今日彭老爺來此受責矣入廟聞然
疑之立於市適暑偕予行屈指格之子號泣詰其故曰此彭氏
兒也吾錢已盡索紙筆無已時富者曰毋余代之自是讀書十
餘年皆富者力後由舉人官二千石本府志

予抵上高十日後順治乙酉十二月也萬載署令杜之子杜子衿從
省來求予撥兵護送往萬載收父骸予如所請具優卹金六兩
同牌給之杜抵萬載得父骸棺斂以舟載回因擄掠萬載良家

婦女二十餘匿舟內度上高遠州刑館二役知而稟予予曰有處杜見余謝卹余曰尊翁在袁同事誼屬同寅當親弔發票示橋子杜船毋得擅放旋具二金折弔儀詣杜舟哭杜禮畢袁二役稟予云云指南岸一小舟曰在彼宋命移舟親閱婦女見余俱大哭求救命余謂求父遺骸孝子也攜掠婦女則寇矣不可遂命小舟泊南岸其婦女一一停余寓所內具飲食款之次日卽命小舟計口授糧造册付哀二役押回萬載取領各歸其家

黃鼎彝湯平附記

舊志載康熙十七年諸生呈請科舉盤費邑侯吳克庵批云賓興盛典在例自當舉行况本縣作養爲心期望尤切除照舊例外

萬載縣志

卷十之三

人物 雜記

九

更當竭力破格以備諸生資斧二十年又值賓興則常白山實爲宰除祖賤撥船外每名餽贖四兩府縣學舉首倍之二公皆廉吏也且適當瘡痍未復官私交困之時培植殷殷如是後之有心造士者可以勸矣舊志錄之有旨哉

李元運翠園以善書名嘗游省垣與居停至肆閱書畫俱不屑意最後出一幅輒擲還之致口角復取而碎之肆主大譁居停許償金不可必欲得原書元運笑曰易耳索紙疾書數幅乃知所碎故其筆也

古漏壺需人守候黃茅周許仙自運巧思製錫壺三上高原壺次均漏壺又次昇潮壺又設過水瓶定水壺分水引水龍俱用錫

製最下置一瓦盆爲廻龍池定水壺側縣小鐘鐘下有椎有車輪若水碓然昇潮壺內植木爲漏箭標十二時塑一小童捧之下安箭舟先審定時刻較準昇潮壺中漏箭將水注高源壺令滿徐徐自流以次遞下每交初刻及正刻定水壺滿自行傾洩車轉鐘鳴潮亦隨昇小童捧箭並起迄箭盡水盈壺下小孔旋流轉引水龍中洩入迴龍池潮水漸退箭舟亦漸低其上漏水仍微流不息漸積漸滿箭仍漸長如初每日僅從迴龍池運水高源壺一次